

1-50

ISSN 0134-4323



The monthly magazine «North Star»

ВОЙВЫІВ КОДЗУВ

КОМИ
ЙӨЗЛӨН
ЖУРНАЛ

5. 2000

Сыктывкарын Победа Лунё



Великой Отечественной войны геройяс (шуйгавывсянь):
Фатей Николаевич Торопов, Кирилл Матвеевич Чупров да
Федор Никифорович Терентьев.



Фронтвывса ветеранъяс.



ВОЙВЫВ КОДЗУВ



БЫД ТӨЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

5
МАЙ
(ОДА КОРА)
2000

ПЕТÖ 1926 ВОСЯНЬ

■
ЛЭДЗÖНЫ:

КОМИ
ГИЖЫСЬЯСЛОН
КОТЬИР

■
КОМИ
РЕСПУБЛИКАСА
ПЕЧАТЬ
УПРАВЛЕНИЕ

СЫКТЫВКАР

Елена ГАБОВА. Антон, гёрд пон да сюсь нывкаяс.	3
Повесть	3
Альберт ВАНЕЕВ. Лысва войтъяс. Дженыыд кывбуръяс	33
В.И.СИЛИН. Вöралысыён висътъяс	40
Олег ЧУПРОВ. Кывбуръяс	50
Юрий ЯКОВЛЕВ. Дженыыдик висътъяс	53
Виталий УЛЯШОВ. Кывбуръяс	60

ВЕЛИКОЙ ПОБЕДАЛЫ — 55 ВО

И.А.КОЮШЕВ. Войналён гутыс дзебасын на	61
О.М.РАЗМАНОВА. Радио — биа воясö	68

ПУБЛИЦИСТИКА

Юлия ЮШКОВА. Олёмас доныс	73
---------------------------------	----

КРИТИКА ДА БИБЛИОГРАФИЯ

Татьяна КУЗНЕЦОВА. «Грездысь босытö олан вынсö...»	78
----------------------------------------------------	----



СЕВЕРНАЯ ЗВЕЗДА



**Ежемесячный
литературно-художественный
журнал**



Учредители:

СОЮЗ ПИСАТЕЛЕЙ РЕСПУБЛИКИ КОМИ

**УПРАВЛЕНИЕ ПЕЧАТИ
РЕСПУБЛИКИ КОМИ**



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Альберт
ВАНЕЕВ

Виктор
НАПАЛКОВ

Ответственный
секретарь

Алексей
ОДИНЦОВ

Зам. гл. редактора

Александр
ПЕТРУНЕВ

Владимир
ТИМИН



Рочён гижыс Елена Габова миян лыгдысысысьялы тёгса нин, «Войыв кодзув» ййдзёліс сылыс некымын висьт да повесть.

Петаліс сылён сизим небёт: ёти — Москвайын, ёти — Киевын украинской кыв вылын, мүкөдьыс — Сыктывкарын, а «Антон, гёрд пон да сюсь нывкаяс» повестьыс — Японияын, «Гаккен» издательствоын торъя небётён жо петіс. Вуджөгіс роч кыв вывсыс Японияын олыссыяслён кыв выло Мотоко Нога.

Мег лыгдяяны Елена Васильевналыс гиҗёдсө ыл асывывив дівывса нывкаяс да зонкаяс, мег лыгдяяны сійс и коми челядь.

Елена ГАБОВА

Антон, гёрд пон да сюсь нывкаяс

П О В Е С Т Ъ

Волы, Антон

Керка ѡдзёсис пасъкыда воссыліс, сэсся гораа швачкыссис-пöдлассис, быттью горёдіс: «Ок, ок!» Терпитмён жо нин эсько тайё Антоныс да! Школаас новлан кёмкота мешёксо кузъ вонь йылын мыш саяс бовийдлёмён отчыдысь на эз петавлы гортсыс лабутнёя, пыр котörtö, быттью сы бёрся кодкё вётчысь эм.

Некод эсько оз и вётчы пашкыр юрсия Антон бёрся. Ачыс век кольёма, кадсö вёттöдö.

Но талун Антон сізд лёсялі петны подъездссыс, мый кёмкота мешёкыс сыйс водзджык чепёсийис ывлаас. Да ыджыд гёрд понлы веськыда нырас танасис. Тайё гёрд поныйис, кодос Рыжойён нимтісны, тшёкыда виччысыльывліс ѡдзёс дорас Антонёс, кызвысыльывліс, кор нин сылон тэрый кок шыясыс кыласны пос вылас. Радейтліс ышмыны-ворсны детинкакöд.

Нырас зургомысси поныйис ньёти эз лёгась, ворсігъясас ёнджыка на сюрлывліс. Сійо нимкодыпрысь уськодчис Антон дорö, но мёдис ѡлдіс:

— Вешый, Рыжой, сёрми!

И котörtic вит судтаа керка дор йёрöдис.

Поныйис гажтöма видзёдліс бёрсяныс: кор сомын сійо оз сёрмы? Сэсся зят курччис-кутіс пиньянас дöзмöдчысь арся гутöс. Быттью гутыс мыжа.

Поныйслён ёти пельыс зым суаліс, а мёдис — лапъя, лювгöдчома-öшöдчома: кынтывлöма коркё тёвся кёдзыд дырий. Татшом пельнас Рыжойис видзёдсис ворсан плюш чачаён. А збыль вылас — ыджыд скёр пон, коді бура дöзбörитіс керка гёгöрсö. Та вёсна любö вёлі налы, кодъяс машинанысö öшинь уланыс видзисны — тöдтöм морт оз лысът матыстчыны, Рыжой оз лэдз. Поныйис ывлаын и оліс, сомын тёвнас зэв кёдзыд войясö



вöзйысълывліс гортас, Маруся пöч ордö, а гожомнас узълывліс йöрас, вöв йöн пöвстын. А неважён Рыжойлён лои аслас чом, зонкаяс пöв торъясысь тувъялісны. Мукоддырииыс чомсяныс и кыйöдчыліс тöдтöм йöз бöрсяыс, а коді сьёлём вылас эз во, сы вылö эргывліс.

Мыш саяс бонзьём ранеца да кöмкот мешёка, Антон ризöдіс школалань. Сiйö тöдіс, мый бара сёрмис. Мамыс быд ногыс велöдліс Антонöс: и видлывліс, и бурён шуавліс, и öдзöс саяс ранецсо шыбитлывліс, быттьö сiйö отнасон, Антонтöг, восьлалас велöдчыны, но ставыс весышöрö — эз велав Антон ас кадö гортсыс петны.

Школа кильчö дорын Антон вötöдіс куим нывкаöс — Полинаöс, Машаöс да Зинаöс, сыкöд öти подъездын олыс нывкаясöс. Найö петлывлісны гортсыныс водз, но ньöжö довгöмнысла мукоддырииыс тшöтш сёрмылісны.

Полина бергöдчыліс, аддзис Антонöс да горёдіс:

— Ой, Антон котörtö!

— Сiдзkö, öнi звёнок лоё,— содтіс Маша.

И збыль: тринькнитіс медводдза звёнок. Нывкаяс содтісны öдсö, чеччишталомён кайисны школа кильчö вылас, мед Антон найöс оз ордый.

Школа öтарладорас, улыс судтаас, велöдчисны квайт класс — кык нёльöд, кык витöд да кык квайтöд — медся збой да вильыш арлыда челядьыс. Верстбясыс, кор ковмыліс налы коридор кузя мунны, стен бердланыс топöдчылісны, но и сэки на ышмöм челядьыскöд зурасълісны. Быд урок кост тані вабергач артмывліс челядь чукöрысь.

— Но, коді тайö слёнсо клеткассыс лэдзёма? — ёна чуймöм синъяс вöчомён Антон здук кежлö сувтыштліс кызінік Маша весытö. Мöдис дöзмөмпýрысь ырыштчис кöмкот мешёкнас. Антон бертовтчис да котörtіс нывкаяс дорті. Сiйö чайтіс Машаöс зэв асныраён да кедзовтіс сiйöс. Гöгöрвоана, мый и нывка эз жö ёна радейт Антонöс.

— Антон-картон,— горёдіс водзöссö Маша, мыччöдліс кывсö.

Полина тувкнитіс Зиналы:

— Сет Антоныслы гижöдтö!

— Кытчö ме и пуктi? — Зина шобис юбка зепсö,— татчö, буракö. А, гашкö, ранецын?

— Бёрнас либö,— öвтыштіс Полина.— Юртö дыр-ö он вошты-a.

Антонлы зэв окота вöлі тöдны, кутшöм гижöд кöсийис сетны сылы Зина. Но мöдиссююрёттіс звёнок, и найö разалісны: Антон нёльöд «а» классö, а нывкаяс нёльöд «б» классö.

Урок помасигкежлас Антон вунöдіс нин гижöдтор йывсъыс. Петіс коридорö медбörяяс лыдын, öдзöссяныс медылын пукаліс да. Некод вылö видзöдтöг кöсийис петны ывлаас, кöні шондiа, тöла, кöні гылалöны зарни коръяс.

— Антошка! — чукöстіс сiйöс кодкö вöсни гöлöсöн.

Антон муртса кыліс, эстшöм вабергачас! Ставён котралоны, чеччалоны, сералоны! Лабутнöя сöмын ветлöдлöны Вероника нывъёртыскöд Маша. Дерт, тайöясöс другöн кок йывсъыд он уськöд. Нывкаяс, английскойон сёрнитiгтыр, ньöжöйоник мунісны дiнтiыс, быттьö кывтiсны. Но и дзодзöгъяс! Англичанкаясö пуксьöны!

Антон эз аддзы, коді сiйöс чукöстіс да бара кöсийис уськöдчыны öдзöслань. И бара кыліс:

— Ан-тош-ка!

Горзісны нин кыкён. Антон сувтіс, бергало, синъяснас гордышсысө корсысью.

— Да ми тэнё чукостім!

Полина да Зина воломкё, горзёны, ёвтёны кияснас.

Антон матыстчис нывкаяс доро:

— Мый тіяны коло?

Воча кыв пыдди Зина сюйыштіс сылы киас нёль пельо нюкылтём кабала.

— Мый тайо? — дёзмөмён юаліс Антон.

— Быть волы, — шуис Полина да котортіс Зина бёрся.

— Кытчо волынысө? — броткыштіс Антон.

Көсійис восьтны кабаласо, но сылань чеччиштіс Ромка, ѿти классын велодчыс зонка, нетшыштіс кисыс гижёдторсö да ризёдіс коридор кузя. Антон уськодчис сы бёрся. Кодкё чургёдіс коксö, Антон конъясис да муртса ээ усь. Но тайо жо здукас конъялісны и Романös, и Антон вётодіс сійös, сетіс сыліас, мырддис кабаласо да вешийис ёшинь доро, көні век волі лоңы: тані ёнджақасö сувалісны рам оласнога нывкаяс.

— Мусуқыслы гижёд, мусуқыслы гижёд, — чеччаліс да вежнясис неылын Роман.

А гижёдас со мый волома: ном кодь вёсни гёлоса Зина корис Антонös чужан лун пасыны. Мыила сійös буретш? Ёти подъездын олоны, но водда воясö тай нё ээ корлыв. Антонлы мёвшавис, мый Зина кутшомкё мёд оломусь, майдкывса оломусь, көні збыльмө ставыс, мый көсъян. А Антон мамыскöд олоны, да немтор оз збыльмы налон көсійомъясысь. Артмё, никомла Зинаыслы сійös корнысö. Найо оз ёртасыны, ѿти классын оз велодчыны ни. Антон — нёльйод «а»-ын, Зина — нёльйод «б»-ын.

Антон выль пёв лыддис гижёдсö:

«Антон! Талун меным тыро дас арös. Волы чужан лун пасыны куим часын. Зина».

«Кага», — шпыньмуніс Антон. Сылы од аслыс регыд нин дас ѿти тырас! Антон сюйис гижёдторсö джинсы гач зептас.

— Но и мый, волан? — юаліс Полина, коді кыдзкё төдлітгөг матыстчома мыш саясяныс.

Антон ләптыштіс пельпомъяссö да веськодыпрысь мёдіс дзоргыны ёшиноңдыс.

«А кор Полиналон чужан луныс?» — мыйлакö мёвшаштіс Антон.

Козин

Антон шуис Зина ордö не мунны. Дзик ником сэні сылы, нывъяс дорас, воччынысö: сэсся тёд вылас уськодіс, кутшом чёсқыд көр талун кыліс подъездас, дерт, Зина патерасы, көні, тыдало, пусисны-пожасисны чужан лун кузяыс. А тёрыт, кор Антон жёдзис керка дор йорас, баттыс Зиналон мича машинасыс судзёдіс ыдъыд сумка тыр фрукты. Дерт, сэсся дуллыыд войталас. Торт да фрукты Антон важён нин ээ сёйлыв.

Ладно инё, ветлас сійё Зина ордö: сёмын коло кутшомкё козин дасытыны. Козинтөг оз позь мунны.

Гортас Антон восьтіс пызан кудсö, көні найо мамыскöд видзисны сёйм. Сэні күйліс ѿти сёа. Этша! Сёмын йөв да нянь выло тырмас вежон чёж. Сідзкё, козин выло видзны сёймсö оз

позв. Да и тайё съомыс нин абу налён, а ыджыд мамыслён. Сійё юксыявлывліс нақод пенсиянас.

Антон уськёдчис книга этажеркалань — ѿд сылон зэв бур книгаяс. Босытліс киас ётиос, мёдёс да гётёрвоис, мый и книгиыс козин вылёр оз туй. Антон оз нин и тёд, кор найё мамыскёд бөрьяыссо ньёблісны книгасо. Оні вузалёны сэтшом мича, ыджыд, юғыд, дзирдалан кышода книгаяс, а налён коть и бурось, но важёсъ.

Нином сылы козынавныссо. Сідзкё, ниномла и мунныссо. Но и мед, ёна тай! Мый сылы Зиналон чужан луныс. Веськодь!

Антон дозмёмпрысыс мёдіс ветлодлыны патераод. Ловзьёдіс важиник телевизор. Сэні вўзийисны кофе, коді налы волі ньёбны позытём дона, вуджис мёд программа вылёр — сэні вўзийисны «Сони» телевизор...

Зонка бёр кусодіс телевизорссо, гатш водіс диван вылас да мёдіс дзоргыны пёттолёк. Коть мый эн шу, а Зина ордо ветлыныссо век жо окота.

Жырыын чёв-лонь. Сэсся кутіс ызгыны малязі — пырома восьса форточка пыр. Антон бергёдіс юрссо, мед видзодлыны малязі вылас, а син улас уси будильникис. Кык да джын. Корисны куим кежлө.

Малязі кытшовтіс жырссо, эз аддзы ни ёти дзоридз да бёр лэбис ывлаод.

Антон бергёдчис стенлань, мёдіс гудайыны шпалерсыс кутшомкё чут да гудайис розь артмытёдз. Сёмын тайё эз тырмы... Бара видзодліс часі вылас. Циферблатыс быттё дэльёдіс: «Видзодлы, дас вит минут коли!»

Мед! Антон куйліс. Мёдас куйлыны да видзодны пёттолёкас. Кватитчис да бара нин часі вылас дзоргё. Нёшта вит минут кольома. Оз, сэсся отчыд оз видзодлы часі вылас.

Бурджык эськё кытчёк мунны гортысыс. Шуам, ю дорё ләччыны, чери кыйышты. Колё волі школа бёрас пыр и ләччыны, поводдяыс лөсялана и — оз зэр, шондіа. Арнас налён войвылад гежёда татшом поводдяыд овлывлө. Регыд мёдас зэрны, сэсся лым усяс...

Торкис сійёс Зинаыс!

Куим час.

Антон котёрён петіс патерасыс. Бергёдчыліс да кватитіс свитерссо. Оз кё босыт, мамыс видчо, рытъясыс ыркыдёсъ нин да.

Подъезд дорын, лежнёгдорса лабич вылын, пукалісны воччом нывкаяс. Полина талун джинсы гач пыддыыс дзоридзяса юбкаа. А Маша, буракё, весиг вом доръяссо мавтыштому. Вот йойыд!

— Антон, тэ кытчё? — строға юаліс Маша. — Он ёмой чужан лун пасыйны мун? Тэнё ѿд корисны! I know!

— Ай ноу, ай ноу, — нерыштіс Антон. Быдлаод Маша сюйыштас ассыс английскойссо. — Тэнсыд вунёді юавны!

Нывкаяс дорын лабич вылын Зиналы лоессёдом козинъяс. Машаладорын, юғыд күдійн, ас мозыс жо ёна воччодом акань, Полина вайёма югъялаң кыша мича книга «Винни Пух да ставён».

Со кутшом книгаяс колё козынавны!

А сылон нином абу. Антон гудайысыштіс джинсы зептас, перийис кутшомкё көрт тув, шпынъмуніс: «Козынавны эськё тайёс Зиналы, мед партасо гудъяс».

Антон юрссо лэптёмён восьлаіс нывкаяс дорті. Көсийис нин кежны пельёс сайё, но коймод судтасянь кыліс:

— Антон, нывкаяс! Пырой, миян ставыс дась!

Тайё тётя Марина, Зиналон мамыс. Сулало балкон вылас да меліа нюмъялө. И Зина сы дорын, вомыс пельдзыс.

— Ёдйоджык, ёдйоджык,— чипсо.

Маша да Полина босытісны козинъяссö да веськодчисны подъездö: Полина бергöдчыліс — локтö оз Антоныс?

Детинка сулаліс зумыштчомён.

Кытчö сiёй лöсъёдчыліс? Ю дорö. А вугыр шатыс кöнi? Вунома. Но и чери кыйысь. А мыила эськö.. öд сiёс виччысыöны. Джинсыыс, дерт, вушйома, но сöстöм на, мамыс неважён песлаліс. И футболкаыс сöстöм. Абу мисьтöм и.

— Тэ, пиукöй, гёрд пон эн аддзыв?

Антон весьтö сувтіс тешкодя кörталом чыштьяна ичöt тушаа пöч. Тайё орчча подъездысь Маруся пöч, Рыжойлон кöзяйкаыс. Ылаас кос поводя, а пöчыс гёрд резина сапöгъяса. «Быттьö гулю кокъяс»,— мёвпыштіс детинка.

— Эг,— скöра вочавидзис Антон.

Зиналон чужан лун вöсна сiёй став вылас скöраліс.

Пöчыс вешийис бокö да мöдіс негораа чуксавны:

— Рыжой, Рыжой...

— Ме сiёс талун асывводз аддзылі,— содтіс Антон бурпырысь нин. Сылы лои немкö скöраломсыс.

«А збыль, кытчö нö сiё воши»,— чуймомён мёвпыштіс Антон.

Школалыс локтigон поныйис став челядьсö вочаавліс, а Антонöс аддзом бöрын нимкодя увтліс да чепöсийліс сылань. Антон босытліс киас күтшöмкö бедь либö ув да шыбитліс, а Рыжой ыджаыда чечталомён котörtліс, сэсся вомас курчомён вайліс зонкалы. Тадз найё дыр ворслісны. «Ковмас тшöтш корсыны»,— мёвпыштіс зонка. А онi Антон майшасис: пырны-ö Зинаясас? Сiдзи и довгис ньöжйöникöн керка пельсöдзыс, воськовтіс сы сайö и друг аддзис... зэв мичаник каньпиös, кодi чёла пукаліс турунас. Буракö, кыйöдчис гут-гаг бöрся.

Ылынджык улоc вылын кутшöмкö том ань лыддис книга. Сiёй вöлi сэтшöма ылалома лыддысыöмас, мый каньпиыс кö пыштьяс, оз и казявлы.

«И пыштьяс!»— мёвпыштіс Антон.— И зэв бур! А Зиналы — козин!

Антон босытіс каньпиös да уськодчис подъездас...

Кад торт сёйны

Одзёссö восьтіс Зина, платтьёа, юрсисö кудритöма. Дзик майдыкывса Мальвина кодь.

— Со,— шус Антон, каньписö мыччигмоз.— Тайё тэнэйд.

— Ой, кутшöм мичаник!— нимкодя чипöстіс Зина.

— Ня-ав!— норaa нюркнитіс каньпиыс.

Антоналы кажитчис, мый Зинакöд найё öтмоза нюргöны. И кыкнанныс ичötикöсь, косиникöсь, окота найös кодысъкö дорыны.

Зина лэптіс каньписö юр весьтас, а мöдис ёнджыка нявзыны кутіс.

— Аттьё, Антон! Пыр, — и ачыс водзынджык уськодчис жырийö.— Видзöдлой, мый меным Антон козыналіс.

— Кутшöм мусаник!— шус тётя Марина.

- Күтшөм пашкыр!
— Гён тупыль кодь, — чилзісны нывъяс.
Маша матыстчис Антон дорё да вашнитіс пеляс:
— Кытысь тэ босытін? Ме ёд аддзылі: киад нином эз вёв!
— А тайё? — Антон индіс свитер вылö. — Ме сійös свитерө гартыштал!
- Зэв пашкыр да Пушокон и мед лоё! — шуис тётя Марина.
— И збыль, Пушок, лёсялө, — ныныда вочавидзис Зина.
Антоналы оттшотш волі и нимкодь, и яндзим. Козяйкас, гашкө, корсын нин каньписө. Но зонка сомын здук яндысис. Пызаныс чеги чоскыдторъяссыс, а шорас тшапа тыдаліс ыджыд торт, кыгчо сатшкому дас сись да гижома: «Чужан лунён, Зина!»
Челядь гажёдчисны- пируттисны. Пушок пируттіс жо — йөв лакис.
— Но сесся, ог мёд тіянлы мешайтны, ветла Вераясö, — шуис тётя Марина да петіс.
Регид нывкаяс мёдісны ворсны Клэр аканьён. Антоналы тайё ворсомыд, дерт, веськодь волі, сійö сейис. Оти салат, мёд... оти котлет, мёд...
- Тэ мый, гортаң эн пажнайт? — юаліс Маша шензьёмён.
— Э-эг... — вом тырнас вочавидзис Антон. — Эг вевъяв.
— Мамырды уджонсö оз сетлыны, да? — быдтор көсій төдны
Маша.
— Оз, — висътасис Антон да гёрдөдіс. — Тэнүд нё мый?
— Нином, — вочавидзис Маша.
Антон казяліс, кызд сійö вежынтыліс вом доръяссö, и бара лои окота бытшкыны Машаös: «Коді нё клеткасыс слёнсо ләдзёма?» Но немтор, удитас на, а оні коло сейны пöttöдзыс.
Мамыслы и збыль некымын төлесін нин эз сетлыны съёмсö. Уджаліс сійö библиотекаын. Важён нин гортас эз вёвлы чоскыд сеяныс, фруктызд да. Быд лунъя сеян налён мамыскöд — асланыс дачавывса картупель да град выв пуктас. Важёнсян нин Антон ветлевіліс кар кузяис подён, автобус вылас съомыс эз чуктыв.
— Тэ сей, сей, — матыстчис Зина, — со пирёгсö босыт. Чай мёдан юны тортон. Нывъяс, торт сейны! Коні истогыс, коло сисъяссö ѡзтыны.
Зина биасис сисъясас, сесся польштёмён отпирой кусодіс. Ставён кекёначасисны.
— Ура! — горёдіс Маша. — Во чёж лоан шуда!
Тортыс вомад сыліс. Нывъяс важён нин чечисны пызан сайсыс, ворсісны каньпикöд, дурёдісны сійös кампет кышён, а Антон век на чосмасис. Сесся Зина чуткис видеомагнитофон — Полина корис петкёдлыны «Золушка» мультфильм.
А Маша друг серёктіс:
— Антон, тэ быттьё бегемот! Кыгчо сы мыттыыс тёрё?
— А тэ слён! — пузис Антон. — Коді тэнё клеткасыс ләдзис?
Маша пыр и дёзмис.
— А тэнё татчо сомын вердышты корисны, — быттьё водзёс мынтис, шуис Маша. — Да, да! Тётя Марина та вёсна тэнё и корис, вот!
— Маша, — повзьёмпрысь чукостіс Зина. — Мый тэ сёран?!
— А мед оз нимтысы!
Тортыс горшас сатшис Антоналы. Сійö чола петіс пызан сайсыс, мырдён шуис «аттё», джомдіс кокнас ковёрө, мёдёдчис ѡзёслань.

— Антошка,— чипöstіс Зина,— эн кывзы сійөс. Сөрө сійө, лөсъёдлө!

— Мед юалас тётя Маринасылысь, оз кө эски!— горёдіс Маша.

Полина, морös бердас топодём каньпиа, чуймомён видзодіс ёртъяс вылас да мультиктö эз нин көсій видаzdны.

Антон некызд эз вермы восьтынды өдзөс томансö.

— Восыт меным, Зина!— сибдом гөлөсөн шуис Антон.— Меным гортö колö.

— Антон, эн мун,— вösни гөлөсөн корис Зина.— Эн мун. Көсъян компьютерён ворсыштын?

— Ог... да,— мытшъялёмён шуис Антон.

Сійө зэв ёна көсийис! Компьютеръясыс быдлаын нин суалісны — быд кантораын, гортъясаныс, мамыслон удж вылын, а Антон весиг эз на инмодчыв компьютер дінас. Школалын компьютерён уджавны велодісны гырысыдыхык классъясын.

Мойвиис Зиналы — сылон и компьютерыд, «видикыд» и, мыйыс сомын абу! Дерт, батыслы ас кадо уджонсö сетёны да, од сійө банкын уджалö. Мамыслы позьо и гортас уджавтöг овны.

Йой Машаыслы лөсъыда жо овсöю. Батыслы — ас вылас уджалысь, предприниматель, рочон кө, быд во шойччоны ылі мұясын. Кирчишис ыдкыд керка ләптöмаөс, регыд көсийоны вуджны. Маша лөсъёдчö пырны велодчыны күтшомкö дона лицейö. Сэні пö став предметсö велодёны английскойён. Сійө и ветлодлö оні английской кружокас, дон мынтёмён жо. Дугдывтöг кылан: «How do you do!» Тадз Маша чоломась. Мый сылы и не серальштын Антон вылын?

Сотчам!

Зина пыртöдіс Антонөс мöд жырий компьютер дінас, петкодліс, кыдзи ворсны. И Антонөс компьютер экранында шыльыд туйёд төвзöдіс писькөс «Форд», сэсся, мукод машинассö ордиг, лайкыд «Митцубиси». Бёрө колины керөсъяс да тыяс, башня мича керкяас. Сійө лэбис машинанас зывёк Машаысь, да сылон дойдана юаломъясысь, пышийис нывкалён сьёлём бытшакана кывъясысь: «Тэнö татчö корисны вердыштын».

Антон муніс Машаысь ылö-ылö...

И тайё здукö орчча жырсыыс кыліс ёся чилзöм. Машина валғис туйбердса канаваö, а Антон уськодчис нывкаяс дінö.

Зина суаліс диван вылын, а вылас... ыпъяліс мича платтьёыс! Чилзіс сійө, чилзісны Маша да Полина. Сэсся Зина чепёсийис диван вывсыыс да уськодчис котортны.

— Сулав!— равостіс Антон, кватитіс диван мыш вывсыыс ки улас веськалём свитерсö да мöдіс мый вынсыыс швачодны Зина вылын сотчысь платтьёсö. И — кусодіс!

А шойёвошом да бёрдись Зина вылын алойгорд платтьёыс пыдди ёшаліс лестукъяса сьёд ветьёк. Котшöс дуқыс тшапкис ныраныс. Бур, мый Зинаыс абу уditöma сотчынысö.

Ворсомайыс, вölöмкö, нывкаясыд: Маша Ѽйтöма сись, водома пызан уло — кулі пö ме, горзыны кутома. Сэсся дöзмома татшом ворсомсыд, петома пызан увсыыс, чуткомуа Ѽйысыс сиськө Полиналыс платтьёсö. Полиналён платтьё абу Ѽйома. А ноко пö, Зиналён платтьёыс.

Код тёдас на, мый эсько лои, эз кё вёв Антон.

Локтіс тётя Марина, шызис:

— Мый нё тайё сотчö? — уськодчис инпöлö. Бёр воис да вёлисти адзис Зина вылысь сотчом платтьёсö. И пыр жö видзöдліс Антон вылö.

— Тэ мый, Антон, истögön ворсін?

Антон лэптыштіс пельпомъяссö. Мыйла век детинкаясöс мыжайон чайтöны? Сiё чövtліс видзöдлассö Маша вылö. Мöдys сулаліс мыжа морт моз и... чöв олiс! Зина эз кöсайы нывъёртсö эрдöдны. Но и Антонöс колö вöлi дорайны.

— Эз сiё,— чипсыштіс Зина,— тайё... ачыс... сиськыс...

— Сиськыс ачыс öзтіс платтьётö? — тётя Марина ёся видзöдліс Антон вылö да скöрыськодь шуис:— Ме чайтi, тэ бур детинка, а тэ муртса миянос эн сот. Вот сэсся и гоститöд тэнö.

Антон сэсся нином эз кöсайы кызвыны. Бергöдчис да петiс дориас, йötкыштіс öдзöссö — тётя Марина ас бöрсяыс абу игналöма — и чепöсийис патерасыс, грымгис-лэччис аслас судтаöдз.

— Антошка! — чукостiсны сiёс.— Виччыв!

Вöтöдiс сiёс Полина, мыччис свитерсö:

— Босьт, вунöдiн.

Антон нетшыштіс сы киысь свитерсö да мöдiс ключён восьтны патера öдзöссö.

— Антон, тэ зэв бур зонка! — друг шуис Полина.

Виччысътöмысла Антон весиг дутгiс ключсö бергöдвыны. Вермас öмой лоны сiё бур зонкаён?

— Эн повзыы, эн шойёвош... Кутшöм зiля кусöдчин! И козиныд тэнад медся бур!

Медбöрын томаныс воссис. Антон чöв ланьтöмён воськовтіс аслас патераö да пöддалiс öдзöссö.

Воис удж вылысь мамыс. Пражитiс картупель, вундалiс югурцы да помидор.

— Антон, лок ужнайт!

— Оз ков, ме пöт,— шуис сiё да гёрдöдiс: ачыс Зинаясын сёйис чöсқыдсö, а мамыс бара нуртъясяс картупельён. Бурджык вöлi, эз кё ветлы сэтчö!

— Рыжöй, Рыжöй! — кылiс öшинь сайын.

Маруся пöч век на корсис понсö.

Мöд лунö кё эсько Антон отсалiс сылы. Но талун сьёлём вылас муткырасис. Антон ыджыда ышловзис да водiс узыны.

«Тэ мый, йёймин?»

Полина олö медся вылiас, витöд судтаас. Быд асывводз лэччö нёльбöдз да — зынь! — Маша патераö звöнитö. Кыкён сэсся лэччöны коймöд судтаö да — зынь! Петö Зина яблöг сёйигмоз.

Антон мамыскöд олоны медводдза судтаын. Антонöс нывкаяс оз корны. Да найё сiдзсö зонкаяскöд оз ёна и ёртасыны.

Керка йёр помланяс нин накöд вочаасис Маруся пöч. Сiё тöрытъя моз жö гёрд резинаа сапöга. Сылон буракö мöд кöмыс и абу.

— Мусаяс, менсым Рыжöйсö энö адззылö?

— Эг, Маруся пöч, эгö аддзылöй.

— No, no,— английскойон содтiс Маша.

- Зэв тёлка, а со воши. Гашкё, кёнкё, школа дорад ветлоддёй.
- Видзёддам,— вочавидзё Полина.— Кор нё воши?
- Тöрыт, мусаяс, тöрыт.
- Ичётик косіник пöч мёддöчис водзлань.
- Рыжой, Рыжой,— чуксало сiёй.
- Кытчö нё вермис вошны?— Полина лэптыштліс пель-помъяссö.— Йорсыыс некытчö эз ветлыв да. Войдёрлун на ме сылылы тор петкёді.
- Кывзö, нывъяс, а, гашкё, кодкё гусялiс?— чипсö вёсни гёлёнснас Зина.
- Кодлы сiёй колё, абу öд бур пёродаа...— пинь пырыс сёдзёдiс Маша.
- Но мыла тадз шуан, Маша,— лёсьёдыштiс Полина ранец волыссö.— Рыжойыд вежёра пон, керкатö видзас и. Миян йорад бокёвойыд эз лысът пыравны.
- Гусялас кодкё татшöмтö,— броткё Маша,— лаптя пёла пелятё.
- А пельсö сiёй ичёт дырыйыс на кынтылёма. Кодкё шыбитöма сiёйс кёдзыд кадö, а Маруся пöч босытöма. Эз кё босыт, дзицöдз кынмис.
- Ой!— друг чилёстiс Маша: кодкё сылы мышкас дiзьнитiс.
- «Кодкёыс» водзын нин ризёдiс школалань. Дерт, тайё Антон, Машалы важиник кёмкот новлёдлан мешёкнас шлопкис.
- Аслыд сюрлас на жё, Антон-картон,— горзö бёрсянныс Маша.
- Биён дурысь слён!— котörtгизыс бергёдчылiс да горёдiс Антон.
- Маша сiдз эз и висътав бинас ворсöмсö. Онёдз тётя Марина чайтö, мый платтьёсö Антон сотiс, гоститöдёмсыс аттьёалём пыцди. Антон оз жё удтысь. И Зина чёв олё, Антон весиг лёгальштiс сы вылё таысь. А мый нё, сiёй сэсся мыжка лои.
- Школаö пыранiнын сулалёны кыкён, квайтöд классаяс, видзёдёны, эм-ö челядьлён вежсян кёмкот. Абу — бёр гортад ветлы.
- Антонлён кёмкот мешёкыс эськё век аскöдys, но збыль вылас Антонлён некутшöм вежсян кём абу, мешёкас — важ кеды. Мамыс майшасьё нин: регыд тёв, пиыслы колё шоныд кём, а мый вылё ньёбан, удждонтö кё оз сетны?
- Урокöдз вит минут на. Эз сёрмы талун Антон. Водз гортсыыс петiс, мамыслысь тэрмёдлёмсö эз виччысь. Рыжойёс корсыны.
- Медводз котörtгiс суседъяс йёрö. Юасис верстёяслысь, но бёрья кык луннас некод Рыжойёс абу аддзылёма.
- Бур, мый воши, а то тiян йёрö вёлi пырнысö он лысът,— шуис очкиа ань,— бур, мый воши.
- Кор тiян коллиныд вошö, лоё нöшта бурджык,— лёгасис Антон.
- Аныс нинём эз вочавидз, скöра топöдiс вом доръяссö, да малыштiс понсö векни нырёдys.
- Мукöдys вочавидзлiсны тадз:
- Миянлысь кутшöмкё пöч ёна нин юасис, дасысь луннас матыстчылас. Эг аддзылой! Ог тöдöй!
- Но эз весьшöрö Антон корсысь. Кор нин веськёдчис школалань, сы дорö матыстчис детинка, кодi велосипедсö рултыйс кутёмён нүöдiс.

— Тэ гёрд понсо корсян? Кык лун сайын аддзылі мамакөд поликлиникао мунігён. Кутшомкө мужичой волі калбасон ылодло ті керка дорын.

— А пельясыс поныйслён кутшомось?

— Пельясыс? — детинка ләптыштліс пельпомъяссö. — Понлон кодьось.

Зонка сероктіс аслас шмоньлы и кёйис нин сёвны велосипед вылас.

— Энлы. А мужичойыс кутшом?

— Крут дядьё! Иномаркаа!

— Кутшом?

— Сьёд. А маркасö ме ог тёд.

— Мый нё медся коланасö он помнит, — дожныштіс Антон.

— Мый ме тэныц, сыщик али мый?

Зонка вожасис велосипед вылас да муніс.

Антон котртіс школао, а юрас бергаліс: «Сьёд машина. Рыжой. Крутой. Сьёд машина. Рыжой. Крутой». Сійо наездмодіс воськовсö, лөнъёдіс асьсö:

«А, гашкө, мужичойыс калбаснас ээ ылодлы понсо, а вердіс? Мыйла эськө и не вердышты, озыр кө да крут».

«Крутойнас» на карын шулісны ёдй озырмом йозёс. «Выль рочьясөн» найос нёшта шулісны. Ставон откодьось, быттью вокъяс: пемыздгорд пинжакаось, кучик курткаось, дженыза шыром юрсиаось. Оз, татшомъясыд бокёвой pointo калбаснад оз вердны. Но мый вылө сэтшомыслы Рыжойыс?

Антон мёвпаломысла ээ и казявлы, мый светофорыс кыкыс нин турунвиж бисё озтыліс, да мёдіс вуджны «гёрд» би вылө.

Скёрыс равостіс машина, но Антон волі нин мёдарас. Син бёжнас видзёдліс гораа тутостыс машина вылө: турунвиж «Жигули». Татшом машинаыд сылы весъкодь, сійо мёд пёллөсөс кыййёд.

Школаын Маша, Зина да Полина вежисны кёмкотнысö. Антон шпынъымуніс: сійо важён нин мынтодчис тайё уджсыыс.

Нывкаяс котртёны нёльёд «б» классо. Пуктёны сумкаяссö да ториёдчоны. Школаын найё ёта-мёдсö оз казявны.

Машаоц вочаало витёд классыс нывъёртыс, кодкод ветлодённы английской кыв велёдан кружокө, да лөсъёдчоны пырны лицей.

— Good morning!

— How do you do!

Полинаоц ёшинь дорын виччысö Максим. Найё велёдчоны оти классын, ёртасъёны. Сылён сьёд синъяс да пельпомёдзыс юрси.

Зина кольё отнас.

«И мыйла оз позь локны школаас каньпикөд. Кутшом сійо шоныд да мелі».

Зина нюмъялө дзоляник ёртсö казытылігён. Кор нин урокъясыс помасясны!

Полиналон талун Максимлы эм висъталанториыд, сёмын тарғо:

— Антон Зиналы қаньпи козыналіс чужан лунас. Со Антоныс котртö.

Антоноц, тайё пашкыр юра детинкасö, ставон тёдёны. Сійо, джинсыа да свитера, тёв ныр моз котртö, кёмкот новлодлан мешокыс, быттью снаряд, ләббө сы бёрся: то стенас швачкас, то кодлыкө. Со кузъ вонънас гаровтчис кутшомкө ичотик детинка гётгөр да кыскис сійос ас бёрсяыс. Мёдис чиростіс, Антон

бергёдчыліс, разис вöнъсö, вартіс зонкалы сылі тшуптас — эн ветлодлы, кыті оз ков!.. И пырис классö.

А Полина висъставліс Максимлы Машаён пестылём би йылысь, Антонлон кусöдчом йылысь.

— Гёгёрвоан, Машаыс ээ висътась, и мыжанац Антон коли.

Антон бара төв ныр моз петіс классыс.

— Антон, чолом! — ёвтыштіс сылы Полина.— Тэ кывлін, Рыжойным миян вошома.

— Сийё ээ вош. Сийос гусялісны.

— Гусялісны? — чуймис Полина.

Но Антон котörtіс нин.

— Кутшом Рыжой? Коді тай муртса ээ пур менё?

— А-а. Ёна тэ сысыс повзылын!

Полина серало, казтылө, кыдзи сылы ковмис дорыйны Максимёс. Зонка сэки локтіс Полинаясö гёститны, а пырныс оз вермы: кильчö вылас Рыжойис эргö. Ковмис Полинаёс öшиньёдыс чукостны.

— Тöдан, кыдзи Рыжой кöзяйкаыскöд лавкаö ветлывлö? Поныйс сы водзын сумкасö нүö, а почыс муртса вётчö сы бörся, тай да бöжас кутчысяс. Антонлысь ранецсö татчöдз, школаöдз, вайлывліс. Сийё абу ньоти скöр. Тöвнас посни челядьёс даддьён кыскало.

Триньёбтö звöнок. Челядь котörtöны классö.

Антон муртса ээ люкась Полинакöд да Максимкöд. Максим эсько кöсийс тöдмасьны татшом смел зонмыскöд, но мöдис тойыштö сийос пельпомнас, и Максим лэбыштіс бокö.

— Антон, тэ мый, юймин? — шензьёмён юалö Полина.

Антон видзöдліс сы вылö, шпынъмуніс, довкйöдлыштіс юрнас:

— Эг на.

Тешкодь. Кузь юрсиа Максим Полинакöд ёртасис и тöрыт, и войдёрлун, а Антонлы вöлі веськодь. А талун быттьö мыйкö сьёлёмас бытшкис.

Коръяс пиын «ёжик» либö вит чери

Ыджыд перемена дырии челядь нуръясъёны. Антон тайё кадсö мый вермёмсъыс мустöмтö.

Ставён разъёны-восьтёны гортсыныс вайбомторсö: калбаса нянь, яблöгъяс. Синъясыс Антонлон сылён кöсийтöг сэтчань и дзоргöны. Аслас сылён — кык сьёд нянь тор да морков.

Мукöдислён и тайё абу. Романлон мам-батыыс юёны, некён оз уджавны. Лыддыссыö, мый сийё омоль семьясь, та вöсна дон босыттöг вердöны школаса столовойын.

Водзындыхык, кор Антон велöдчис первой классын, ставён сейлісны школаса столовойын. Сэки некодёс мам-бать писыыс ээ уздöдлыны удждонсыыс, и найё вермисны мынтысыны школаас вердöмсъыс.

Антон здукён и нылыштіс пажынсö. Казтыштіс, кутшом чöссыд торт тöрыт сейис да бара немкö лои. Урокъяс бöрын бытть лэччылас ю дорö, кыяс чери да вердас мамсö. Налы весиг шыдсö ниномыссы пуны. Кос тшак эсько и эм, моз тöлыссыö найё мамыскöд ёна вотчисны, но тшаквасыыд öдйö уман.

Антонлы сэсся нином классас вöчны, сийё петö коридорас. Котörtö Ромалы паныд.

— Мыйён талун вердісны?

— Гречка рокён, кисельён да булкиён,— Рома дёвёльпырысь нюмъял.

Столовойысь петё Маша витёд класса нывъёттыскод. Найё сёйёны асланыс сьём вылó, ньёбёны, мый коло. Бара английскойон варовитёны. Лоёмаёс, англичанкаяс!

— Коді слёнсö клеткасыс лэдзёма?— гораа юало Антон, сылы окота дўзмёдны Машаёс.

— Антошка-картошка, лок сёйышт!— сылыштис нывка да петкёдліс кывсö.

Тайё мыйкё выльтор. Коло сийёс велёдыштны.

Антон лэдзис найёс ас водзас да дізыннитис Машалы мышкас.

— You are a fool!— бергёдчыліс сийё.— Йой!

— Висян кё, бурдёдчыны коло,— зывёктёмён содтис нывъёттыс.

Урокъяс борын Маша да Зина бергалігтыр да вашкёдчигтыр довгисны гортаныс. На борся ньёжйёникоун мунісны Полина да Максим. Нывкаыс мыйкё висъставлó, а мёдис кывзö.

Недыр мысти водзын муныс нывкаяс бара бергёдчисны, но Полина да Максим кытчёкё вошёмаёс нин. Нывъяслы весиг забеднё лои, эз казявны да, кытчё найё кежисны.

Збыль вылас эсъё Маша вежёгтыштö, мый Максим Полинакод ёртасьё. Максим сылы аслыс сьёлём вылас воё: бура пасътасьё, мукёддырииыс «иномаркаён» школаодз вайёдёны. Сідзё, озыроёс мам-батыс. Татшомыдкод позьё ёртасьны, абу тшыг нисьё пёт Антоныд.

А Полина да Максим кежисны паркё. Тані аслыспёлёрс олём, тані ыджыдало ар, киссёёмён киссёёны коръяс: кызд пулён да оржылён — кольквиж, ловпулён да пелысълён — гёрд. Сёмын козъяс сулалёны турунвижёс, быттьё налы нинём вылó ньёбны воччан платтьёсö арся бал вылас.

Мыйла коръяссö чышкёны ётчукёрö? Мыйла ёг пыдди видзёны? Максим да Полина собалёны кышакылыс небыд чукёръясас. Полина ёти чукёрын, Максим — мёдин.

— Максим, ме — ёжик!— серало Полина.

Буретш сэки на дорті муніс Антон. Сійё корсялёма нидзув да тэрмасис ю дорё. Арнас водз пемдё, а сылы бытъ коло унджык кыйны чери юква вылó. Дай школасыс сёрон мунёмыс лои: класснёйыс казялёма кабалаыс вочём лэбачьясёс лэдзалёмсö да идрасьны тшёктис.

Антон қыліс Полиналыс горёдёмсö да кежис видзёдлыны, кыдзи сійё ёжикнас лоёма.

Оти кор чукёръяс вылын куйліс Полина, мёд вылын — ёртыс.

— Видзёдлой! Арся салют!— горёдліс Максим да шыбитис вывлань кор чукёрсö.

«Мыйла Полинаыслы тайё кузъ юрсиаыс?— мёвпыштис Антон.— Мыйла сыкёд ёртасьё?»

Вочасён найё став чукёръяссö разёдисны. И котортисны коръясыс аллея кузяыс, быттьё ичотик бёжа понпиян, а на борся вётчис вильшиш тёвру.

Оти ловпу кор шедіс тёвру нырё да качис сылён ён бордъяс вылын вылó-вылó. Сы улын — изыйс уна судтаа керкаяс да чача кодь ичотик пу керкаяс. Арся пемыд васё чукльёдлө-мукльёдлө нүю карбердса юыс, а ю кузяыс буткё-мунё катер. «Катер вылас пукся»,— мёвпыштис кор да ньёжйёник лэччис палуба вылас, но эз вермы кутчысынысö да шлывнитис юас.

Кытвтис корыйс пашкыр юрсия Антон весътті, коді берегас

лөсөйдіс выль вугыр шать. Зонка дорті кывтісны и мукод коръяс. Веккыңдик бадь коръясыс воліны кельчилиян кодьось. А ловпулён гёгрес корыйс ляпапи кодь.

Кывтасны коръясыс Сыктывті Эжвао, сэсся Двинао петасны...

Чериыс омоля шедіс, Антон ләптіс сөмын вит чери: кык гурина да куим йёрш.

«Нином,— мөвпаліс зонка,— мамалы отнаслы выло артмас юкаваид».

Сысысь кындзи мам йывсысы некодлы и төждысынысö. Батыслён важён нин выль семья.

Антон ышловзис, батыс дум вылас уси да. Сийо мунліс на дорысь, кор зонкалы волі вит арөс. Аддзысыльвлісны найо зэв гежода.

Гусасысь да ылодчысь

Тайо кадас Маша да Зина петкодісны Пушокос ывлао, пұксисны лежнөг кустясдорса лабич выло, веськыда Антон патера ёшины уло. Перийсны картон кудайсы каньписо да ләдзисны турунас. Асыныс ылалісны акань ворсомо да вунодісны Пуш йылысь.

— Мурзик!— нем виччысътог кыліс кустяс сайдянь шызяна городом.— Мурзик, кён нё тэ волін?

Нывкаяс эновтісны аканьсанысö да уськодчисны куст саяс, а сэні Зиналыс Пушоксö шыльбө да окало төдтөм ань.

— Тётя,— ёдйо шуис Маша,— тайо миян каньпиыс.

— Но, мой ті висъталанныд?!— шпынъмуні аныс.— Гашкө, төрүт ті татысь босътінныд да?

— Э-эг!— нюркнітіс Зина.— Менем төрүт чужан лун кузя оти зонка козыналіс каньписо.

— Сіздкө, сийо и босътіс менсым Мурзикос.

— Ме ёд шулі, мой Антоныслён киас нином эз вөв!— вежынътліс вомсö Маша.— Гусялома!

— Гашкө, эз гусяв,— нюмъётіс аныс.— Чайтіс эновтөм каньён да босътіс.

— Сийо сэтшом, вермас и гусявны,— водзё нүодіс Маша.

— Гашкө, ті менем бёр сетанныд каньписо?— нориника юаліс Зина.

— Ог, нылукъяс,— ышловзис аныс.— Каньпиыс абу чача. Менем төрүт войодз корсыси. Ті нин кысько мёдос лөсъёдой.

— Менем мёдис оз ков,— гажтөминника ышловзис Зина, босътіс аканьсо да мёддочис подъездланыс.

— Тайо Антоныс сөмын лёк вайо!— Маша босътіс Барбисо да вөтчис Зина бёрся.

Антон, дерт, эз вөв гортас, эсько мыччысъліс нин ёшинъёдыс, сы йылысь сёрнітөмсö кыліс да. Та вөсна Маша быд здук петавлывліс балкон вылас, виччысис зонкабо. Сэтшом окота волі сылы городны мыйкө сэтшомос!.. Мед тёдас! Слонёс оні петкодлас Антонлы!

Балконъяс вылас наён, куим нылукъёrtlён, аслысполёс телеграф: нюжодісны көв, көрталісны ичотик жыннянъяс. Петасны балкон вылас, вөрзьёдасны көвсö, жыннянъясыс ловзъёны. Оні Маша весшшёрө көвсö вөрдіс, балконъяс выло некод оз пет. Полина абу гортас, а Зина каньпи вөснаыс ёна шогало, бёрдө, да оз

петкёдчы. Полинаяс патерасыч чойыс пыдди петіс вит арбаса Тимофей вокыс да строға шуис Машалы:

— Эн зөльбөдчы! Полина школалын. А ме тэ вёсна странаяс соралі.

И бёр пырис.

«Бара атласті уялø да корсъо күтшомкø Занзибар,— мёвпыштіс Маша.— Висътавны эськø, мый Полина абу школалын, а паркын. Окасьо кёнкø аслас Максимкø»,— Маша скоралø Полина вылø.

Заводитіс пемдыны. Ёзийисны бияс. Би вуджёръясыс пёртмасъёны машина стеклөясын. Йёр тырыс найё, выль и важ. Челядьлы весиг ворснысö некытён. Машинаяс костас и Рыжойлон чомыйс. А со и Маруся пöчыс локтö, быдёнлысь юасьо пон йывсыс. Онöдз на абу сюрёма. Сiйö видзöдлö чомъяс. А мый сэтысъ видзöдан? Абу сэні некод?

Йёр мёдарладорас мыччысис Полина. А коді сыкёд? Максимыс али мый сiйöс подъезд дорöдзыс колльёдö?

Да тайё Антон!

Маша виччысыштіс, кор найё матыстчасны да балкон перила вылас öшöдчомён городіс:

— Антон — гусясысь! Гусясысь да пёртъясысь!

Антон сувтіс, лэптіс юрсö, аддзис Машаös да пуля моз лэбыштіс подъездас.

— Маша!— дивитана öлöдіс Полина улісяныс.— Мый сёран? Сюран тэ оні Антонлы.

— Тэ нинём он тёд!— таргис Маша.— Тöрытъя каньписö сiйö öти аньлысь гусялому. Аньыс ачыс миян висъталіс!

Мый та вылø шуан. Збыль кё Антон сiдз вёчис... Мисътомтор.

Меным пöчыс жаль

Полина аддзысис Антонкøд вадорын, кытчö найё Максимкøд лэччинсны паркысъ. Максим ылісянъ аддзис вутыр шатьяса Антонös да эз и матыстчы сы дорö. Сiйö оні эз нин кёсйы тёдмасъны тайё зонкаыскøд, бара тойыштас дай.

— Меным гортö колö,— нурбыльтіс сiйö да муніс.

— Тайё тэ каньлы кыйин?— юаліс Антонлысъ Полина.

— Вывті госа лоё каньыс,— шпынъмуні Антон.— Аслыным юква вылø.

— Татшöм этшаыс тырмас?

— Но... тайёс ме пукта холодильникö, аски асыв нöшта кыя, а сэсся мама пуас юква.

Антон эз кёсйы висътавны, мый кёсийис мамыслы юква пуны вит черисъыс.

— Мунам, кынман,— шуис сiйö Полиналы.

Антон вöлі свитера, но ывлыс ыркаліс, мёдіс войтасъны. Эз весиг эскуссы, мый час сайын на дзиридаліс шонді и челядь вальмасисны кос коръяса валын.

Найё мёдісны гортаныс.

— Антон, а мыйён тэ тёдан, мый Рыжойсö гусялісны?

— Öти зонка висъталіс, калбасён по ылöдлісны.

— Рыжойыс абу пёрёдаа да, мыла ковмома?— шызис Полина.

— Гашкø, керкасö видзны.

— Сiдзкø, миян керка'дорти тшöкыда ветлöдлö гусясысысъ, тёдö, мый Рыжойыс бур строёж.

Антон сувтіс да чуймөён видзёдіс Полина вылёр. Сэсся швачкис ки пыдёснас асылыс кымёсас.

— Збыль! Полина, тә молодец. Ас керка дорысь и мёдам сійос корсыны.

Антон ыzzис, чеччыштліс, лөсъёдыштіс мыш сайсыыс мешёксо.

— Полина, а мый эсійө, кузь юрсиаыс, тә гёгөр пыр гёграло?— юаліс Антон кыдз позьо веcъкодя.

— Максимыс? Ми сыкод ёти классын велёдчам. Бур детинка. Эз ков тойлавны..

— Пельпомёдзыс быттомуа юрсисо да чайтё, мый мича,— броткыштіс Антон.

— Ой, Антон, эн скёрав. Видзёд, миян Рыжой кодь поныйыс.

— Рыжой, да абу миян.

— Да-а... Рыжой эсъко ми дорё уськодчис.

Челядь восьлалісны уна рёма коръяс вывті, йёжгылясисны арса чизыр төвсъыс да дёзмёдчана посни зэрсъыс.

— Антон, а тә Маша вылёр ёна дёзмин?

— Юасян! Пакось вёчис и соссис!— Антон скёр ыывсъыс чужайис туй вылын күйлесу күтшомкё беддьо.— Слон!

Полина ләптіс гёрд кор да мёдіс киас бергёдлёмён видзёдны.

— Тöрыт ме сы вылёр скёрми жё. Быттё эз аддзывлы, кыдз мортыс сёйё...

Ловпу кор дорас сійё содтіс пельсіс кор, сэсся оржы кор.

— Менам мам-батьлы оз жё ас кадо вештыны удждонсө, сёян-юанён сетёны. А позьо нöшта юавны?— збоймёдчис нывка.

— Юав.

— Батыыд оз отсав тіяnlы?

Юаліс кё кодкё мёд, Антон эсъко лёкысса орёдіс тайё сёрнисо. Но Полинакод эз вёв окота лёкыссыс.

— Оз уджав сійё,— надзёник вочавидзис Антон.— Заводсö тупкисны. Ме сійос во джын нин эг аддзыв.— И скёрысса гораа содтіс:— Да оз и ков сылён отсöгыс, гёгөрвоана?

Медбörъясыссо батыс воліс на ордö тёвнас, кор Антонлы тыри дас арёс. Козыналіс «Тетрис», электронной ворсантор. Жуталіс нин. Но эз козиныс вёв дона, а батыскод орччон пукаломыс.

Асланыс керка йорын найё вочаасисны резинаа сапёга пöчкод. Сійё, бурако, Рыжой вошомсянъ эз на пыравлыв гортас.

— Мусаяс, Рыжойёс энё аддзылой?

— Эгё,— шуис Антон да кёсийліс:— Ми корсям сійос.

— Корсьюй, корсьюй, мусаяс, сюрё кё, ме тіян вёсна Енлы нэм помёдз кевмысса,— нимкодь лои пöчёлы,— сійё од, Рыжойыс, менам öтнас...

— Пöчыс жаль. Сылён збыль сэсся некод абу,— шуис Полина, кор найё мёдёдчисны водзлань.

И сэки Маша нимтіс Антонёс гусясыссо.

Полина кёсийис пыравны Маша ордö да юасыны, мый лои, но патера көрт одзёс дорас сульштіс-педзыштіс да эз и мёд звöнитны. Мыйлако эз ло окота пырны Маша дорё.

Тöлка вёлі каньпиыс

Полина муртса воськовтіс гортас, а воча сылы вокыс:

— Күтшом оценкаяс вайин?

Тимофей ичёт на, но велёдысь кодь стрём. Сійё чайтö, мый чойыслы быть коло велёдчыны сёмын «5» вылö.

Полина перйö ранецсыс полиэтиленёвой пакет, кисытö диван вылö кольквиж да гёрд коръяс.

— Со мый талун вайи!

Буракö, татшöм оценкаясыд Тимофейлы туйёны.

— Видзöд, Полина, тайё корыйс Франция кодь!

Тима пунктö боярышник кор джоджö вольсалём географической карты вылö. Тимофей и збыль вермö часъясон уявны джоджö вольсалём картаястi да корсявны странаяс. Сійё и лыддысынысö тадз велалис.

Но медся ёна Полиналён талунъя отметкаясыс воисны съёлом вылас Тигр нима каньлы. Сійё нимкодыпрысь водiс на вылö, буракö, чайтiс, мый вёрё весъкалiс.

Рытнас Полиналы оз-оз да и бара дум вылас усьлас Антон. Ужын бёрас нин петалiс Зина ордö. Сійё пукалiс кыз синваа.

— Бурджык эсъко Антоныс кё козинтöг локтiс,— шуис сiйё.— Ми öд мамакöд тёдiм, мый сiйё оз вермы ньобнысö. Ми сiдз сiйоскорим, гёститöдны, а эг козин ради.

И бара бёрддзис.

— Ладнö, Зина, эн бёрд. Антонлён козиныс вёлi кока, со и пышийис.

Полина серёктiс аслас шмоньлы, а Зина муртса нюммунiс.

— Бур, мый аныыс ассыыс каньписö аддзис. А со Маруся пöч мый дыра нин корсысьö. Понсо öд збыльысь нюомаёс.

Полина мый тёдiс, висъталiс Зиналы Рыжой йылысь.

Юквайыс эз артмы. Мамыс шуис, мый öтнас сiйё оз мёд сёйны, а кыкыл этиш алоё.

— Холодильникö пуктылам. Гашкö, содтöд кыян.

И артмис сiдзи, кыдзи Полиналы шулiс.

А войнас Антон со мый вёталiс.

Быттьё тырыс йоз керка дораныс, челядь и верстъёяс. А на косттi ветлоддö ань, киас книгаа, быдёнлысь юасьö:

— Мусаяс, эн-ö аддзылой рудiник каньпиös? Зэв тёлка каньпи.

Ставён довкйöдлöны юрнаныс — эг аддзылой. А öти дядьё восьтiс машина öдзёссö да горёдiс:

— Аддзылi, аддзылi ме тэнсыыд каньпитö. Сiйос витöд квартираын олысь зонка гусялiс.

Асывводз нас Антон уськёдiс тёд вылö вётсö да зумыштчис: а öд сiйё ниномён абу бурджык Рыжойсö гусялысьсы.

Жугыль съёлёма и чеччис сэсся. Ньожжйоникöн, ванна дорышас пукаломён да аслас мёвпъясö вётчёмён, весалiс пинъяссö, мыссис. Сэсся тэрмасытöг тэчис ранецас книга-тетрадъяс. Мамыс нин мёдiс тэрмёдлыны:

— Антон! Öдйöджык! Бара сёрман!

Антон лэбыштiс-петiс подъездсыс, кор ачыс нин гётрвоис: сёрмö.

А Маруся пöч быттьё сiйос виччысыома:

— Мусай, Рыжойсö эн аддзыв?

Антон гажтöминика гогнитiс юрнас:

— Эг, бабушка, эг аддзыв.

Школаас Антон лунтыр неморт кодь вёлi, бовъялiс быттьё нойтöм понпи.

Вочаасис Полинакöд да вештiс видзöдлассö. Нывка кёсийис

сыкод видзаасьны, а сий ѹз мышъяс сайю дзебсъомон уйкнитис.

Яндысис каныписо гусяломыс. Весиг Машаос талун эз дзерод, слоннас эз нимты ни, көтт Маша водзын буретш эз и яндыс, мустомтис тайю нывкассо да.

Маша мунис сы динти нырсо лэптёмон. Антон дозмис: нёшта ѿд и выло пукссо. Слон!

Аски — шойчан лун. Антон ветлас базар выло да боръяс каньпиос. Пушок кодь рудиникос. Базарас эм пельос, кони вузалоны понтьясос, кроликъясос, козаясос. Вөйёны сэнни и каньпиянёс, но оз вузавны, а сидз сетёны. Кымынкүр ур сомын корасны, тайю по мед каньпыйслы бурджыка овсяс выль оланнас.

Одийоджык нин мед эсъко воис аскиыс!

Школа борын Антон котортис ю дорю. Сы борся вётчис витёд «а»-сыс Дима. Антонлы ковмис и сильы выло лосьодны вутыр шать. Но Дималы регыд дышодис дзоргыны таб вылас, и сий пондис дурны, шылавны ваас изъяс да ля. Ковмис Антонлы вешийны си дорсы.

А чериыс тайю пёрё босытис бура.

Рытнас мамыс пуси юква. Антон татшом чоскыдсё эз на сёйлы.

Любю воли мамыслон ошкомыс, вердисыён-удисыён шуис да.

— Да, Антон! — казьтыштис сесся мамыс. — Удж выло звонилис ыдкыд мамыд, корис, мед тэ пыралан, коло по мыйсюро отсышты. Ветлан аски?

Антон көсийис. Луныс кузь, школао мунны оз ков — ставсө вевъялас.

Шуда лун

Антон садымис сёрён. Пасьтасис, юис лежнога чай (мамыскод чукортлесны вёрса ты дорсы), да котортис базар выло. Сэнни лун сёмёснас зильджыкассо вузасьёны.

Подъезд одзостыс петигён вочаасис киясас сумкаясон пырысь тётя Маринакод.

Антон повзис: ѿд тётя Маринаыс ѿнодз, конкё, чайто, мый сий сотис нылыслыс платтьёс. И тодё, дерт, мый йозлыс каньписо козыналис Зиналы. Антон көсийис нин бергёдчыны да пышайны, но тётя Маринаыс зэв лабутнёя шуис:

— Антон, кутышт одзоссо.

Антон виччысис сысян увтыртана шуасьом, но мёдис сомын аттьёалис одзоссо кутыштомуис.

Базар выло Антон котортис керка дор йоръясті. А друг кысък Рыжойис аддзас? Гашкё, кодкё дом йылын видзё?

Быд керка дорын машинаас да понъяс. Он гётёрво, коди кодос гуляйтодё: понъяссо козяинъясыс, али понъясыс козяинъяссо. Быдсяма понъяис: скёр теръеръяс, мелি болонкаяс, сюс дуберманъяс. Консюро паныдаасьлесны и улич понъяс — найю ас кежсыныс ветлодлесны.

Рыжой некён эз тыдав.

Туйяс вывсыс Антон синмалис сьод иномаркайас. Найю ыдкыд ѿдён журкнитлесны динтиыс. Антонлы кажитчис, мый быд машиналон, кыздзи и быд понлон — аслас олан ру, аслас сям. Сьод «Тойотаяс» да «Ниссанъяс» — тшапось, «Аудияс» — лабутнёйось, «Фордъяс» — сидз-тадз машинаас. Видлы тёдмавны,

кутшомё пуксьёдісны Рыжойсö. Кутшома со шогсыö Маруся пöчыс.

Антон и ачыс гажтöмтчис Рыжойтöгыс. Быд лун найö ворслывлісны лежнöг кустъяс дорын, быглasyлісны-вермасьлісны эжа вылас...

Базар вылас мыйыс сомын абу! Тырёма быд сикас странаешь, медсясö Китайыс вайём кёмкотён, пасыкёмён. Видзöдан, кутшом яра вузасьёны-ньёбасьёны, да он весиг эски, мый кодлыкö удждонсö оз сетны, кыдзи Антон мамлы.

Йöзыс ньёбалісны төвся курткаяс, шоныд кёмкот, шапкаяс — дасьтысисны кузь да кöдзыд тöв кежлö.

Тані вölіны и корысьяс. Весиг зонпосни! Тракиöны соскöдыс верстъёсöс да няргöны:

— Вайышт сёймтор, кынёмой сюмалö!

Öти корысь Антонös сувтöдіс:

— Вай руб.

— Бурджык мун чери кый,— шуис Антон да гёрдöдіс, зонка вöснаыс лои яндзим. Кутшом нö сийö корысь?! Бур курткаа, Антон сэтшом йывсыс думыштнысö оз лысyt.

Со и пемёссыясöн вузасян пельёс. Понпииян: бульдогъяс, терьеръяс, овчаркаяс... Сомын бур пöродаа понъясöс вузалöны. Антон бара мёвпыштис, мый Рыжойсö, дерт, гусялісны кутшомкö керка видзны.

Со и каньпиян. Картон кудын быдса семья — кык гёрд да кык руд каньпи. Муртса-муртса воссёмаёсси синъясыс. Антонлы ёнджыка сьёлём вылас воисны гёрдъясыс, но Зиналы вайлём Пушокыс вölі рудён, сідзкö, сэтшомös и колö босытны. Со тайёс, еджыд сыліасö.

— Вузаланныд каньпиянсö? — юаліс Антон нывбабалыс.

— Ог. Сідз сета,— нюмъётіс сийö.— А тэныд колö?

— Оз меным, öти нывкалы.

— А сийö оз мёд дзерёдны каньписö?

Антон казытшыттис лöнъ оласа Зинаös, сылысси вöсныыдик гёлöссö да серамыс петис:

— Сийö ачыс каньпи кодь.

— Сідзкö, босыт.

Ичöтик шоныд ёкмыльсö Антон дзебис куртка пытшкас. А каньпийыс зэв винёла соскас пырис, сэсся здукён лэччис сой кузяыс да сос помтыйыс нырсö мыччис.

Öні — ыджыд мамыс ордö. Тасянь сийö матын олö. Сэні и йолён каньписö вердыштас.

Антон мёдöчис петанілань. Со вузалöны төвся кöлүй — гынкöм. Куим судта тэчома. Найös видзöдöны, бергöдlöны, виддалöны. Шоныд гынкöмьыд войвылад коланатор. Ылісиянь вузасысыс Антонлы кажиттис тöдсаён. Кыём еджгов шапкаа, уска, синъясыс гажтöминикöс.

Да тайё... тайё жö батыыс!

Антонлы окота лои пышыны, сийö бергöдчис нин, но бöр сувтис. Гашкö, сорсис? Батыыс öд инженер, машина вöчалан заводын уджавліс, вермас öмой сийö гынкöм вузавны? Сийö и вузасынысö оз куж!

Мед выль пöв видзöдлыны, Антон матыстtчис вузасысылань, кодi мыйкö висыталіс олому ньёбасысылы, босытис сёйм, арталіс.

И сэки налён видзöдласъясыс паныдасисны. Антон быттьö кынмыліс места вылас.

— Антон! — он гёгёрво, шензьёмён али нимкодыпрысь чукостіс батысы.

Антон крута бергёдчис да мёдёдчис базарысь петанілан.

— Видзлы тат... — шуис батыс орчча вузасысыслы да тэрмасис пыыс бёрся.

Антон муніс ёшалысь куртка-пасъяс, шапкаяс, шоныд шальяс дорті. Водзын тыдовтчис чачаясөн вузасянін. Тані и сүйдіс сійос батысы.

— Тэ мыйла меңсіз пышъян?

— А тэ... Тэ мыйла гынкөмён вузасян?

Антон муртса эз бёрд.

— Но,— мыжа морт моз нюмъёттіс батысы,— меным сәссе тышылды али мый кувны?

Антон чёв оліс. Сійё, дерт, төдіс уджтомуалысьяс йылысь. Оні од йозыс быд уджё босытчоны, мед сөмын вештысисны.

— Но мыйла гынкөм, пап? — гусьён моз юаліс сійё, кор нин мёдёдчисны батыслон вузасянілан.

— Ме гынкөм вёчалан фабрикаын уджала, Кыдзкар посёлокын, тасянь километра сё лоё,— батыс лөсбөдьштіс вешйом шарфсо.— Асынам вёчалам, асынам и вузалам. Вузалам — удждон чуктодам. Рытнас көсий ті ордё пыравны, гынкөм пыртны. Оні ачыд борый, кутшом коло. А то батысыбыд пышъялан...

Антонлы лои яндзим. Оні гёгёрвоана, мыйла батыс дыр эз волы — абу вёлұма карас.

— Рытнас, збыль, пыралан?

— Пырала. Мамырдын удждонсө сетёны?

— Көсийсөндын сөмын.

— Но, нином,— ышловзис батыс.— Кыдзкө-мыйкө бергёдчам. Ыджыд мамыс корома Антонос отсасыны: ванна жыръяс ёшодіс джадж, ковёр петкөдіс пыркөдны. Сәссе судзодіс джуджыд шкап вылысь картон куд.

— Кудъяс ме лук пукта видзны,— висыталіс ыджыд мамыс да видзоддіс куд пытшас.— А тані тай мыйкө вёлұма. Шыбитны коло. А бусыс!

Антон тшотш видзоддіс куд пытшас да чуймис. Хлопушкаяс, серпантин, уна рёма кабала флагокъяс, найё кельдомаёс нин дыр күйлөмисла. И бенгальской би!

— Ыджыд мам, кытыс тайё озырлуныс тэнүйд?

— Мамырлон ичтедырсыыс.

— О-о! А меным позьё босытны?

— Босыт, босыт. Ме порыссо-нэмө флагокъяс оғ нин ёшли. Коркө сәссе Антон мёдёдчис гортланысы, ыджыд мамыслон «озырлуна», да питшёгас каньпиа. Зептас сылон кык шайт — ыджыд мамыс сетіс автобус билет выло. Оні ыджыд мамыс озырджык эня-пиаись, пенсиясө сетёны быд төлөсь. Тайё кык шайтсо Антон оз видз, а сетас мамыслы.

Сійё восылало кар кузыта вит судтаа дзик ёткодь важ керкаяс дорті, восылало мича, ёкмыс судтаа выль керкаяс дорті, вичко дорті, көні уна во вёлі склад, а таво гожомнас бёр сетісны Енлы эсқыссыз. Кыліс көлөкөл шы — заводитчо рытъя служба, матыстчоны йоз.

Лунсө тайёс позьё лыддыны шудаён — Зиналы вайё каньпиос, аддзысис батыскод, ыджыд мам ордас югдіс «озырлун». Рытнас батыс көсийис волыны. А Рыжой кө нёшта сюрө!..

Быдса час Антон суаліс туй вылас аслас керка дорын. Уличыс

лёнъ, весиг светофоръяс абуёсъ. Час чёжнас дас кымын машина и муніс. Ни ёти съод на костын эз вёв.

Петісны ывлАО куим нывъёрт. Антон котёртліс гортас да петкодіс каньпиюс Зиналы. Нимтіс Машаюс пожар пестысьон да клеткасы ләдзём слонён. Полиналы шуис, быттьё висътасис:

— Рыжойёс эг аддзы.

Ставыс пуксис ас местаас. А медыджыд бур сійё, мый мамыс нимкодясис: рytнас воліс батыыс, вайис Антонлы да сылы гынком. Төв кежлө лои шоныд көмкот.

Антон гоститодіс батьсо юквайон.

— Пап, а черисо ме ачым кыйи,— ошыйсыыштіс сійё.

— А ме сізд и чайті, мый тэ верстю морт нин,— шуис батыыс.

Тайё Антонлы медся ыджыд ошкөмыс.

— Мама, а сійё ѿ инженер,— шуис Антон, кор батыыс муніс.

— Ой, пиукой!— ышловзис мамыс.— Онія қадо, көні вештёны уджонссо, сэні и уджавны лоё.

Коктө қынтан!

ОНІ прょст қадсо Антон колльодліс ю дорын: сійё қыліс асьсо семья вердысьон. Гортас Антон сёйыштліс, босытліс вугыр шать, зептас сюйліс нянь тор и мөддочывліс чери кыйны. Няньсо кыйсигас юсыыс ванас и кылодліс. Сылы коркө батыыс на шуліс: юас кө по олоны гуринаяс, сідзко, вайис сөстөм. А гуринаясыс олісны.

ОНІ найё мамыскод сёйлывлісны картупель да тшаква қындаи и юква да пражитом чери.

Лунъясыс быттьё тэрмасисны ѡта-мод борсяыс. Ывлаас нином эз коль ярьюгыдыс. Усьом коръясыс пемдісны, съододісны, он нин на вылын туплясь! А юодыс кыттысь коръяссо визулыс ляскыліс берегас, а сэсса асывводзьясас берег доръяссо ииаліс көдзыдыс и ланьтісны-умновисисны найё. И юыс умновисис, кор зэръяс борын ёна көдздродіс.

Пуксис төв.

Маруся поч көмаліс важ пими. Лунтыръясон сійё ротіктіс-ветлодліс керкаяс дорті да корсис Рыжойёс.

Антон став карсо гётгөртіс — весышшёр. Зонкаыс модіс чайтны, мый Рыжойёс нүодісны кар сайо озыръяслыс даchanыссо видзны. Понсо аддзыны лачаыс ньожийник кусі, и Антон модіс дзебессыны Маруся почысь: көсийисис понсо корсыны, а эз вермы. Зонка паметтысь понийис модіс вушыйны-вешыйны. А почыс пыр юасис и юасис.

Содны кутіс лым: керка веятъяс вылын, пуюс вылын, ветлыс-мунысъяслон шапкаяс вылын. Пу керкаясдорса майогъяс быттьё беретаось, а пыр киссьё и киссьё енвеятсяныс.

Вит судтаа керкаяс дорын — гаражъяс. На выло нывъяс кавшасьоны орчён быдмысъ оржы пу увъяс кузя, быттьё пос вывті: ѳтик, кык — и тэ нин гараж веят вылын. Кияссо пасъкодомон Полина медводдзаён чеччыштö. Ух! Толасыс сомын юрыс тыдало.

— Ура! — городё Маша да ләбё увлань. Сы борся чилзомон ләбё Зина.

Оти здукон эсъко и воан муодзыс. Но тайё здукас тэ — шуда: ак лосяид пурскысыны небыд лым пиас!

— Но күтшөм съёкыд бёрсö петны толасьыс! Мудзтöдзыд лоö пурткасыны. Гынкёмад, питшöгад, голя пытшкад — быдлаын лым.

Полина кёмтöгыс петис чорыднас, кёмкотсö кияснас перийö. Шоныд вурун ноския да бур, кокыс оз кынмы.

— Шедöдй менё,— няргö Зина,— ме вöя!

Нывкаяс киястtыс нетшыштисны сiйöс толаыс. Оттшötш и гынкёмссыс: найö колины толаас. А носкиясыс Зиналон абу вуруныс, вöсньядик, да и кётасьомаöс коклябортис.

— Зина, коктö кынтан! — горзö Полина. — Ойдöджык гортад мун!

Маша уськодчис шедöдны Зиналыс гынкёмсö. Вöлi кö Рыжой, дерт, шедöдис, öд сiйö пыр челядькод ворслывлis, но поныйс воши, да, буракö, оз нин и сюр. Гынкёмас тырыс лым, Маша пыркöдö найöс. А кöдзыдыс курчалö нин Зиналыс коклябörсö.

Сiйö котортö подъездас кёмтöг.

Полина, кёмкота нин, вöтчö сы бёрся. И друг кылö:

— Полина!

Гёлöссыс Антонлон. Но кöнi нö ачыс?

Маша тшötш сувтis, кияссö гырдзазöдзыс сюйöма Зиналон гынкёмö.

— Кодi слёнсö клеткасыс лэдзöма? — кылïс эз гораа, но ярскöба.

А со и Антонлон юрыс мыччысис толаыс, кыпöдчис, быттьö ыджыд байдöг.

Полина серёктis. Онi Маша, руд пася, да киас и кокас гынкёма, збыль вöлi ичöтик слён кодь.

Танi сулав да видзöд

— Полина, волы татчö, видзöдлы, күтшöм туйяс ме вöчалi, — корис Антон.

Джуджыд толасö зонка кузякодь розъöдöма мортлы тöрёмён. Нывка уйис сэтi бауасьомён да воис гёгрös лым жырийö. Видзöдлис гёгöр да ошкыштis:

— Зэв бур! Ачыд кодийн?

— М-м! Быдса вежон, — Антон кекуртчis лым стен бердö. Полина пуксис сылы воча. — Ме татчö кудъяс вая, мед позяс пукавны. Мый, кажитчö?

— Ёна лёссыд.

— Нöшта мыйёнкö чуймёдны тэнö?

— Виды.

Антон перийис зепсыыс Выль вося хлопушка.

— Тöдан, мый тайö?

— Хлопушка?

— М-мхы, важъя, мамалён челядьдýрсяыс. Ыджыд мам ордысъ быдса клад сюри, — и серёктis. — Ме онi озыр!

Лым стенас Антон сюйыштis некымын бенгальской би да öзтis. Найö гажаа трачкöдчисны ичöтик би кинъясён. Лымъя жырийис и збыль лои майдкывса кодь.

— Антошка! Күтшöм мича! Быттьö Выль во воис!

Антон зепсыыс мыйкö нöшта шедöдис.

— А тайöс аддзылiн? — мудера нюммунис сiйö.

Сылон ки пыдöс вылын — суниса нёль ичöтик капсула.

— Мый тайö? — мышкыртчis Полина сылон ки весьтö.

— Тайё капсулалыс взрывайтчо. Ме перий хлопушкасы. Кучкан кытчёкө чорыдінө — и косыштö.

— Гора?

— Дерт! Көсъян кө, тэн козынала!

— Көсъя!

Антон кисьтіс капсулалаяссö нывкалы ки пыдёсас. Полина видзёдалыштіс да сюйис спортивной гач зептас, а сэсся юаліс:

— Ой, аслыд, колёкө, эз коль?

— Ме аддза на... Тöдан, кымынös нин ме швачкобті.

Антон чöв ольштіс, шапкасö лэдзис синъясöдзыс, сэсся, гёлöссö чинтöмён, юаліс:

— Полина, висътав, сöмын весьқыда... Тэнъид, эсий... Максимыс кажитчö?

Нывка сероктіс да бергöдчис мёдарлань.

Кодкё кө эсъкө тöдіс, кутшом шог вöлі видзёднысö Антоны Полина да Максим вылö. Öд быд перемена найё сулалісны öшиң дорын да вашкöдчисны. На дорті котралісны челядь, вöтлысисны öта-мёд бёрсияс, ворсісны, усылісны, чеччылісны, а ныла-зонма некодös эз казявлыны. Зонпоснилы весиг «жöник» да «невестаён» дышöдіс найös нимтыны, эз дöзмыны да. Стенас нин, кöні найё пыр сулавлісны, кодкё гижома «Полина + Максим = любовь». Антоны тайё эз во сьёлём вылас, да вуштіс «Полина» кывсö. Мед, колёк, эсий кузь юрсиаыс тыртöминсö радейтö.

Полина мёвпаліс. Сэсся лэптыштліс пельпомъяссö. Антон воча кыв виччысис юрсö öшöдёмён.

— Менем сыкод гажа,— медбöрын шуис Полина.

— Ме сийös зульёда...

— Мыйысь?— шензис Полина.

— Сыысь. Оз сэсся вöтлысь тэ бёрсия.

— Да мед вöтлысьё. Мый сэні лёкыс?

— Ме сийös нойта, гёгрвоана?— Антон лёсъёдыштіс шапкасö да видзёдліс Полина вылö.— Мед тэ дорö оз сюйсы.

— Тешкодь тэ кутшомкё талун, Антошка,— мёвпалігтýрий шуис Полина. Сувтіс.— Мунам гортö, ме кынми.

Найё кыссыёмён кутісны петны гёгрös комнатасты, но петаніас кодкё сулаліс, тыдалісны важиник пимияс. Маруся пöч!

— Мусаяс...

— Абу тан Рыжойыд,— эз сет сылы юавнысö Антон.

Сийё босытіс Полинаös киöдыс да мёдіс котёрён кыскыны ас бöрсияс.

— Кытчö, Антошка!

— Ачыд аддзан.

— Рыжой, Рыжой,— кыліс бёрсияныс Маруся пöчлон жутыль гёлöсис.

Челядь сувтісны.

— Сулав тані да видзöд,— тшöктіс Антон.

Сийё петіс машина туй вылö да шыбитіс мыйкё весьқыда сьöд «Мерседес» кёлеса уло.

Гып! Чепёсайыліс вижов-гöрд би. Машинаыс тормозъяснас лёкыс дзуртöмён сувтіс, и сэтысь петіс кирпич рёма пася мужичой да уськöдчис вётöдны Антонös.

Антон винёла котörtіс, и сэсся вильдіс да уси. Вётöдисысы чабыртіс сийös шошайдыс, кыв шутöг некымыныс кучкис Антоны чужёомас. Сэсся лёкыс крапнитіс-пöддаліс машина öдзöссö, «Мерседесыс» нетшыштчис, содтіс öдсö да воши.

Антон пукаліс да съёласис вирён. Син улыс ньёжйөнікөн пыктіс.

— Доймё? — Полина чабраліс да пуктіс Антонлы син улас, пыктёминас лым тор.

Антон бара на съёлыштіс вирён да юаліс:

— Аддзылін, кыздзи повзис?

Сэсся друг сійё чеччыштіс да городіс:

— Тайё сійё кругтойыс, Рыжойтө гусялысыс! Номерсо видзёдлін?

— Күтшом номер! Ме повзи, мый виас тэнö.

Антон кулаксо ләптыліс:

— Оні ми корсям сійос. Йой ме, та дыра эг гёгөрво.

Нёльйод класса террористъяс

Гортас Полина дыр на ас садяс эз во. Күтшом скёр эсій... пасаяс. Нином сылон «Мерседеслы» эз ло хлопушкасыс. Но мед нин пельёдыс кыскалыштіс, но кабырён ныр-вомас!

Сійё чукостіс Машаос, да найё котортісны Зина ордо, мед отвылыс сёрнитны лоёмтор йывсыс.

Но, Машалы, бурако, юйрыс кажитчис.

— Антон-картоны сіздзи и коло,— шуис сійё.

Полина гёгөрвотома видзёдліс нывъёртыс выло.

— Маша, тә и збыльыс слён,— чөйтіс сэсся да котортіс гортас.

Мод лунас нёльйод «б»-ын волі физкультура. Челядь орд-йысисны, коді вылоджык чеччыштас.

— Видзёдлой, кыздзи коло! — шуис Полина, оддзёдчис-оддзёдчис, чеччыштіс. И сэки жо, быттьо вермысылы салют, косьобтіс взрыв.

Велодчыссыяш шызисны. Кыліс сотчом дук.

Полина кутчысис доймомінас — зеп весьтас яйыс сотчис, быттьо сэтчо кисытісны пuan ва.

И воис юрас: капсулясыд гач зептас взорвичисны, кор Полина чеччыштөм бөрас уси на выло. Сы доро ұсьқодчисны Маша да Зина.

— Полина, доймё?

Спортзалын кодсюрө сералісны:

— Полиналы зептас террористъяс бомба пуктёмаося! — горзё Вова Петухов.

Полина яндзимысла гөрдөдіс. Куртка пёланас вевттис розыссо, сэсся чотігтырий петіс залсыс.

Урок мунан кадо коридорыс йөзтөм. Сомын ётнас Борька, квайтөд класса велодчыссы, стенсо пыкёма. Сылон классын, кыло, мыйкө ләбачыс ялыссы сёрнитоны. Бурако, зоология урок муно.

— Эй! — муртса кывмөн чукостіс сійё Полинаос.— Тэнö вётлісны жо?

— Эз,— вочавидзис Полина.— Ме взорвичи.

— Мы-ый? — Боря торъяліс стенсыс.— Мыйён взорвичин?

— Мыйён, мыйён... Бомбаён.

Полина, чотігтырий, лётіктіс водзлань, медсестра кабинето. Коло мыйёнкө мавтны сотчоминсо.

Борис видзёдіс сы выло вежгомён. «Майбыръяс, налон весиг бомбаяс взрывайтчоны». А сійос ыстісны классыс жвачкасы гадь польтомуясь. Гажтөм...

Мый лоис физкультура урок вылын, Антон тёдмаліс Зинасиян,

кор локтіс рытнас видлыны, қыдзи овмөдчіс на ордö каньпіыс, кодös Пушокён жö нимтісны. Антонөс тётя Марина корис. Аддзис керка дорысь да шуис:

— Мый нö он пырав каньпітö видзöдлыны?

Антон сійö рытас и пырис. Пушок быдмыштöма нин, медся ёна радейтіс ворсны.

— Ставён Полина вылын сералісны, меысь да Машаыс кынdzi,— висъталіс классас лоёмтор йывсыс Зина.— Максим эз жö серав.

— Эсийö кузь юрсиаыс?— шпынъымуні Антон.— Да сійö повзъомысла эз серав!— чöв олыштіс да юаліс:— Зин, а кöні сійö олö, тöдан?

Зина, коді Полинакöд некымыныс пыраліс Максим ордö, висъталіс.

— А мыила тэнүнд сылён адресыс?

— Выль воён чоломала!— серёктіс Антон.

Антон садьмис водз, будильник шы улö. И школаö котёртіс нывқаяссыс водзджык. Весиг сёйыштнысö вунöдіс. Но школаас эз кеж.

Максим оліс кирпич керкаын ю дорас.

Антон дзебсис керкадорса кыз ния сайö.

Асывводзыс вöлі буқыд, лымъяліс. Туй кузя мыш саяс ранеца тэрмасьёмён мунісны школьникъяс. А со и кузь юрсиаыс.

Антон чепёйис ния пу сайссы да шыбитіс Максим кок улö капсула.

— Гып!

Максим ойöstіс да чеччиштіс бокö. Антон — сы бörся.

— Гып!

Максим бара ойöstіс да уськёдчіс пышайны. Антон эз кольччы. Коймöд капсуласö сійö шыбитіс котёртыс зонка водзö.

— Мама!— чилостіс Максим.

— Трус!— Антон сувтіс да серёктіс.— Ме тöді, мый тэ трус! «Полинаыс оз öмой та йылысь тöд?»— мёвпыштіс сійö.

Брысь, шантрапа!

Төвся каникул водзвылын нёльйöд «б» класса велöдис висъталіс, мый школа дорын матын олö пенсионерка Манефа Ивановна, сылы колёны отсасысьяс. Олö тайö пöчыс ас керкаын, ломтö пач, ваялö ва.

— Миян школаса челядь пыр отсасылісны пöрыссыасы,— шуис Галина Михайловна.— Вайö и ми тіянкöд мёдам отсасыны Манефа Ивановнали. Позьö ветлöдлыны куимён. Коді талун мунас?

Челядь ставён ләптісны кинysö. Сöмын öти нывка жалыпрысь ышловзис:

— Меным скрипкаён колö ворсны...

Галина Михайловна видзöдліс челядь вылö:

— Бур. Сідзкö, юксям, коді кутшöм лунö мунас. Талун мед ветласны Полина, Маша да Зина. Найö олöны öти керкаын да бёрсö локны гажаджык лоö.

— Мед Максим миқöд тшöтш ветлас?— вöзйис Полина.

— Да, зонкалы уджыд тшöтш сюрас,— нылыда шуис велöдис.— Нывқаяслы сёкыд лоö ватö пыртлыны.

— Сій ё Полина! — городіс Вова Петухов.

— Эн сөр! — шуис, быттө вундіс, Галина Михайловна. — Мед Максим Ковалев тшотш ветлас.

Манефа Ивановна! керкаас саймовтчома дворец кодь мича, пельбісьясас гёгрөс башняса гёрд кирпичыссы кык судтаа ыджыд керка сайё. Татшом керкаяссö пö озыръяс лэптöны. Ён, пöвтä джуджыд потшоён кытшалом коттеджкод орчон пу керкаас видзёдсис выйті нин гёля. ыджыд керкаас сид сийос дзескодіс, быттө дасьтысис тойыштын улич вылас.

— Миян татшом жо керка лоё, — индіс коттедж вылас Маша. — Но, гашкó, ичотджык.

Сій сувтломён любуйтчис керканас да весиг коли ёртъясы. Манефа Ивановна воччома, мича сорса ковтаа, быттө акань. Нывкаяс шензисны, а Максим босытіс ведраяс да мёддичис колонкао вала. Нывъяс — сы бёрся.

— Тi кытчö, тi кытчö? — шызис пöчыс. Бурако, чайтіс, мый нывкаяслы сы ордын эз кажитчы.

— Максимлы отсалам!

Колонка дорыс йизьёма. Верман вильдыны да усыны. Крансыс вавыс одёбён тюрө, Максимлы ботинки пытшас весиг веськалі.

Кор челядь бёр войсны, пызан вылын руаліс нин чайник, да сулаліс нёль чашка.

— Юыштой чайсö, челядь, — корис Манефа Ивановна найос пызан сайё. — Со тіяны кёлач. Тi од школа бёрад тшыгось, конкó, зарнияс.

Челядь нимкодырысь пуксисны.

— Бабушка, — эз вермы чёв овны Маша. — Орчча керкаас коді лоё?

— ыджыдас? Ме стёчасö ог и тёд. Козяинис, да гётырыс, да пикуыс. Гётырыс пыскод кутшомкó Канарай мунісны, ачыс оні отнас.

— Миян татшом керка жо лоё, — бара ошиносис Маша.

— Но-но, — шуис Манефа Ивановна да вештіс синъяссö. — Озырось тi, сидзкó, нылук.

Чай юём бёрын челядь ветлісны лавкао, ньобисны пöчыслы нянь да йёв. Сэсся Максим пыртіс пес, Манефа Ивановна ломтіс керка шорас зымвидзыссы ыджыд пач. Чосыда ыркнитіс тшын дук.

— Тi, челядь, туйсö весалыштой лымсыс да и гортаныд котортой, мед оз воштыны бать-мамыд, — шуис пöрысь морт. — Ена отсасинныд, аттьё.

Зырийс волома сёмын кык. Босытісны Полина да Максим. Полина шыблаліс, шыблаліс лымсö, а сэсся босытіс да Зина вылёт койыштіс. Мёдис чилостіс, сероктіс. А Максим пёлынтыс-кисытіс лымсö Полина вылёт. Серамыд!

Коттеджлон джуджыд потшоён сайын грымнитіс чеп, кыліс эргом. Челядь кывзысыштісны, а сэсся бара мёдісны коясьны лымийён.

Зыръяссö босытісны Зина да Маша. А Полина да Максим гатш усина лым вылёт — шойччоны. Сэтшом лёссыд.

Полина куйлёт да видзёдё енәжё. Пöчыслон пач трубаис петё тшын. Енәжис — лёзсыс-лёз, весиг муртса сирень рёма. Тайёсы вёсна, мый шондýыс пуксыны лёссыдчо. И тшыныс шонді югор вёснаыс гёрдоват. Быттө шоныд небыд шарф.

«Вот эсько тайё шарфсо сылі гёгёр!— мёвпалё Полина.— Сійё, дерт, шоныңсыс-шоның, позьё сиё гарчыны да пальтотөг и ветлодлыны».

Манефа Ивановна слон керкагёгёрса потшосыс ляпқың, важ, киссёма-вежынтьчома. Отилаті сомын джуджың, выль побъясась. Ни оти розь ни коластор весиг абу.

Маша да Зина видзодлісны ота-мёд вылас, читкыртчылісны да виччысътөг койыштісны лымсо куйлыс Максим да Полина вылө. Чилзём да серам қыпаліс выльыс. Челядь мёдісны ота-мёдныссо быгиявны лым пиас. Лыбом шум вылас джуджың потшос сайны скорысь шыасис пон. Сы борся — мёд. Окота лои видзодлыны потшос саяс.

Манефа Ивановна керка дорыс адзисны содъяпу, бурако, кодкө арнас керка вевтсо дзоньтавны кайломаюс. Полина корис Максимос, найё отвильыс кыскисны содъяпусо да польньютісны джуджың потшос вылө. Полина кайис вылас, видзодліс орчча йөрө. Максим каттис пес чурка, сувтіс сы вылө, но сылы нином эз тыдав.

— О-о!— городіс Полина.— Тайё абу пон, а ку坎ь. Веськыда потшос саяс. А вомыс крокодиллон кодь!

— Ме тшотш көсъя видзодлыны!— вөзйисис Маша.

— Энлы... Тані нёшта оти пон — горд,— водзё висьталіс Полина. И друг городіс:— Маша! Зина! Тані Рыжой!

Нывкаяс мёдісны дзёрдны содъяпусо:

— Ләччы! Ми видзодлам!

Потшос саяс эргис да увтіс ыджың овчарка. Синъясыс сылён лёкысла гырдось. Нывъяс ота-мёд борсяыс кайлісны содъяпуті: збыль, мёд понийыс, лапъя пеляыс, вошом Рыжойныс.

— Рыжой! Рыжой!— чуксалісны найё.— Кыдз нё тэ татчо веськалін, Рыжой?

Понийыс волі ёна ылын потшоссяныс, дзик көрт дзиръя дорас. Пукаліс чеп ылын чом дорас. Сійё эз увт, юрсо польньютімён видзодіс нывъяс вылө. И друг уськодчис водзлань, мёдіс нора никсыны.

— Ура, сійё миянёс тёдіс,— городіс Маша.

— Рыжой, Рыжой, ми тэнё татысь босытам!— горзіс Полина. Зина чеччаліс лым вылас да нимкодысла пыр отаро кайтіс:

— Маруся поч күтшом рад лоё! Күтшом рад лоё.

Ыджың керкаас, бурако, некод эз вөв, некод эз пет ува-ава вылас.

Максим тшотш кайліс содъяпуті да лабутнёя шуис:

— Сійё понийыс. Коркө ме вылө эргыліс.

— Кызвой, нывъяс,— вөсни гёлөснас тёльгис Зина.— Кыдз ми сійёс татысь босытам?

— Котортам дзиръя дорас!

Найё весиг зыръяссо эз пыртны сайникас, весиг кыв эз шуны Манефа Ивановна. Котортісны потшос гёгрыс көрт дзиръялань. Рыжой зэлодіс чепсө, ѿтчис бёжнас да никсіс. А йор пытшас важ моз увтіс да эргис съод гундыр кодь овчаркаыс.

Полина йёткыштіс дзиръяссо. Калича. Потшосыс и дзиръяыс ёсь йылаөс — он на пыр.

Дзиръя дорө сувтіс съод «Мерседес». Кор машинасыс петіс кирпич рёма пася мужичойыс, Полина ойкнитіс: сійё пыр и тёдіс Антонёс нойтысьсө.

Челядь вешайисны дзиръя дорыс.

— Эй, шантрапа, мый татысь корсянныд? — лёкыс равостіс көзяиңыс да мёдіс восьтны дзиръясö.

Тайо мортыскод оз позь шмонитны. Понтёг али мый мунасны сэсся? Антон быттьо Шерлок Холмс! Кыдз сійо гёгёрвоис, мый тайо дядьоыс гусяліс Рыжойсö?

— Дядя, тайо тіян керкаыс? — юаліс Полина.

— Мый коло?

— Тайо рыжой поныйс миян. Ләдзой бёр.

— Мый-мый? — ёна шензьомён выль пёв юаліс мужичойыс.

Тайо понсо шуёны Дикарьон. И сійо век волі менам. Гёгёрвоана? А оні брысь татысь!

«Ачыд тэ дикарь!» — думыштіс Полина.

— Гашкө, оні и Дикарь, а водз нимтылісны Рыжойон, — лабутноя шуис Маша.

Челядьлон шуасъомыс кирпич рёма пасыыслы, буракө, волі веськодь, пуксис машинаас да пыртодіс йөрас, сувтодіс Рыжойлон чом дорö.

— Дядя, — эз сетчи Полина. — Рыжойыс оліс миян керка йорын, сійо да нөшта Маруся почлон. Пöчыс онодз корсью сійо.

— Мый тэ никсан? — дöзмөмён вежынътліс вомсо мужичойыс пытшкёсладорсянныс дзиръясö пöдалігмоз. — Поныйс абу тіян, абу почлон. Шойтысь пон сійо, гёгёрвоана? А оні сылон ме эм!

— Кызвö, а ми Маруся поччöс вайöдлам, — збоя шыасис Зина.

— Он кё муной, ме Бесос ті вылö усьода! Вешсьой татысь, шпана чукöр!

Ассыс нимсо кылём борын сьод поныйс эрыштіс да сэтшом вынён нетшыштчис, мый пу потшоысыс вörззыліс. И збыльысь бес.

Мый вöчны? Челядь ылыстчыны. Полина сöмын оні казяліс, мый став тайо кадсö Максим сулалома ёна ылын.

— Нывъяс, ме тöді сійо, — висыталіс Полина. — Тайо дядьоыс и нойтіс Антонтö. Ми керка дорті ветлодлө, со и гусяліс Рыжойтö. Зина ышловзис.

— Кызвö, а Маруся поччöд тöдö вöлём, мый Рыжойыд ловъя, а ставон чайтісны, мый выжывмис шогсъомысла.

— Ура! Ме тöда, мый коло вöчны! — шуис Маша, да ставон сувтісны. — Коло Рыжойсö гусявны!

— Збыль! Сöмын оз гусявны, а босытны. Дядьоыс миянлысь гусяліс, а ми мездам ассыным поннымöс.

Максим дзикöдз укшальмис. Ботинки нырнас гудийс лымсо, негораа шуис:

— Ме гортö муна. Кокой кынмö.

— А Рыжойыс? — юаліс Полина. — Эновтам али мый?

— Ме пола, мый висьма, — шуис Максим, кок улас видзöдомён. — Гашкө, висьми нин.

Полина шпынъмуніс да ярскоба шуис:

— Но и мун!

Максим тогнитіс юрнас, бергöдчіс да ньёжйоник мёдöдчіс горланыыс.

— Кокъястö горчицаён шонты, — борсянныс горёдіс Полина.

— Пöсь йöв ю! — тшöктіс Маша.

— Голятö шарфён көртав, — телькнитіс Зина да сероектіс.

Максим эз весиг бергöдчыв. Сійо йёжтылтчыштіс да содтіс воськовъяссö.

— Төданның мый, нывъяс? — збоя шуис Полина. — Ветлам Антон дорö.

Ме тэнсъыд юртö курчча!

Антон кывзіс чोла. Коло жо: сійö котраліс ывла вывті, кар джынсö гёгörtіс, кыйöдіс сьöд иномаркаяс, а адзисны нывъяс.

— Мужичойыс, шуан, сійö? — стöчмöдіс Антон да видліс лöзались син увсö. — А тэ эн сорсы?

— Эг, — юрнас дзёрөдіс Полина. — Машинаыс сьöд и.

Антонлён синъясыс югнитлісны:

— Оні сійö миянысь оз мын!

Зина быттьö повзис тайö югнитлёмсыс, полёмпрысь тёвгыштіс:

— Кывзö, а гашкö, Маруся почкод ветлам? Дядьоыс адзас ичöтик пöрысь почёс, яңдзим лоö, и сетас Рыжойсö.

Антон скöра серöктіс:

— Ха! Кодлы лоö яңдзим? Сылы?

— Сідзкö, милицияö коло мунны, — шуис Маша. — Став йöзыс миян керкась висыталасны, мый тайö миян поныйыс.

— Да, висыталасны, — вежынтыліс вомсö Антон. — Сэні миянöс оз и кывзыны. Рыжойыс öд ошнейниктöм вölі.

Сійö öдйö пасытасис, гынкомуасис да кесийöдліс нывъясöс:

— Мöдім!

Шондïыс важён нин пуксис. Пöнара би югёръяс улын лым тола пиын Тимофей кодайис туйяс.

— Тима, — серöктіс Полина, — кыдзи нö эновтін атласъястö? Странаясыд пышъясны тэ дорысь!

Ичöтик Тимофей кöсийис лёгасьны, нюжöдліс льöбъяссö, сэсся юаліс:

— Тi кытчö мунанныд?

— Секрет, — шуис Полина.

Маша пыр и висыталіс:

— Мунам Рыжойсö мездыны.

— Кытысь мездыны?

— Пленысь.

— Ме тшöтш тiкöд! — збоя вöзйысис Тимофей.

— Тэ лым пиад нин луась, — шуис Полина, — гашкö, Арктикаöдз туй писькöдан.

Но асныра Тимофейыс на бörся жо мöдöдчис. Антон öвтыштіс кинас:

— Мед мунас.

Енэжыс тыр ёсь дзирдъяса кодзувъясöн. Тайö кöдзыд водзын. Челядь кежисны пельёс сайö да адзисны тöдса нин керка.

Антон гёгörtöдіс синъяснас mestасö. Татысь сійö Рыжойсö корсыліс жо. И ыджыд керка дорас матыстчыліс. Йöрас сэки ветлöдліс сьöд пон. Рыжойыс, буракö, чомъяс вölі, машина саяс, кыдзи и оні, да сы вöсна эз казяв сэки.

Игана дзирдъя сайын сулаліс сьöд «Мерседес». Сідзкö, козяиныс гортын. Мый вöчны?

— Рыжой! Рыжой! — гусьоник чукостіс Полина.

Зелькнитіс чеп. Поныйыс петіс чомсыыс, тöдіс челядьöс да мöдіс никсыны.

— Рыжой, ланьт, нёрёвитьшт,— шуис Антон.

Поныйс быттьё гётёрвоис, ланьтіс, сёмын легёдіс бёжнас, нимкодясис.

Йёр мёдарас скёра эргыштіс Бес.

— Кывзой!— вашнитіс Антон.— Ме дзиръя увтіс видла пырны, а ті мёд понсо ылодёй-дозмёдёй. Верманың?

Нывъяс здук кежлө лантышлісны. Сэсся Маша күчкіс ки пыдёнлас аслыс кымёас.

— Ура! Ми зыръястö ывлАО вунёдім!

— Збыль! Манефа Ивановна ордö пыралам, шуам, зыръястö коло сайникö дзебны.

— Антошка,— нора шуис Зина,— а тэ öд он тёр дзиръя увтіс. Дзиръя ув коласыс и збыль волі ляпқың.

— Нином,— шуис Антон.— Мед сёмын юрой тёрас. Муной асланың Манефа дорö. Ме шутёвта, кор лоё дась.

Нывъяс мунісны, а Тимофей кольччис.

— Тэ эсқö мед нывъясыкö мунін, Тимка.

— Ог! Тэ кё йёрман, ме шедёда,— и чорыдджақа чабыртіс зырсо.

Нывъяс пырисны орчча йёрё да мёдісны горзыны:

— Манефа Ивановна!

Пöрысь ань петіс кильчö вылö.

— А, тайё ті, нылукъяс! Мый нё лои?

— Ми вунёдім зыръястö сайникад пыртны.

— Ме идралі нин, шöвк тугъяс!

Нывъяс шай-паймуніны.

— А... а ми содъяпусо местаас пунктам,— казьтыштіс Полина.

— И чуркасö тшотш,— содтіс Зина.

— Кутшом тёждысысь челядь!— ёвтыштіс пöч кияснас.— Но, идрасьой, идрасьой.

И пырис гортас.

Оти здукон Полина кавшасис содъяпугі да мый вермомсыс равостіс сьод понлы. Мёдыс эраломён зэлодіс чепсö да мёдіс увтны.

Зина күчкаліс йёр пöвъяасас, кызд вермис кызджык гёлосон дозмёдіс понсо:

— Ме — тигр! Ме — тигр! Юртö тэнсъың курчча!

А тайё кадас Антон шняпкысис кыном вылас да муртса тёрмён коласöд сюйис юрсö дзиръя увті. Водзö пырны эз сет курткаыс. Лои пöрччыны сийös. Но и сыйтö Антон эз тёр.

Йёр мёдарас зяльбдчис чепён Бес да эргис нывъяс вылö.

Антон мёдіс тэрыба шыблавны лымсö. Тимофей отсасис.

Медбóрын Антон веськалі йёр пытшкас. Уськодчис Рыжой дорö, сийю нюлыштіс зонкалысь бан боксö. Антон кималасон корсис сылгигёргес дом каличсö, видліс восытны, но пружинаыс эз сетчы.

Дзуртыштіс одзёс, и зонка уськодчис «Мерседес» сайса юж вылö. Петіс козяиныс. Сийё сюся видзёдліс йёрас да городіс:

— Коді понсо дэльбдö? Пельтö нетшка!

Нывкаяс ланьтісны.

— Бес, местао! А тэ, Дикарь, мый чөв олан? Видзёд бура, а то сейнитö ог сет!

Бёр пырис.

Зина таркодыштіс йёр пöвйö да шуис:

— Кывзы, Бес, ме тэнсъың и збыльысь юртö курчча!

Бес бара зэвтіс чепсö да одзяліс киргыны-увтны. Сылы, буракö, аслыс окота волі кодлысъкю юрсö тшапнитны.

Антон бара күтчысис дом каличас.

— Рыжой, сулав! — тшёктіс сійө. Күтчысис каличас қыкнан кинас, зәвтчис да мый вынсыс личкис. Каличыс востис. Чепыс уси лым вылө.

Бара кыліс ѡдзёс востсюм шы.

— Коді сэні? — городіс мужичойыс.

Сы кок улын дзуртыштіс лым.

Бур, мый Антонөс сайёдіс машинаыс. Ичотик Тимофей тшотш дзебисс лым тола сайй.

— Водзлань! — вашнитіс Антон Рыжойлы да уйыштіс дзиръя уло. Сюйис юрсö да сибдіс.

— Тимка, қыскы менё! — вашнитіс Антон.

Тимофей мёдіс қыскыны сійөс пасъкомёдыс и регыд Антонлон свитерис лои сы киын. А бёрсяныс и Антон уйкнитіс. Сы бёрся, никсігтірий, петіс Рыжой.

Воля вылынёс!

Антон штүтёйтіс, нывкаяс котёрён петісны Манефа пöчлөн ийорыс.

— Пышъям! — кесийодліс Антон.

Котортігмозыс нин курткаасис. Сы бёрся тэрмасис Тимофей, оти киас сійө қыскис свитер, а мёдас зыр. На бёрся төвзисны нывкаяс.

А Рыжой на гёгөр қытшолён бергаліс, то вётёдас найёс, то кольччылас Тимофей дорё, коді медбўрын нин лои.

Рыжой, татчо!

Тадзи найё котортісны асланыс керка дородз. Ылісянь аддзисны: ярьюғыд пёнара столб дорын суало ётка пöч. Бурако, виччысьо кодоскё, мед юавны, эз-ё аддзыв Рыжойёс.

— Кызвой, а мый оні лоас!.. — нимкодя низгыштіс Зина.

Антон ставнысö олодіс.

— Рыжой, татчо! — кесийодліс сійө. Босытіс понсо ошейниктіс, шуис:

— Нывъяс, сулышталой тані, пельёс саяс. И понсо кутой. Ме висытала, кор петнысö.

Антон матыстчис Маруся пöч дорё, да сійөс ордйомён юаліс:

— Бабушка, тэ эн аддзыв Рыжойёс? Сэтшом тёлка пон волі...

Пöчыс быттьё измис Антон вылө видзёдёмён. Сійө кёсийис мыйкё шуны, но нином эз артмы. И друг пöчлөн бандзибъясо чепёсийис синва. Пöчыс бордзис...

Антон повзис.

— Эн борд, бабушка, — вомгорулас шуыштіс сійө, а сэсся городіс:

— Рыжой, татчо!

Рыжой уськодчис быттьё бушков. Сійө шудаа увтіс да мукоддырийыс понпи моз никостлывліс. Уськодчис Маруся пöч вылө да оти здукён нюлыштіс сыйлыс синвасо.

Пöчыс окнитіс да он нин и гёгөрво, радліс али бордіс.

А челядь сералісны. И лымайыс кок уланыс сераліс. Сералісны весиг юрвесеңтса пёнарыс да карвесеңтса кодзуувъясыс.

...Оти кодзуув сераліс, сераліс да уси енэжсяныс веськыда лым толао. Стöч сійө йорас, қытчо бёр воис Рыжой.

Альберт ВАНЕЕВ



Лысва войтъяс

Д Ж Е Н Ы Ъ Д К Ы В Б У Р Ъ Я С

* * *

Кёнкё горёдас петук,
Кёнкё бакостас мёс,
Кёнкё нянь пачысь петас
Гёрдöз банийом да пось,
Кёнкё дзиридыштас лысва —
Уна сюрс эзысь моль:
Сиктсянь чолём мем ыстö
Тёльган сёрниа ёль.

* * *

Гырысь каръясын овлывла ётка —
Кылдза раскын сізд зумыштчö коз.
Гажён-нимкодьон карыс оз пёткёд
Чужан сиктой да Войвылой моз.

* * *

Ме весиг ёна тёдчöдны ог кут,
Мый чужан вёр-ва — менам шойччан шуд:
Од гожёмбыд сэн ветла быттьёй ёбра,
И ылавтöгыс ылавлывла вёрас.

* * *

Ме пытшкын быттьёй дзонынас Коми муёй:
И парма чурк, и тэрыб вёрса ёль,
Печора, Эжва, менам Мозын юёй —
Эг отдорт, бокё некодёс эг коль.

* * *

Ме абу чегём чаль, ме абу ичёт,
Син водзам восьса чужан мулён мич.
Ме морёс пытшкам ставсö шонта-видза,
А менё Коми муёй оз мёй видз?

Но и мелі жо асья гөрд кыа,
Колип сыйлёмлён мелі жо гор,
Ю дор бадь пулён гильёдчан шыыс
Воныйн узлыгён садымёдас кор.

Югыд би киньён сөдзёдас съёлём
Асья кыалён ышёдан рём,
Быттьё гожомын, арын и толын
Ылі эжтасын едждёд льём.

Коркё эрдын и дзебасын коркё
Тувсов лэбачыяс вёчасны поз.
Налён коставтёг чилзёмныс гора
Шудён-нимкодьён быдтысигмоз.

Отнас кёк татшом шудсö оз тёдлы,
Кёк войбыдъяс танi и сэн,
Челядь лелькуйтём кёвъяло мёдлы,—
Сийös мыйысь кё мыждома Ен.

Свет вылас эмёс помасылтым туйяс,
Коть олігчёжыд восьлав, тэрмась, мун.
Ме тёдлi некор сывлыштым кын мусас,
И кёнi во чёж дзоридзалё му.

Ме чужанінсь ылын волi коть и,
Эз чинлы муслун, и эз вежсыыв сям:
Од Кими му свет вылас сомын ёти,
Кызд ёти шойна яг, кён куйлё мам.

Лежнёгай-петшбрайн волi
Менам кёмтём кока челядьдыр.
Сы вёсна и верстё кадо съёлём
Зильё-кыссы дзоридзяслань пыр.

Майшасыны, донавны, сотчины —
Сэтшом нин вичмылс нэм.
Сомын вот мудз вештан шойччомсö
Вунёдис юкышты Ен.

Ой, тури, тури! Вылi лэбё тури!—
Оз быдён сийös мүб лэдзын судз.
Но, гашкё, чайтанныд, мый овсёй-вывсю бура,
И ылi-вылi лэбигас оз мудз?

* * *

Ловъя олымыс тулысын ёддзў
Визув ёльяс да ытвяяс моз:
Мортос виччысьё гёрём да кёдзём,
Лэбач тёждысьё, лёсьёдö поз.

Сёдзёсь-югыдось тувсовъя могъяс:
Тусьыс чепёсъяс ёзимлён ныр,
Быттьё олымыс, коди на локтö,
Абу каян, а исковтан кыр.

* * *

Дыр на ми вокёс мустёмтысь-видысь
Оз вой нюрё и вёрё оз вош:
Дзик быд сконъяслём гёрёдö йитö,—
Синъяс восьсасть, пельясыс чош.

* * *

Талун кёдзыд, и чизыр, и шуштём
Турёб борд вылын лэбалысь тёв.
Татшом ки-коктём, висълос да мустём
Ачым аслым ме ёнёдз эг вёв.

* * *

Кёть зілльісны дай зільёны на тоно,
Мед верзьомавны, уськодлыны чёв,
Но ми ас кокён вуджим нэмъяс вомён,
И крепостнойён коми морт эз вёв.

* * *

Буждё кётшасыс. Асныра юыс
Бара корсъё выль визувтанін.
Со и тёрыт на суалысь пуыс
Увлань туганнас усьбома нин.

Пожом зільё на кутчысын вужнас,
Сёмын дженыйд нин коньорлён нэм:
Джуджыд кётшасыс буждё и буждё —
Джыджъяс оз нин со поздысыны сэн.

Мам

Верёсис кытчёкё воши,
Озийс кор войналён би,
Бёрындыхык усисны косын
Сылён кык томиник пи.

Сэсся и ныв дзебанінас
Бёрдіс и ётка, и рам.
Синваён мыськалём синъяс
Кунис медбёръяён мам.

* * *

Ме, гашкё, сэн эг уdit, тан эг вевъяв,—
Зэв тэрмасьёмён рöйтис-лэбис кад,
Но олiгчёжой джуджыд йирö кевлi,
И качöдчигён бергавлiс юр садь.

* * *

Оз, косьём турун ловзыны оз куж нин,
И кельдём кор оз ло нин турунвиж,
И сёкыр ловъя чанъясöс оз чужты,
И кывбуръяс кын сьёлёмä оз гиж.

* * *

Сизим рёма мегыр — ёшкамошка:
Öти кокнас — юын, мёднас — ёльын.
Мича серпас аддзывнысö нёшта,
Гашкё, сёмын кёсийёмён и коляс.

* * *

Поэзияд — сiйö ловъя пу:
И кодкё дзоридз пыдди — туган йылас,
А кодкё варов кориён шпоргö-кылö,
И сёмын пулусь вужсö личкö му.

Ме некымынысь тöдчöдны ог мудз,
Мый вояс вомён локтисны ми дорöдз
Шань коми кывбуръяслён кор и дзоридз,
Мый чöв олiгас найös вердiс вуж.

* * *

Васöд енэжтi, руд кымёр боктi
Ылi лунвылö лэбёны юсьяс.
Кымёр оз нин дзеб колльöдчан шогсö —
Жуғыль му вылö синваён усьё.

* * *

Уна дурзянысь чужлывлö ёль,
Кодi мудзлытöг котортö юö:
Лышкыд пармалысь вын-эбöс юам,
Некод, майбырой, пайтöм оз коль.

* * *

Этша, зэв этша колисны йöз,
Кодъяс чукостёны челядь нимнам,
Челядь би кинь оз öзий нин синнам,
Олём оз нин выль кодзуувъяс öзт.

* * *

Олём югыд и мича,
Коркё бужёд кодь крут,
Коркё миянос видзö,
Коркё тойыштас друг.

Менсъым гёнитысь вёлёсынций
Коркё косёдлас бёр,
Мед ме кыв-вора вёлі
Да мед некор эг сёр.

* * *

Пемыд съорт пыр, пёрём пуюс вомён
Ассыыс ордым писькодё поэт.
Съокыд-съокыд мир туйёдзыс воны,
Быдён югыд эрд вылó оз пет.

* * *

Кокни овнытё жебён да лябён,
Юртё дзебны, кызд тіралысь коч.
Тэнё пинялысь ёнёдз кё абу,
Сідзкё ошкантор эн жё на воч.

* * *

Ог сы ради му вылас локтой,
Мед мёсъяс моз рёмидэтны тан,
Да кыссыны олёмис бокті,
Да сёыштны совтор да нянь.

Сюрс тёждъяс да могъяс оз лэдзны,
Мед морт вёлі дыгыд да рам,
И выльторъяс вёчны да тэчны,
Кор ковмас, век аддзысяс сям.

* * *

Батьяс серти поюсъулунным содё,—
Ёрта-ёрт костын ошиысылам ми.
Сёмын күжтогыд миянёс сото
Коркё батьясоц шонтылысь би.

* * *

Пасъыд юяс и ёль, коді нимтём,
Талун посийоны көрт да бетон.
Енмой видз,
Медым эсък мечинті
Кёрта посъялысь отсасян дон.

Сёмын пармай корсюрё дона,
Нимкодь чужжтысь
Дай колана, дерт,
Овлё бушколён пёрёдом кер,
Коді отсалас вуджны ёль вомён.

* * *

Юсъылысь шудсö кырнышлы не тёдны:
Юсъён —
Югыд ва,
Лёз енэж,
Мезд.

Кырныш зільё лёгаломён пётны,
Ловъя ловлы кыны дзуг да вез.

* * *

Морт нога олём — сям содтыны зільём,
Мед шаньмёдыщты лун-войнымёс тась.
Сюсь морт нэм чёжыс корсьё мыйкё выльёс,
А бёбыс век важ пуклос пожны дась.

* * *

Быд бёжалысъ, юралысъ, нырщик
Ас визувлань веськёдё пыж,
Но, власть, коді кутлывлö дырджык,
И унджык тай чукортлö мыж.

* * *

Оз позь нэмтö артавны стöча,
Öд медкузыс абу зэв кузь.
Но бур нин кöть:
Мыйсюрё вöчи
Да олёмёс ассым эг узь.

* * *

Кöть ошкасны весиг, эн ышмы,
Но-й кулитöг лябон эн ло,
И косяяниньсь эн пышый,
И жеб дорö отсöгöн во.

Öд ошкёмыд абу кузь нэма,
И кульсывлö, быттьёкё кырсы.
Но куж вöйпöм-пинялём венны,
И ёшёдны юртö эн лысът.

* * *

Нимкодь вайёны уджалан здукъяс,
Торъя вöчомыс артмыштö кор.
Медся донаёсь уджалан здукъяс,—
Волё на ради му вылас морт.

* * *

Ме ётитор кёсъя и ворда,
И морёсам шонта нэм чёж:
Быд збыльтор мед тэрыб и бордъя,
И китём и коктём мед лёж.

* * *

Чада олёмён чашкёдём доысь
Вом дор курччав, но морт сямён ов:
Зэра-слёта 'да висылёрс сьёд войё
Колё дzonьвидза, шондя лов.

* * *

Ӧзыйсь муслун коть ланътöдчас чöв,
Но оз кус, немся мытшöд оз сувтöд,
Сiйö писькöдчас кыз йияс увтi,
Венас морöсö сакасьыс тöв.

* * *

Тэнад сæk, шондiбаной,
Гылыд серам эз ланьт.
Кутшöм мича тэ, аньйай,
Мелi, пось вира, шань.

Йирим тöлëсыö шаныс
Öтнас ловъя и эм.
Кутшöм авъя тэ, аньйай,
Öнöдз шусьö на мем.

* * *

Оз нин видзöдны мелань лöз синъяс,
Сöмын вунöдны найöс мем жаль.
Жаль, мый öшиням талун оз инмыв
Еджыд дзоридза льём пулён чаль.

* * *

Зэв тай писькöс да яръюгыд вёлöма
Ылыс кодзувлöн куслытöм дзирд.
Важся муслунлöн ланътlyтöм йёлöга
Пыр на сöнъясын öддзöдö вир.

□ □ □

Вöралысълён висътъяс

Уна тёдчанатор миян гёгёр, тшётиш и йёз кост олёмысь озырлунъяс, тшёкыга кольёны казявтёг, кёть эсько найёс тёдём да туялём вермас ёна отсавны том йёзлы бурджыка тёдмавны ай-мамлысь мусё, кывны ас войтырлысь ловсö да сьёлёмкылёмъяссö.

Быг сиктын-грездын ёнёдз на олёны асланыс мойдкывъяс, шусьёгъяс-кывйёзъяс, важён нин вёвлёмтор йылысь висътъяс. Тшёкыга позьо кывлыны, мыила да ког нимён шусьёны сикт гёгёр вёръяс, видзъяс да шоръяс-ёльяс. Ю.Г.Рочев на пасыйлёма: «...коми вёвлёмторъясын, мифъясын, легендаясын меббура воссёнын-петкёбчёны коми войтырён мёвпъяс-тёжджъясыс, сылён оласногыс да ёбичаыс. Мойдъяс сюрёснас юитчомасть важ олёмкёг да ёнёдз на видзёны ас пытшканыс ылі нэмъяслысь колясъяссö» (5.16 л.б.) Тёдё кё лыттдысысь татшом сяма висътъяссö, кывліс кё коркё найёс поль-пöчсяныс, мег ыстö татшом агрес серти: 167000, Сыктывкар, Коммунистической ул., 25, Кomi пединститут, география велёдан кафедра, Силин Владимир Ивановичы (рочён). Тайё чукёртёмторыйыс ёна отсалас велёдысьяслы, велёдчысьяслы да наукалы.

Печора йыв тёдчымён торъялёт оласногнас Кomi мулён мукёд пельёсъясысь: важысянь нин сэні орчён овлёмасть и рочъяс, и vogulъяс (манси), и комияс. И куимнан войтырыслён кольёма татчёс фольклорö пас туй. Тайё и важ эскёмъяслён колясъяс, и йёзлён ёнія олан сям. Роч гижысь да йёз кост оласног туюлысь Николай Петрович Белдыцкий 1901 воö гижлёма сэтчёс староверъяс йылысь: «Тулпанечъяс (Печора йывса мүяс войдёр пырлісны Чердынь уездса Тулпань вёлөсстö) — тайё бытторлы эссысь да ставсыс полысь войтыр. Найё чайтёны, мый Му вылас ёні ыджыдалö Омоль, и отсасысьясыс сылён быг ногыс тывъялённы-ылётёны морттö, быглаö удитлонны-волёны: пывсянаг — пывсян айка, вёраг — вёрса, вааг — васа, а керкааг — гажтём.

Вёрга дурёмсыс оз и ёвсыыв, кыйсысылы сїё вайё медуна лёктэр да шог: и пармааг воштёдас-дзугас, да мортыг торксяс ордымсыс, и кывлытём на шыясён кувмёныс повзьёдас, и сьёламарттö вётлалас-шызыёдас да куш нопнас и лэччёдас вёралысътö гортас...

Ёна керё-повзьёдчö и пывсян айка. Лэччан кё пывсянааг коймёд скон, кувтёдзыг олысяыс гогналас-гартас да пышйёдас ловтö адö. Та вёсна полёны Печора йывсаяс пывсынытö коймёднааг лэччины, мыссытёг колясны, а оз мунны.

Лёктэр вёчны видзёдö тшётиш и васа: вёйтас морттö пемыг йирö ли кыскас вой тёлён ю пыдёсö, да оз нин и лэдз сэсся» (1. 4 л.б.).

Татшом сяма висътъясыс важёнсянь нин ветлёны-олёны йёз пёвстын: найё вуджёны поль-пöчсянь челядьлы да локтёны кольём нэмъяссянь на, чужёны да артмёны вылысь, миян кадö нин. Ф.А.Арсеньев, Н.Е.Ончуков, Н.П.Белдыцкий, В.А.Варсанофьев

да мукёд коми фольклор чукёртігён пасылёмаёсъ татшом висьтьяссö, и онi ми вермам казявны, мый вёрса-васа йылысь, олыся да рёзбойникъяс ѿлысь вёвлёмторъяслён нэмис зэв нин кузь. Найёс висьтавлёмаёсъ уна сё во сайн, найё эмёсъ и талун.

Талунъя олёмисъ вёвлёмторъяссö ми и вёзъям водзё лыдьём вылё. Висьталiс найёс 1998 воын пединститутын велёдчысъ, Троицко-Печорской районса Еремеево сиктын олысь Мезенцев Антон Борисович.

Ая-пияна

ОВЛЁМА коркё ай морт нёль ичёт пиыскёд: ыджыддыхыкыс сизим арёса, а дзоляыслы и куимыс на абу. Мамныс бёръясö чужтігён кувсылёма.

Өтчыд, субота войё, вётасяс батыыс лёка да и шүё зонпосниыдьы: «Ме талун пывсянё лэчча, а тi виччысъёй менё, эн вунёдой. Коркё сэсся, дыр кё лоё, видлыны волёй, войбыд тай менё вётын мутивейясыс пывсянас гогналісны-гарлісны-а».

Ваймас пывсяныд, да батыыд и петас. А посниясыдлы нё мой — регыдён ворсіганыс и вунё. Коркё сэсся ыджыдышлы дёвгас жё: «Батьтö тай нё вунёдим, лэччывны ёд колё». Тёвзяны пывсянад, а сэнi чишкасьём көрён нин и ёвтö. Видзёдёны да, батыныс доналём изъяс вылас сотчан выйын пласытвидзö. Пияныд ворсомад ылаласны, а омольясыд сэк костi и шыбитасны сiйёс пывсян гор вылас, кувмёныс мортыдлы лоёма.

Содтöг пасиёд: пывсянса йылысь висьтьяс зэв тшёкыда паныдасылённы йоз кост сёрниясын. Пывсянны олысь вермё петкёдчывны и нывбабаён, и мужичёйён (пывсян айка). С.В.Максимовлон пасиёдтьяс серти «пывсянъясад сiйё дзебсясьёй гор саяс ли вылыс джадж улас. Бур сёйлёмён морт дорё сiйё абу на петавлёма». Кольман кё пывсянад, сiйё и тёд — омольыс гарлёма.

Кыйсысь да смерть

ОЛЁ ЫЛЬДЗ ю дорын кыйсысь-вёралысь. Абу нин том, пёрысь. Нэмсö кыйсигас мыйыс нин сёмын сыкёд абу вёвлёма.

Локтас сiйё өтчыд войладорыс нин вёр чомъяс. Пачас би сюяс, понсо вердас, ачыс сэсся нуръясыштас, да и узыны водас. А войыс ыркыдён лолалё, чом костъясöдис ыргё-ёвтö, ковмис ёдзёссö топыда пыкны да бисё пачас дзузгёмён кольны. Водас кыйсысьыд джоджас — оз лок унмыс, век ётарё дзёрё-пессё. Бергалас-бергалас, да сэсся тай кызмырдён унмовсяс жё. А вётас локтас-шлапиктас сы дорё ош ыджда, кымёр пасьта баба, вылас сёлас да пöдтыны-джагёдны мёдас. Пикё воас мортыд: тойлалёмён ни чужъялёмён вётлыны оз вермы. Пессяс-пессяс да садьсö и воштас.

Сайкалас коркё кад сэсся вёралысыд, да гегдёма нин дзикöдз. Ассыс оз тёд, ни лоёмсö оз гёгёрво. Кылё сёмын — порог дорас куйлё, ёдзёссыс гурыйв восьса, юрыс ёнтö-потö, а керка пасьталаыс лёз тшын гёвкъялё. Тшынёдёма войнас пачыс да пöдтыны и кутлёма узысытö. Садтёгыс нин, тыдалё, ёдзёссö восьтёма, олысьён на кольёма.

Смертыыс нин, буракё, вётас волёма да бёрён на и петёма.

Разбой-ёль

ВОДЗЫН ёд Ылызд кузяңд рёзбойник чукёр шодлёма. Ёти ёна и сюсь вёлёма, руч кодь наян да ёш кодь ён, сийё и ышёдысынас быдтор вылас вёлёма. Гольсо и озырсо кульлёмайтасы, сёмын ки уланыс шедлы, он мын ни он пышый. Бура дыр найётатчоц муюссё гудраломайтасы, а нырнуодысыныс зарни-эзысыссо ош моз чёжома да кутшомкё ёль йылё и дзебома. Ёль йыласось сэн и вёлёмайтасы рёзбойникъясыс став позырнаныс, да сийён шорсо Разбой-ёльён нимтылёмайтасы. Налы кодь и эм сэні вёрыс — пемыд ныыв пуа да гажтём. Дыр на найётадз оласны-кимёститчасны, да коркё лёг петтёдзныс скормасны атаман вылас, дзеблалан по зарнисо, миянёдз нинёмыс оз и волы. Уськодчасны рёзбойникъясыд сы вылё тулгюр варыш моз, тёкотьё оз кокавны. Вир да коль, котортас атаманыд ёль йылас, лыддяс нимкыв гу весьтас да и кувны водас.

Кызд коть сэсся оз пыдздравны сийёс, нинём нин оз висьтав, пурт помыссы и кулё. Шого усьёны рёзбойник чукорыс — мый по и вёчны? Кылёны — шур-шармуні мыйкё вёрас да пуск косттыйс вуджортис. Видзёдёны да, ичотик зонка петё, мам-батьёс воштёма. Сийё сэсся нимкывтё и висьталас: ёль пёлёнис по бёрон лэччыны кутан, да паныд ыджыдсыс-ыджыд, блуд синма лэбач петас. Сылы вордкыв висьталан, да вёлисти гүяд и воссяс.

Вай жё по, шуасны, виддам, артмас али оз. А куимён нин асыныс и вёлёмайтасы, да озыргуныд тай пытшкостё йиро: ётиыс бёрсяныс мёд кыксё котшийдлас-помалас, зонкаланыд нин пуртнас нюжёдчас, да ён тёв кыськё сэк кадо кыптас, ыджыд козйён рёзбойниктё лямёдас. А зонкаыд ёль дорсыыс бёрыннас и сюрома, да некод тай сылы, кагаыдлы, абу эскёма.

А во кызы сайын нин кодъяскё ёль пёлёнис чёд вотёмаиц, да друг на вылё блуд синма ыджыд лэбач котортёма. Садь быртёдзныс сийё вотчыссястё повзьёдёма да гортёдзныс и котортёдёма. Збыль, сідзкё, йозыд сёрнитёны, сёмын нимкывтё тай некод оз тёд. Да и мый бурыс корсъомсыд, йоз добраыд тай шудтё некодлы на абу вайлёма.

Содтёг пасийёд: войвыса олыссяслён, торйён нин Эжва йылын, рёзбойникъяс да зарни гусь йылыссы висьтъяс абу гежёдтор. 1866 воын на Ф.А.Арсенев пасийлёма: «Медъёна по, сёрнитёны, рёзбойник котыръяс ылызд да Ичот Печора пёлён поздысълёмайтасы. Онодз на кык-ё-куим посни ю на нимён шусьёны».

Сарью дорын

МУНАСНЫ ётчыд мужик чукёр Сарью вылё чери кыйны. Накод тшотш ар дас нёля зонка и. Локтасны, ректыссыны, а детинкаыд вёляссы Сарью пёлёнис и мунас, вёрсё по видзёдла. Восьлало надзёник, чернас шенасьё. Дыр-о, регыд-о ветлодлас, а рёмдны нин кутас. Бергёдчес эсъё думсыыс бёр, да некодаро оз кут воны, пемдё нин гёйёр-а. Повзьёмвывсыд зонкаыд тайко оз которт. Мунис сийё, мунис да эрд вылё петис. Видзёдё — паныд пёльё тапиктё. Радыс зонмыдлон, корсъны по тай, бурако, петёмаиц. А мыйён воча лоисны, дількунул съёлёмымис: пёльыд гёййодзыс турунвих тошка, лешмём-сырийоссым кырсы паськёма, мышкас нэмёвёйсса пищалия, юрыс сюмод вевттёда, а кокыс

никёма. Видзёдліс сійё зонмыд вылёр, да быттьё чардбиён сотыштіс. Іркмуні повзьомыслы детинкаыд, да он ёд тай петкодлы — водзё муніс. Сöмын бörсянныс, кылó, коджо пыр сизьдіс-видзёдіс. Ордым чукыльбэзыс сэсся сійё эз и бергöдчыв, а саймовтчис да садтöгыс котörtіс. Локтіс зонмыд кыйсысысьяс дорад, висътасис, кызд-мый вöлі, да некод сылы эз и эскы, серам выв зонтö лэптісны, а бöрыннас и асыныс сьöд вöр вылас полёмён чатрасыны кутісны.

Cogtög пасьтöг: вöрын олысъös аддзылём иылысь висътъяс паныдастьёны зэв тшöкыда. Вöрса петкодчылёр мортлы ныvbabaён, турунвиж, вöр паськёма пöрысь пöльён да с.в.

Турунвиж паськёма

ШУАСНЫ коркё том йоз Сарьюодінö войколён ветлыны. Войбыд кильмасны-гажöдчасны, а югданорыс грезд пасъталалыс коди кытчö разаласны. Видзёдö öти, воча сылы турунвиж паськёма локтö. Мунас зонмыд аслас туйöд, бöрвыв бергöдчас — а некод абу. Висъталас эсько тайös мукöдыслы, да некод мортыдлы оз эскы. Пыр тай сідз, некор ёд он эскы, мыйён ас вывтýд оз мун.

Мишалён висът

МУНАСНЫ Миша мамыскöд Сарьюодінö турун пуктыны, видзныс налён сэні да. Воасны коркё, ректысясьны, би чуткасны. Пукыштасны эня-пia бипур дорад, шойчыштасны да и уджö кутчысясьны. Ытшкёны-мырсыёны, туруныс шыён водö, а луныд тай тюрө: пажын кад нин воёма. Шуасны эня-пia шойчыштны-лолыштны, бипуртö бара на лöдсыштасны да ва пуктасны. Усьё сэсся Мишаыдлы дум вылас вöрттöис ветлöдыштны. Каяс сійё мыльк иылёр, буджас вöр кост видзсо, бöрвыв бергöдчас — а сылы воча кузь еджыд дöрёма ныvbaba локтö, кагаös морös бердас топöдöма. Садь быртöдзыс зонкаыд повзяс да му бердас и ёкмыльтчас, лолыштнысö оз лысът. А мыйён гажтöмьыд пу саяс саймовтчас, бипур дорад котörtас, бörсянныс сöмын лёк серам чöв-лöнсö поткодас.

Воас Мишаыд бипур дорад, а мамыс вöрсъыс ловъя нисьё кулома петö. Буджöртіс пё татi кагаа ныvbaba да лёк серамнас весьöпöртіс. Тшöктöм оз ков, здукён сэсся эня-пia чукöртчасны да вадорад и лэччасны. Пыжсяныс нин сэсся кыласны: бара на кодико пемыцд вöрас сералö.

Аскинас оз нин öтнаныс локны, да ёдйё уджнысö и эштöдасны. Некод нин сэсся вöрсъыс на дорö оз петав.

Кутым-катым морт

ЛЭЧЧÖ вöлём öти вöралыс ылдызён, да лунтыртö мунёмниад жаявтöдзыс мудзас, лолыс öдва шедö. Вай пё, шуас, Сарьюодінас войсо узя, а мыйён югдыны кутас, водзё мёдöдча. Сідз сэсся и вöчес. Коркё и Сарьюодіныд мыччысясь. Видзёдö вöралысыыд: мыльк иылас морт суалö. Аддзис сійё кыйсысыстö, мышкён бергöдчис да чой горув и тюрис. «Но,— шуас вöралысыыд,— оз на тай öтнамлы ковмы узыны, кыкыдлы век нин гажаджык». Каяс сійё мыльк иылад, видзöдлас, а сэні лы ни ку,

весиг кок туйыс мортыдлён абу. Кёдзавлас вёралысындауловы да позъомында да ии выйттыс Еремеяд и котортас, мудз ни пемындауловы да кыв. Ойдо сэссе и воас.

Cogtög pasiyoğ: вёвлёмторъясын тшёкыда висъатвалёны кок туйястом вёрса йылысь, но овлёны висътьясын и туй колысын олышаяс.

Вёрсаяс да вёралысь

МУНАС ётчыд кыйсында ылдыз пёлён вёравны: чоң туйяссө кытшалас да ләччяссө виддалас. Кысыкё, колёк, вёр пётка, да кысыкё тулан, низь ли ур на мойвиас. Сізд луныс и кольё. Рытъя рёмыдёдзыс эсъкё көсъяс чомъяс воны, да дырджык тай локтёмыс лоё. Воигкежлас дзикодз нин пемдас. А йозыд сійё чомсө бурён абу на казытывломаёс: шуштём пё сэні, гажтём. Пырас вёралысында керкаад да и узыны водас. Друг кодкё вой шёр вой өдзёссо кисынды мёдас, грыма-грамакылө вёр пасыталыс, тайкё оз нетышшит. Бырснитас-чеччиштас вёралысында да юась тіран гёлөсөн: «Коді нё?» А ортсыяныс кодкё лёк горшён и равостас: «Восыт, колёк, ловъявысында өд помала!» И пон чукорыс ылаа вылас виньдаломён увтчёны. Пукалё вёралысында нар вылас да отарё сёмын и лолыштө — сэтшома позъома.

Эз вермыны омольясында өдзёсёдьын пырны да пач трубаас тасасисны. Пидзёсчанясис вёралысында ен пельёсө да юрбитны мёдіс. Коркё кад сэссе и ленис ылаас, пон увтчомыс весиг тшёкмунис-ланьтіс.

Петас югдандорыс кыйсында, а чом гёгөр вёрыс быттыё абу и сувалома: ставнас муас нюжвидзё, и мусо ставсө гутёдомаёс. Быттыё пыдёссо корсыны кутломаёс. Понъяссө вёралысындаулыс кульбомаёс-косявломаёс и. Ок и бура, шуас, омольясында гажёдчинис тавой.

Сы бёрын сэссе морт нин сійё чомъяс абу узылому.

Войколён

МУНАСНЫ ётчыд кодъяскё ді выло турун пуктыны. Бырас налён няныны да шуасны бёр гортаныс ветлыны, а ді вылад том зонмөс колясны: рытладорыс пё мунам, а асъя югыднас таноис нин лоам. Кольччас зонмында войколён, узыны нин водас, да мыйкё быттыё абу сізд: поломында пельыс чош, синмыс быд мыр видзёд. Друг мыйкё трутш-тратшмуні вёрас. А йоз волі сёрнитоны, коркё пё виломаёс тані кодоскё да шойсө пыдё муас и дзебомаёс. Сёмын куломато кө морт ногён он дзеб, мыис сы весытын вёрны-тывавны кутас.

Чеччас зонмында, биасыс да бипур дорас сэссе войбында и сургас-вугралас, лоз асъядорыс нин сёмын и унмовында. Да, конъорыдлы, сылы мёд вой на ді вылад узынтыо ковмас: нянында, тыдалё, оз сюр, да некод на сійё лунас оз и лок.

Сотчём

ВЁРЫС заповедникин Лягаодз кузяла сотчома, а сійё сотчома вылас коръя пуюс нин күтчесъомаёс, да йозында тай быдторсой сёрнитоны.

Важъя кадö на, заповедник восыттöдзыс, писькодлёмаöс татчöс вörъястí кör видзан ордымъяс. А кор вöтлавны мёдасны кör видзыссястö, лögасысны найö, да вörтö и сотасны. Дыр на сэсся Енмыслы кевмысясны-юрбитасны, а местасö сийös Молебенён нимтасны. Сöмын висыталöны, быттьö ю шöрас Молебен весьтас коркö вöлüm ыджыссыс-ыджыд из чумбырасьö-катласьö. И вörтö кылодигон быдён вöлüm кевмёны, мед оз жö эськö из вылас пуртыд кай.

Унатор на нöшта сотчом йывсыд висыталöны. Кутшöмкö пöльö пö видз лöссяöдны кöсийма да пу вужъассö сотöма, а биыс сэсся вör пыдöссыс енэжöдзыс кыпалöма. Сид сэсся Ылыдз пöлöныс став вöрыс тшын йыв и кайома.

А ичöтик ёль дорын, пыді вöрас, кодлонкö кыйсысылöн жытник вöлöма. Тöдлас сийö жытник сотчомтö, висымас-сöдöдас да сэтчö шогысла и кулас.

Cogtög пасийöг: подувнас тайö висытыслы лоö збыль вöвлöмтор. Водзын Ылыдз пыр мунлöма ыджыд вузасян туй, тöдлёмаöс сийös и рочясь, и vogульяс.

Тшöкыда вörъяс күшöдз сотчылïсны и тыла ректigöн.

Вöралысъ да зарни

КАЯС öтчиd кыйсысь вörö да дырён-кадöн и воштас ордымсö. Нэмсö на вöрад эз вошли, а талун кык пу костö ылалас. Мёдас вöралыссыд горланыс туй корсыны. Регыд-ö, дыр-ö мунас, кылö — ёль кёнкö чольгö. Коркö кад сэсся-й чом тыдовтчас, важиник нин, киссян выйын. Восытас вöралыссыд öдзöссö, керка пытшкад пырас. Видзöдö да, дöра мешöкъяс пельöсас жмутвидзöны, а пу тув йылын кыйсян лузан öшалö. Пуксылас вöралыссыд лабичас, лолыштас, пачсö ломтыштлас.

Окота лоö сылы мешöкъястö видлыны: вай жö пö сюйла киöс — мый сэн? Сидзи сэсся и вöчас. Перъяс кисö, а содз тырыс лыя, ва моз чуньяс костöдис киссö. Тешкодь лоö мужичойыдлы: кодлы пö бара юрас воёма лыасö мешöкас чукöртны-а? Разяс мёд мешöксö, а сэнi тырыс из. Босьтас вöралыссыд аслыс öти из ёкмыль, зептас сюяс да ёль пöлöныс горланыс и мёдöчас, воа пö да гортын югыд бинас изсö видзöдла. Ёль пöлöн да, ю кывтчöс да, регыдöн сэсся гортыс и сюрас.

Пырас вöралыссыд керкаас, биасьёмöн изсö видзöдлас, а сийö зарни ёкмыль вöлöма. Мёвпыштас аски асыв выльысъ на ветлыны чомийыд дорö, нöштасын видзöдлыны. Чеччас сийö аскинас, ёль кузяйд лöз рöмьднас катас, а чомийыдöн ис ни ру нин абу. Дыр на мортыд ветлöдлас: быд пу кост да быд пу ув видзöдлас, но нинöм нин оз аддзы.

Енмыс, тыдалö, зарнитö чуйдылöма, да мортыдлон тай синмыс абу дон вöлöма йöз добра вылад. Код тöдас, гашкö-й эз нин веськав мортыд сийö местаас.

Cogtög пасийöг: Печора йывса зарни йылысъ висытьяс чужлёмаöс, тыдалö, сийö кадас нин, кор сэтчöс вörъясысь ю пöлön геологъяс и збыль корсыёмаöс зарни. Вермас лоны, тайö йитчома тшöтш и Зарни Анькёд.

Пурта мыр

МУНАС коркё том зон ылі пармао, да воча сылы съёд мыр лоо, а мыр съёмёсас сатшкөм пурт. Кыскас пурттö зонмыд да аслыс вылö и босътас.

А йозыд сёрнитёны, кёлдунъяс пё пурта мыр вомёныд быгыльтчёны да койнö пёрёны. А мёдарö кё быгыльтчан, бёр мортён лоан. Сёмын шедö кё ки улас кодлыкё сэж кості пуртыс, нэм помёдзыс сэсся омölльыдлы койнён омлявны.

Босътис зонмыд сатшкөм пурттö, а ачыс воськов мунны оз лысыт: пыр быттьö кодикё кыйёдö сїйös пүясыс сайсянъ.

Содтöг пасийöг: Ю.Г.Рочев гижё, мый коми фольклорын татшом ногён морт тшёкыдджыка бергöдчö ошкён да мёдарö: «Ошкад быдён вермас пёрны, непöштö тёдьись. Коло сёмын быгыльтчыны куимысь му вылö вольсалём ош ку вомён».

Вёрö вошöм

КОРКÖ гожём, турун пуктан кадö, шуас том зон тшакла ветлыны. Рытладорыс пё видз вывсяныс вёрас и вуджавла. А видзныс налён сиктсыс ылын волёма, дi вылын, да став ытшкысы-куртысь чукёрнас сэнi и олёмаоßь.

Вуджас зонмыд да пырас вёрас. Дыр-ö, регыд-ö мунас, коркё сэсся яла ягö воас да сэтчö и сувтас тшактö вотны. Тыртас сїйö дона гобнад наберушка-чумансö, петны нин кёсъяс, да туйыс оз сюр. Пасъяссö сылыс пүясыс чышкёма-нюлёма быттьö кодикё: абуоßь и абуоßь. Дай енэжыс коркё кад кымёртчылёма. Повзяс зонмыд парма шöрад вошöмсыыд, корсыны эсъё петан туйтö ыштылас, да некодарö сїдз оз и во. Пуксяс сїйö кузь пу улö да юрбитны мёдас. Сэсся чеччас да водзö мёдöдчас. Коркё сэсся, шудыд вылö, шор дорö петас, а сэсянъ и юдзыд нин абу ылын. Воськов бёрся воськов, и пыжыс тыдовтчас. Сёмын вörтi мунигас на кылас зонмыд, быттьö бёрсяныс сїйös кыйёдö кодкё, синнас сатшкысыбома да. Петас вотчысыыд вёрсыс, а мыйён пыж дорас воас, бергöдчылас нöшта на бёрвыв. Видзёдö — пу йывъястыс кодикё пармаас вуджортас, увъясыс сёмын трачкёны.

Нöшта ёна повзяс зонмыд, пыж дорад уськёдчас котёрён да дi вылад здукён и сынас. Сэтчö сёмын съёлёмис и бурмас.

Содтöг пасийöг: и роч, и коми фольклорын зэв тшёкыда паныдасылёны висътъяс, кёни вёрса гёгрöдлö-новлöдлö парматi вошöм мортöс.

Му ѡдзёс корсьём

САРЫЮДИНЫН коркё тайё волёма: овлёма сэнi бур да тёлкасяма вёralыссыд. А выныс волём — ошлон мында: некод на матигёёрссыс сїйös абу венлёма. Сёмын тай вот олёмис мортыдлон абу артмёма: гётырыс томён-кадён кувлёма, а писё ош косявлёма. Оштö сылыс кыйсысыыд эсъё и чергöдас, да зонтö ѡд тайён он нин ловзьёд.

Сэсся и ачыс вёralыссыд дутгас йоз водзас петавны: вёръястi лун-лун ветlö, ачыс мыйё ноксьё-олё. Гежёдика сёмын мыччысыллас — кыйдостö вузышты ли, сёяントор ньёбышты ли. Локтас сїдз отчыд да петас кильчö пос вылас каллянён тшынасыны.

Чукортасны сэтчö мужикуловыц, а вёралысыц налы и шоё: «Бörъясыц ёд талун мекöд сёрнитаныц. Огö нин сэсся бур ногён аддзысылой. Муна ме аски му ёдзöс корсысыны, да код тёдас на, кыдз-мый бергöдчас». А мый нö йözиды — кывлісны дай вуні, сомын аски асывнас нин тёдмаласны, мунома по и эм вёралысыц.

Куим вежон сэсся мортыц сыланяс эз кывсыыв ни эз петкöдчыв. А коймод вежоннас пармасыс ётпöлөснас петис да котörtic, кокыс муас оз инмав. Котörtic, да мый вынсыыс горзис: «Дорийй, омольяссыс дорийй». Бергöдчылас сэсся вёрланыыс, лёк горшён авостас да кыр йывсянныс юас и шыбитчас.

Код тёдас, мый морттö сюома, да йözид тай сёрнитöны, сюрома по, тыдалö, му ёдзöссыц, да ад гуранас пыран туйён сийё и вöлöма...

Нёль вок

ОВЛОМАОСЬ коркё Ылыц зылын гозъя. Оломаось-выломаось, нёль пиос быдтомаось-лелькуйтомуаось, да дыр-ö нö мортызды бирнитö: висьмасны айыс-мамыс да куласны. И кольёны пиян ётнаныс, ыджыдыслы дас квайт ар нин, а дзоляыслы сомын ёкмысöд во на.

Мича да югыд нöрыс йылö лэптылöма налён батьныс керкасö, сомын зэв гажтöм сёрнияс сийё места йывсыыс ветлісны: и морт шой нин по сэтыс сюрлöма, и ачыс по местаыс шуштöм.

Мёддочасны отчыц зонъясыц войколён чери кыйны. Вörзясны асьявлыс ю катчöс, а бёрсянныс сьöд рака шпоркнитас-лэбзяс.

Катасны зонъясыц, катасны да коркё кад и воасны. А ывлалыс жарысла онялö, енэжыс дон. Окота лоё челядьызды ыркыд ваас уялыштны, мудзнысö веськёдыштны.

Пырасны найё ваад, да ыджыц вокныс и шуё, тi по видзöдöй, а ме сунышта да пыж мёдарöдис бёр пета. Саялас зонмыц сьöд ва улас — и вошö. Сэсся вавыс пыж гёгöрыс гырд вирöсль лоё. Повзясны куим вокыс да ёдйö сынны мёдасны берегланыыс. А сэк кости видзчысътöг шлявмунас-зэрмас. Повзясны вокъясыц да зумыш козъяс улас тিрапомён ёкмыльтчасны. А на весьтö кравзигтры сьöд ракаыс бара на пуксяс.

Кузь лунтыр сэсся зэрыд кисьтас, сомын рытланыыс чиныштас-кобас. Іджыдджык вокыц ичтöясызды и шуас: «Ме вёрас песла пырала, а тi сэк кости танi овлöй». Шуас тадзи, да быттьё нылыштас сийёс сьöд вöрыс, сомын куим сывтыръя пу йывсяншондисö сайёдас сьöд ракаыдлон вуджöрыс.

Садымёдас пу улад куткыртчом зонкаястö ульёс да кёдзыц асылыс, а гёгöр ловъя лов абу. Часлы по, вокнимёс вёрас корсыны ветлам. Сидз сэсся и вöчасны: пырасны вöрад, а нитш вылас морт вир. Чатортласны юрнысö да садь быртöдзныс повзясны: вокнысö кодкё шöрипельö быттьё орёдёма да пожём йылас и ёшлöма.

Повзясны кык вок, бёро ни водзö мунны оз кужны, а орчча пу вывсянныс кыпöдчас сьöд ракаыц, бордъяснас шлоп-шлопкерас да кыдз тай челядь вылад усъкёдчас, тайкё синъяснысö оз перъяв. Сомын кытысъкё мыччыссяс мелi югöра шондi да сийё лёктö и повзьёдас.

Сёласны вокъясыц пыжад да кывтасны гортаныс. Чукортасны найё кёлуй-паськёмнысö да рёдвуж дораныс овны мунасны. А гажтöм керкаад сэсся некор некод абу нин и овмёдчылöма.

Cogtög пасийёг: татшöм сяма повзьёдлана висьтъясыс

паныдастьлёны став войтырыслён. Сьёд рака пыр вайё аскёдыс мыйкё мисьтёмтор, лёктөр, ыджыд шог, көть эськё ачыс тайё шогсö оз вöч, а сöмын петкодчылёр герояслы шог воём водзас.

Вёралысълён висът

ОЛЁМА вёралысъ висътавліс: суало по Сарьюодінын керка. Оти керка нин по став грэздсыс и кольёма.

Локтас отчыд кыйсысыыд Сарьюодінад рыхнас, лунтырнад дзикодз нин усурмёма-мудзома, да шуас сэтчö и узымёдчыны. Сёяспаныштас роксö-кёвдумсö да мудзом вывсыд öдйö и унмовсяс. Дыр-ö, регыд нистас-узяс, кылёт — керкаыд вёрзис да сынодас качёдчис, став тасьті-паныыс гиль-гольмунлі джоджас. Войбынад витысь на тадзи керкаыд қыпавлас, ёна на и кимёститчас омольыд. Бöтлыны, буракö, кыйсысытö кöсъяс, да астьядорыс тай сэсся ланьтас.

Мыйыс нин сöмын Сарьюодінад абу вöвлёма: и серам по сэні кывлёт, и каститчö по быдсямас. Каян вöлі тшактö вотны да эновтöм-пýрзьом шойна гу вылёт весъкалан. Матигёгорас шоныд, небыдик тёвру ворсöдчö, а гуяс весътас кын сьёлёмма вой тёв ветлöйрэз.

Чом

КЫВТÖНЫ отчыд вёралысъ гозъя Ылыдз ю кузя. Кёть и мотора пыжён, а сёрмисны, рöмдьыны нин куттис, век оз воны, турун пур сьёрсыныс кылдёны да. Ковмис гозъяыды вёр керкаö узымёдчыны. Ломтышлісны найё пачсö, сёйисны-юисны да узыны водісны, а гöтырыс и шуö: «Некодарё менам талун унмой оз лок, пыр быттьё сьёлёммой вой кöч моз мыйысъкó повзьома». «Эн сийös мёвпав,— шыасяс веросыс,— кыкнад öд гажаджык, нинём ог лоий». Сэсся коркё мудзыс венас, да и вугыртасны кыкнаныс.

Асывнас нин сöмын, чеччасны да, нывбабаыд висътасяс, куня по синмёс, да зэв мисьтём мортёс аддза. Ичётик и эм ачыс, а полан. Веросыс, вöлём, ичётик морттö жö вёталёма. Пукыштасны найё чомъяд, мёвпыштасны да и кывтасны водзё Ылыдз кузя гортланыс.

Свинеч корсъём

ЛОКТАСНЫ коркё Шантымё геологъяс, да аддзасны сэтысъ свинеч. Корасны найё артель да мёдасны свинечтö мусысы перийны, ставсö гёррасны-тутёдасны, тайкё му пыдёсöдзыс оз воны. Коркё сэсся видзёдёны — пöрысъ пöльё налань чотликтö, мый нö по ти вöчанынды-керанынды, вежа мусё по тай нö ловъявывыссыс розьёдланынды-вундаланынды. Нинём по тиян оз гынмы-артмы, нинёмыс по тадзнаттö оз сюр. Сераласны мужикъясыд пöльётö да оз сийös и кывзыны.

Но коляс кад, да быттьё имитас пöрысыдён кывыйыс, тусь ни пызыз оз чукты, нинёмыс Шантымсыд оз сюр, да сидз күшён и ковмас муннысыс. Этша свинечыс вöлёма.

Муннытö эськё мунасны, а ас бёрсяныс колясны вежа мұыдлы изъяс да турانъяс, синва да дой...

Содтөг пасйöг: тайё висьтыслён подулас — збыль вёвлёмтор. Кызьёд нэм заводитчомсянъыс нин Шантым-Прилукысь корсысыомаось мупытшса озырунъяс. 1915 воын Ылызд ю пёлён ветлодлёмма-туясъома Н.И.Эрраси, сэсся комынёд воясö нин сэтчö ветлёммай и мукёд геологъяс, но ыджыд озырун тайё мусыс некодлы абу мыччома.

УНЬЯ ЙЫЛЫН

ПЕТАС öти пукалыс дзескыдінъыс, да ыстасны сiйös овнысö Унья йылö. Овмёдчас сiйö ю дорас ичотик керкаö да ниномысъ оз шогсы, пемыдын чеччö да пемыдын водö — пыр мыйкö уджалёноксъё. Шуас öтчыд мужичойыд вёрö тшак видлiгмоз кайлыны. Водза-водз чеччас, локтас вёррад да вотчыны мёдас. Ветлас сiйö мыйкö дыра вörттiыд да коркö кад и казялас, абу сiдз быттьö мыйкö, оз быттьö mestаяссö тöд. Гёгёрвоас сэсся вотчысыыд вошёмтö, öтилаö уськёдчылас, мёдлаö шыбитчылас, сiдз луныс и кольё. Рытъя рöмыднас нин петас сiйö Из мыльк дорö да аддзас сэтыс мортлы пырмён кост. Пырас пытшас вотчысыыд, а сэнi — ...ыджыд горт сулалö, а гортъяс еджыд дёраö тубыртöм морт. Кувмёныс мужичойыд повзяс да чепöсъяс-котörtас мыйвынсыс бöр.

Сайкалас коркö сэсся, да туй вылын нин сулалö, а кыдз-мый сэтчö волёма, и ачыс оз тöд.

Содтөг пасйöг: Унья ю пёлён татшöм пещераыд вель уна. Татчöс олысъяс важысянъ нин тöдёны найöс. Печора йывса пещераяс казтылö и Э.К.Гофман, кодi 1947—1950 воясö волiс Войыв Урал вылö.



Олег ЧУПРОВ


Оні миян олёмным
Некытчо оз шогмы,
Со и юрё волёны
Важся гырысь могъяс.

Пырліс Русъён шёрёдзыс
Орда чукёр, эргиг,
Но ми венім вөрөгөс
Куликово эрдын.

Казътыла Бородино,
Волга бердын тышсө,
Вölі съёкыд ёна, но
Петкодліс враг мышсө.

Кыптім, ёнмим нэмъяс чож
Тышъасын да уджён,
Талун выль сикас со тёжд,
Но и сийос вуджам.

Тода: ловнас эз на усь,
Мёдас ассыыс бертны,
Важсянь донъялёны Русь
Вермёмъясыс серти.



Эсько вомавны кё... матере!—
Коді велёднысö лют,
Да Печора вывті катерён,
Эз мед некод сүод-кут.

Да Замежноеёдз волыны,
Сэні личодыштны лов,
Кёні тёдса ань по олё на,
Да мед верёсыс оз пов.

Шойтны лысва вывті, сёрнитчам,
Аньсо дыр ог манит ме,

Сöмын югыд праздник Троица
Вöлт сёриианым мед.

Нöшта висьтала, ас кежын кö,
Кор-мый бöвлé, ставыс бур...
Талун — кёнья тэ, Замежное,
Ылын тэсянь Петербург.

* * *

Шог кö нюкыртас, шуа, эн лöвт,
Чужан муланыд веськёд туй визь,
Воча öвтыштас небыдик тёв,
Кыздыяс югыдöс, быттьёкö сись.

Кыпид ягъяссö вежас вёр дi,
Кыскö асланыыс эновтöм сикт...
Джуджыд пожёмъяс, мусаяс, тi
Сылём бердынöс дзик!

* * *

Дзоридзалис сэк акация,
Öшины сайын тувсов мич...
Сыктывкар. Реанимация.
И ме пасьтöм куйла — сидз.

Гач ни дöрöm, ас палатаын,
Сэтшöм, кыдзи чужтис мам.
Гöгöр лым еджыд халатаяс,
А ме шуны позьтöм рам.

Быттьё пемыд пытшкöвойи ме,
Некор татшöмыс оз вун,
Дойыс пурис менö кöин моз:
Мöдар югыдас вай мун!

Онö мездöй, врачаяс, тi менö,
Ог нин некор татысь пет,
Но сэк кылис гёлöс Тиминлён:
Эн усь ловнад, вок-поэт.

Эн на тэрмась мöдар югыдас...
Ачым кватитчи да — збыль,
Абу кокни тан и мукöдлы,
Сувт! И олём воссяс выль.

Тадзи, куйлïгмоз, и öзий нин:
Тырмас няргынысö, шань!
Буретш сэки пырис ньёжийоник
Дженыдик халата ань.

Лöссыд кокъяс, гёгрöс чужёма,
Тайкö мичлуннас оз ёр,
Сöмын яндзимла и кужи ме —
Тупки киён öтитор.

Аттьё, ёртъясöй, мый ловзи ме,
Аттьё, акань-съёлёмшöр!

Пемыд водзас ёнтай повзылі,
А со тілань косі бёр.

Разалісны сім съёд кырнышъяс,
Бара вина лои сой,
Водз на меным, ёртъяс, пырнысö,
Кён оз помасълы съёдвой.

Эновті реанимация,
Енмой, татчо бёр эн вай!..
Дзоридзалис сэк акация,
Сыктывкарё воис май.

Вуджёдіс В.Тимин.

Дона лыддысысь!

Эн вунёд гижсыны «Войвыв кодзув» вылад волён мёд джын кежлёт.

Гижсян доныс — 33 шайт.

Редакцияса бухгалтериянын позъё гијсъыны 6 шайт 30 урысь.

Дженьыдик висътъяс

Анькытш

Мыйён бара глянитчо гожомыс? Шондыйс доналёма, быттьё пывсян горийсь ёвтö жарён, а сякнитас шоныд зэр, вирдовтас-косыштас гым-чард, сыркмунлö сёйлём, и паркий ма дукён.

Сиктын чёв-лöнь, сёмын ётка почъяс си ни садь роялёны шондi сайёдын да посни челядь буситёны-гёнятёны чильган — ас ыдҗданыс көрт кытш. Тыр-бур сяма войтыр скöнъ мырсыёны туруна удж вылын, дасытёны тёв кежлö кöрым. Та пораё юр яндзим бовъявны сиктын. Водз асыв, лысва устьгöдз на, лэчча ю дорö вуграсыны, ном вердны. Кокъяс асыныс нүöдёны тёдса лыа бёж вылö. Позьё пестыны бипур да ылавны думъясён.

...Ак, кутшом чёссыда очсавсё асылын! Некод оз тэрмёд, оз ков дувгыны-мунны школаö. Нора бакёстасны балаяс: бе-е, эн по вунöд моздорад турунтор вайыштны...

— Дыш лельёö! Пет нин, трасича, каникулсö прёзвевайтан,— уличсянь горёдас Рустик, воча вок, калькос вома тажёдчан ёрт. Веськыда ёшинь пыр брунь чеччишта ывла вылас. Юр весьтын дзирадлö гожся шондi, небыдик тёвру мелiа малалö балябёжнымöс. Рустик вок, катыдпомса нырщик, важён нин чукортёма аскодясö. Ставён кёмтög, трусиk да майка кежкыс — лöсъёдчёмны звиркнитны-котёртны анькытш му вылö.

Помтём-дортём нюжёдчёмны паспом муюс. Долыда гыалёны, сёвмёны веж быдгасьяс: сю, зёр да, дерт, юмов анькытш. Грек вылö, муюс гёгёр кытшлалö Осип Анэй, ёсь синма пёрысь старука. Оз и лэччыв вёв вылысь. Лун и вой рёйтö, дözьоритö колхозса овмёссö да пыр грёзитö: «Ок, кутала да вужйён нетшлала мужичой дёбраныдтö...»

Лунтыр уялам анькытш му вылын, рушку дундигтöдз чёсмасям юмов вотёсён. Сёмын сэк, кор гадъяс моз польд часны майкаяс, гусьоникён петам эрд вылö. Быдён ошийсё: менам по медся чёссыд да пётёса анькытш. Сералигтыр лютки-летки рёдтам-ризьялам Яран-вис дорö купайтчыны. Паськыд, гыч чериа Дин-тысянь визувтö посни ю. Танi, ичёт куръяясын, гажаа коллялам челядь личёбана кодь муса гожёмсö. Меддзоля войтыр лягушаяс моз броткёны, лыпшитчёны лапкоръяс пёвстын, ляпкыдiнын. Кодкё сюся кыйёдö тэрыб вёрбаса ёссясöс. Кодкё зiля ёктö-чукортö ракпань. Ю шёринас чёжпиян моз уялёны ныв-зонъяс, прамёя варччёны, ордайсёёны ас костi. Ас вёчём вышка вывсянь горзигтыр сунгысёёны увлань юрён гудыртчом ваас: «Кодi полö, гажтёма олö!» Неуна кывтчос, Иван Микёл тас дорын, купайтчёны ыдҗыд арлыда зонъяс. Танi вавыс чим сёд. Некытчо матё он сибав. Завидь босьтö миянёс, кор ыдҗыд вокъяс повтöг дзумгысёёны меддужуджыдiнас. Бёрыннас найё вашкодчёны, мый ю пыдёсас, гуранын, олö нитшсялём сир-пöль, быттьё пекыль куйлö, вугралö...

Сэсся, кор дзикöдз турдасны ки-кокъяс, лёзёдасны паръяс, тিralомён ोдва кавшасям берег вылö да пласыт уськодчам пось лыа вылö. Гожся шондi, меддона ёрт, сотё мышку, баниёдö

вильшшпэзъястö. Здук мысти йёйтальсь чанъяс моз бара чеччалам Яран-вискö. Чукйён тыр челядьлён шудыс!

...Лöсталö, югъялö ва веркöсис. Енэжис сээз, кымёр тор абу. Буретш куртан кад. Локтö пажын кад. Колö кайны бёр гортö, нуръясышты да ветлыны ягдорса видз вылö, вöröшитны чöскыд дука веж турун.

...Уна-унатор вежсис сэксянь. Паспом полесö шöри вундöс ота, шыльыд машина туй. Вылö лэптöма лыя насыпсö, мед нин тыдалötöдчö му вылас. Пырзис, ёгсялïс челядь ворсанин — посни ю, Яранвис, прамö куръяяс вывтö мунö тийис да. Онï, тöв и гожём, почъяс гирсийдлöны-ветлöны автобусон центрö, шöринö, ныла-пиян дорö да туйсö кузяла горёдёны важ сыланкывъяссö.

Арпи

Пызаныс чегö, сы мында ваялёма сёян-юансö. Шöрас тшапа вожасьёма самёвар; нургö, майбыр.

— Убытка абу... Мед ветлас инö, олыштас дай мусмас,— Максим пöль гораа ырснитис пöсч чай, збодера öвтыштис плеш вывсыыс нылёмсö. Зыр кодь паськыд тошкыс öшалö гёгйöдзыс.

«Квайтöд стёкан нин вачкис горъя»,— ас костас арталис Митрей внукуыс, дзуг юрсиа, дзоля тушаа зонка.

— Кызд нö пондас овны-велöдчынысö,— оръясян гёлёсон лимзö-бörдö муса мамыс. Сола синваыс сïдз и тёпалö блюдъяс.— Чус öд недöкунъ кодь, секатö пиö...

— Ланьт, мися, лöвтöмнад он отсав. Öнтöнов рöдын некод ляб съёлёма эз вöвлы... Некутшом пальш абу,— крап шуис Максим пöль да друг тшёкмунис, чайыс вальк киссис тош вылас.

Митрей пыльснитис да звирк петис пызан сайсыыс...

Помассис дженыыд кока гожём. Бöрынгтичис шуда челядь руа кад. Быть ковмис пинжакасыны да шлапкыны ылi сиктö, велöдчыны интернатын олёмён. Былькъя синма, налим кодь рам, ичöтик Митрей пыр яндысис ёртъяс водзын чужёмсянъ лоём мыкталёмыс. Кывтöм пемёс моз чöв олiс, пыр мыйкö мёмъялïс...

Вочасон медся кажитчис сылы манакавны, йöзсыыс öтдортчыны. Дзоң вежон велöдчöм мысти школяръяс пузутасны, гузьётасны ай-мам дорö, ылöдз налён лавгöмыс кылö. Кольчас Митрей наысы, любö: позьё пöтмён лайкыд нитш вылын ки ни кок куйлыны. Син вештытöг дзоргыны сöstöм енэжö. Либö мыр моз сувтны, вом калькöдёмён видзöдны мича серпасъяс вылö...

Прамö син водзын вежласьё муса вör-валён чужёмыс: коръя пүяс зiля вöччöны, румянитчöны. Быттöö öтвылыс сёрнитчöмны ставсö шемёсмёдны да шензьöдны!

Ыджыд чиган котыр моз локтö ар. Мича гарусной чышъяйон павкнитас, шöвк сора платтьё бёжнас шевкнитас. Дерт, чиган моз вермас пöрийдны, кедзовтны, либö, мёдарö, леститчас, бурмёдас съёлём медбörъя шань да яръюгыд лунтъясон...

Оз на öтмоза рöмасыны невеста-пүяс: зарни кышёда дзирадлö кыдз, чим гöрд платтьёä красуйтчö пельсис, бипур моз ыпъялö-ыръялö статя пипу... Бусыд кымёръяс сайсыс мыччысылас шондi, югзьёдас енма-му костсö. Пыкас сэк лов, шымыртас съёлём вöвлытöм мичлуннас!

Бöрдмён жаль, мый регыдён пракмунас тайё син ёран мичыс... Арся поводдяыс кык бана шаньга кодь: сэн жö шондiа, гажа, сэн

жё буситö, читö зэр. Кысько, виччысътöг, варыш моз уськодчас бушков, кутас яравны, шлачёдны... Помтöг буалö, скöралö, быттьö гольикён жуг-жагсö чышкалö, кыптö-лэбзьöдö. Лысом пёткаяс моз суалёны, сырмёны пасьтöм пус, кушмём чальясён нора зёльёдчоны...

Помтöг шензьö ичöтик Митрей, дугдывтöг больгö, варовитö пускёд, ас кодь ёртъяскöд. Пыр мыйко юалö, ачыс жё и вочавидзö. Былькъя синмаыд быдторсö казялö, гуся шыяссö пель сайö сюркнялö да Максим пöльлыс кыв-вöрдöмсö казтылö: «Лыдтöм озыруныс миян вöр-ваын, пиö-арпиö, сюс зверь-пёткаыс рöдмö, ветлö-лэбалö, тыр-бур чериыс тювкъялö-уялö, чöссыд тшакыс-вотöсис тырмымён и... Ставсö бурпöt вердас, пасьтöдас Ен-батиушкоыс»...

Юргö, паськалö парма гор. Радлö Митрей, лыбö нимкодъла, бордсялö. Тöдса туйыс лючки вайбöдö сийос гортас, муса мамыс да Максим пöльыс дорö.

Ягов-ты

Уна-ö колö дзоля мортлы. Дзескыд вильшишпозлы ай-мам сойборд улын. Кыскö сёшайтöс ёртасыны муса вöр-вакöд: лунтыр котравны паськыд му вывшт либö ур моз кавшасыны мича льём пу вылö да пöttöдз чöсмасыны юмов вотöсён. Он куж и висьтавны, мыйта колö лышкыд сьёлёма посни войтырлы!

Отчыд, гожём шёрын, кык янсавлытöм друг — Чиган Коль да Осип — чожа, повтöг мёдёдчисны ылι Ягов-ты дорö вутрасыны.

— Энлы, крукыштам пара ёкыш,— ышмёдö ёртсö сьёдöб чужёма Чиган Коль.— Тöдан, быттьö порсъяс ваас пеклясъёны...

Ягов-ты, Енлон ёрёмин. Тувсовъя вежа вавыс шоча пыравлö татчö. Шуштöм öтка мортлы, нора дзуртöны сьёд пакулаа висьлöс кыдзязыс. Гортын, пач выв олыс, люзь тошкада Тудри дед быдёнлы майдö-висьталö, кыдзи коркö, арся пемыд рытö, муртса абу згинитöма Ягов-тыас. Келас тас вывшт ты шöрёдзыс, пондас кыйны, лэптыны гымгасö... Друг, нем виччысътöг, вавыс пузяс, нырё павкнитас пеж дукён, ботьмöм пу колода улыс вирдовтас-петас нильыд кузь ки да кыдз тай кватитас дедёс тошкёдис... Зверь моз лёк нога горёдас сэк коньёр чери кыйыс да мый вынсыс нетшыштчас... Оз и казяв, кыдзи мёдлапёлас воас...

Кöджса олёма йöз сидз чайтöны, мый сэксянь пö и омёльтчис Тудри дед: тошкыс кизьёрмис, сям-вежёрыс торксис и. Сэксянь некод ээ лысът кыйсыны Ягов-ты вылын: чериыс пöдёма пö, сыв ни слаш абу...

— Зэв тай полам,— шалсий водзын Чиган Коль да сёмын шпыннялö. Бörсяыс мүёд кыссыö кык сыв кузьта вутыр шатин. Дорся гыпкö-мунö Осип, кыз ныр-вома, ар сизима зонка. Сийö чёв олö, мыйко пыр мурчкö-нямлялö вомас.

Ота мир туйыс, некытчö тай он вош. Шуйгаладор, гажаа югъялö Ву ю, вескыд кивыв другъяскöд тшётиш кыпьыда восьлалёны стöлб-падёсъяс, найö йитчомаёс зэлэйд сутугаён. Отка лэбач жбыркнитас туй вомён. Юр вескын гёгралö сьёд кырныш, кравзö, кыйёдö кодёскö.

— Шойччам, зонмö,— верстбö моз гораа крапкис-шуис Чиган Коль да сувтовкерис. Кыв шутöг шняпкысис туй вылас Осип, пöссыс шорён киссыö доналöм чужёмсыс. Конкё улын кылö, кыдзи

дзольгё-визувтö Оша-ёль, ас думсыыс зіля писькодчö юлань. Чиган Коль пелька гаровтіс сюмёдысь чиблъёг, курыштіс ий кодь кöдзыд васö, нюлыштіс азыма да тшотш юктöдіс ёртсö. Тыдалан выйын лои Ягов-ты. Воча тёвру вайётіс пöдан нюор дук. Ёртъяс чошодісны пельяс, ланьтісны. Вочасон кымёртгчис, кутіс буситны помтöм зэр.

Друг мыйкö трачнитіс водзын. Ловзис, тармуні сук бадь. Сэтысъ мыччысис гёна юр, лаптъя пельсис чурвидзёны ётарё-мёдарö. Измисны ёртъяс, йирмög босытіс. Сэсся чепöсийисны да кызд тай пызыыштісны тшын ни бус... Кёмтöг, кёлүйтöг, öдва ловъя гортаныс воисны...

— Пöделом тіянлы, зырым бедъяслы: бадъсыыс, тöданныыд-ö, ружтігтыр петöма Паком дядь, крукыль ныра, сиктса тешитчысъ. Лов съомдитöдз по гулькийис-сераліс: мый сэні кысмасьёны да шöйтöны...

Musa шонъянöй мамёлы сиа...

Юсь-дзодзёгъяс

«Менам вöлі муса зон да, вошиш сїё война вылö».

— Лико баб, дзодзёгъяс воисны! — посводзсянь, мый вынсыыс гародіс ичöтик Сандыр, кудраш юра сусед пи. Да быттьё абу и вöвлöма, сёмын няра ойостіс, крапмуні öдзосыс.

— Спаси Господь, — гурыйис-ләччис шоныд паччёр вылысъ Гаврей Ликей. Кытысъ и выныс — тöвбыд висьöдчис-а. Тэрыба чыштъянасис, кёлöшасис да дзурк-петіс улича вылö.

— Ок,blaslö Кристос! — син водзас пемдіс, сэтшом ярскöба дзирдовтіс тувсовъя шондýыс. Муса Ыб, чужан сикт, важ моз сулалö шылъыд мыльк вылын. Джуджыд кыр горувті пыр на визувтö лöз шöвк лента кодь мича Ву ю. Оні садьмёма, гызьёма, лючки оидöдöма ластаяссö да улысса видзяяссö. «Сё медъякö, уна турун лоö бур войтырлы».

— Паськöд синтö! Юр вылад да! — баблы пеляс бара гародіс быдлаö удитысъ Сандыр да кыккокийыв скоч котörtіс водзö юксыны шуднас.

— Со тай, муса юсь-дзодзёгъяссо... — Лико баб дороньтчис пывсян пельёслань. Юр весътас, лöзъюгыд енэжын, тэрмасытöг шлыгисны-ләбисны дзири еджыд ләбачъяс. Шöвка сюрёсөн нюжöдчомаёсъ, быттьё парад вылын. Зэв и кылö налён клювзом шыыс.

— Локтö жё, локтö, рöдителъяс, ыджыд чоя-вока... Локтö, пыравлö ас гортö, видлö пүйм-пöжалёмсö.

Сылёмсыыс астья лысва моз петіс-югъёвтіс синваыс чукырёсъ чужём вылас. Вомгорулас, нюркйöдлёмөн лыддьёдлö Лико баб:

— Ойя да ойя... Окаяннöй олём олому да, быд лунъя ноксö тöдлöма, съёлём вез ортöдз уджалёма... Кытчö пышшёмаёсъ гажа вой-луныс. Эгö удитö пöttöдз гуляйтны да мусукасыны. Сёмын воис кад монь туй вылö лöсъёдчыны, — босытісны Ондрей-батюшкоös лютöй война вылö. Ковмис нэм кежлö прошшайтчыны да кольны дöвабон... Да, медбур уджач войтырыс юр-лов нуисны ылi земляö, йöз му-ваö да немтуйö вошишны... Арся зэр

мында, курыд синваён кötöдöма став Земля-матисö, Коми мусö...

Нора лыдьёллö пöрысь Лико баб, бадь моз нюкыртчöма. Сылы каститчö: муса Ондрейлён, дона рöдвуужлён сöстöм ортъясыс лэбач бордъяс вылын гуся локтöны чужан му вылö, медым видзöдлыны öнäя олёмсö, шогны-радлыны.

Лöня матыстчис падмöм баб дïнö Сывистун Öльöш, гöрд чужёма, айыс Сандырлён. Видзысъёмён, быттьё кагаёс, лэпти-кыпöдис Лико бабös да пыртис керкаё, шоныд паччёр вылö. Отнас пускис сэк Сывистун Öльöш Ен ув пельёсö; ыджыд пызан сайё,— пуём-пöжалöмсö видлыны, дона «гöстьяссö» курыд винаён кодравны.

Керка, кёні ме быдми...

Ойбыртö пöрысь керка-карта. Сюся кывзö пытшкёсса олём шыяссö, кöть эсъё ставсö тöдö водзö вылö. Муртса югöргчас асъя кыя, садьмас-ышловзяс ыджыд мам. Сё бласлö кристосён лэччас шоныд паччёр вылысь, жальпырысь чукёстас моньсö. Кузя бакёстас мös — вердысъ-юкталысь. Пöдёнчайын тэрыба котртас том нывбаба карта вылö. Здук мысти ловзö ыджыд пач: кельыдлöз тшын пуркйö-кайö вылö, енэжö, майбыр, мудэтöг пуё, пöжалё, жаритö-паритö, лун-вой шонтö, чöсмёдö да вынсъёдö став ловъя ловсö. ыджыд мам чöвтö пернапас, юрбитö, видзаасьё гöбöч айкакöд. Од сийё, лов видзысь, кранитö став овмёссо лёк синмысь. «Ойя да ойя, да мед эсъё век вöлі нöк да вый гырничясын, свежой да сола чери латкаясын, чöссыд сур да сюкёс...»

Тöвъян да гожъян жыръяс кындзи эм кум: неыджыд, вевта, овтöм жыр. Мыйыс сöмын абу тан! Лабич вылын куйлёны пызь кудъяс. ыджыд пу гыр вугралö черань везийён тырём пельёсын. Мичаа серöдöм туисъясын олоны: сов, коскус, кос тшак. Дзоля öшинча дорын суалö дзузган лампа. Сюмёд табъяс, сёйысь вöчöм изъяс чери кыян кöлүй сорён куйлёны чуманын. Стенмас öшалёны тусь вотан пестерьяс, вöралан лаз, кучика тасмаяс, бакилö — кыйсян кöмкот. Сэні жö бовкьё мича малича — яранъяслён коркёя козьналöм шоныд пась. Пу тув вылö öшлöма сийёс-завöд. Кум иирк вылын, косынн, рама виччысъёны ас пöра ёсь пиня курантъяс, лэчыд дора коса-горбушаяс, крука ныра чарлаяс. Уджач кияс шыльёдöмäось налысь пу нудъяссö,— сïдз и лöсталёны видзму уджалан кöлүйяс. Йыла, тшап азълас — чери кыбан, потласьём мös жыннян чöв олоны крукыль чапакикöд дорся. Стен дорын шойччöны күён кышöм лызъяс. Лямпа да койбедь — бур вöралысълён содтöд ки-кок. Медся ота сарайын. Сэтшöм ота, пасъыд, мый вölys вермас лючки бергöдчыны турун доддьён. Гожёмын тані оз бырлы гаж, посни войтырлён чилзöмыс. Ворсöны, качайтчöны качайён садь воштыгöдз!

Сарай пельёсын баюн суалö кыан стан, медколанатор, лым кодь еджыд дöраён мичмёдö, пасьтöдö. Стен кузя нюждöчома корадöд, норт, кыйсысылён медбур ёрт. Быд кöлүйлы Енлён индöма ас места, ин.

...Тшап, збодер пу чибё, керка вевтвывса нырщик, гажаа синмасьё югыд шондыскöд, быттьё кöсий пасъкöдны вевт-бордъяссö, кыпöдчыны муса Коми му весьтö.

Скраба

Скраба — нэмөвöйя вöралан угодьё. Верст кызь вит кымын колö шлапиктыны Кöджсянь, Ву юывса сиктсянь, кыйсян керкаöдз, кодös Енлён шüома сувтöдны вöр шöрö, Ой-вож ю горö. Лунывсиянь татчö зïля письköдчö Скраба ёль. Местайон дзи-кöдз вошлас му пытшас, местайон мыччысяс да тэрыба котёртö ыджыг вок Ой-вож горö, медым пыр кежлö öтлаасьны сыкög. Буретш тайö ичöt юыс и сетöма нимсö кыйсян угодьёыслы.

Лыдтöм-тшöttöм гора ёльяс, посни юяс, кызд бур рöдвуж крепыда йитчомаöсь ёрта-ёртныскöд, помтöг майдöны ас майдкыв бур важ олüm йылысь. Озыр вöр-ваыс: ставсö пöttöдз вердас-ютас, сетас юр сюянин.

Сардырся кадö коми войтырлён прöмысыс вöлi прамой нажёткаён. Семен лун восьтылiс вöр-вао туй. Зарни арын, шабди идралöм бöрын, верстöй йöз мöдöдчылiсны прöмышляйтны.

Кöджаçаслон гортса туй помассьё Паспом грезд помын, крест дорын. Важён сэнi, мича коз пу улын сулавлöма ыджыд пу крест. Пöрысь и том коромаöсь Енлысь бур прöмыс, кокни туй да дzonьвидзайон бöр воны гортö. Крест вылас öшлöмаöсь гортса гöснечьяс: мича серöдöм ки чышкöд, быдсяма рöма лента, дöра тор... Он тöд, кызд примитас батюшко вöр-ваыс; тырён либö кушöн лэдзас бöр... Помассьё гортса шылыд туй — тасянь заводитчö Пиньём туй.

Ылын, роч мүйин, визувтö Пинега ю, бура ыджыдджык Ой-вожысь. Роч юлысь и босьтöма нимсö тайö туйыс. Тöв и гожём мырсылöмаöсь танi вашкасаяс, письköдöмаöсь ордым. Быд во, тöв шöр тöлын, татi ветlöмаöсь роч купечьяс: татчöс ярманга вылö вайлывлöмаöсь быдсяматорсö: кутшöмсюрö колана кöлуй, сакарсов, тшай, карса мича паськом, гудökъяс да уна мукöдторсö. Мудзöм, дöнзöм купечьясöс шойчöдасны, бурпöт вердасны-ютасны кушникъяс — нарошно сы вылö пуктöм крестьянинъяс. Кежавлöмаöсь татчö и пышийм йöз — шербöр повзьöдöмаöсь бур войтырсö. Мыйсö сöмын эз аддзыв Пиньём туй аслас нэмён, уна гаж да шог дзебис утлайнъясас.

Бласлö кристосён разöдчасны вöралысьяс вöр пытшкö. Быдöнлён аслас угодьё, вöр керка, пас. ыджыд ота вöр-ваыс, он тай потш — гöгийд чуктас. Сы понда и лöсöдöма быд рöд-котырлы аслас пас, мед видзас-дöзьöритас вöралысьлыс эмбурсö лёк мортясь.

Пемыц, гажтöм сьöрт кузя, сибыд нюръяс да нитшка яг вывтi чуклясьё-мунö вöралысьлон чöс туйыс. Тöдтöм морт танi здук мысти вошас. Оз быдлайын и тöдчы туй виззыс. Сöмын пүяс вылын лöсасъяс серти верман петны бур туй вылö.

Сап пемыцвойын кыссасны-воасны кыйсысьяс вöр керкäö. Сöмын тшук вермасны курыштны кöдзыд шыдöс, сëсся ловныссö вежöм бöрын кутасны бура пестысыны-пусыны. Вежон чöж сëсся копрасьёны-сиасьёны лэчьяс, лöсöдöны лэчанинъяс, жбыр лэбзöй том йöй сьöла котыр, быттьё пушкаыс лыйö, крап кыпöдчö сьöд дозмöр. «Лэчыс ачыс ляяс», — пыр вöлi шуöны пöрысь вöралысьяс. Сëсся вежон чöж виддалöны, кыйёны лэчьяссö. Но оз ков по горшасыны, колö и рöд вылö колыштны, шойчöдыштны вöр-васö. Сëки жö воё урасьём кад. Öткымынъя войтыр кайлöмайас бöрё-водзö ылi ёльясö чери кыйны.

«Лёссың да кыпыйд съёлёмлы! Вöччöмаоьс-баситчöмаоьс пус, быд сикас рёма коръясён вольсаломаоьс небыдик нитшсö, быттьö ас кыём дöра. Петас шондi, ломзьёдас пачсо,— ыпнитас биён кызд рас. Вир войтъяс моз киссёйны-гылалöйн му вылö пипу коръяс. Кокниа лолавсöй состом сынöднас».

Со татшом мөвпъясон он и казяв, кутшом сьокыд да помтём туйыс, кыдзи бёрлань кыскö мыш сайын ёшалыс ноп, кыдзи си моз вундö сыйлïтö пищаль тасмыс. Водзын лутшкö-мунö пörьесай. Кылö Ой-вожлон быйзгöм шыыс — регыд кыдз раскыс петкöдчас Скраба керка.

□ □ □

«Шонлібан»

«Шонді-шонді-шондібаной»
Абу тэнад пом ни дор.
Воас рыт да гажсö панö
Гудёкыслён мыла гор.

«Шонді-шонді-шондібансö»
Сылö, йöктö Коми му.
Томöс, порысьбöс оз янсöд
Гажсö кылан бia ру.

«Шонді-шонді-шондібаныс»
Мед на юргас уна нэм.
Кыпыйд сэні, долыд тані,
Татшом сыланкыв кор эм

«Шонді-шонді-шондібаной»,
Чуксав-чуксав, кытшо кор
Воас рыт да гажсо паной,
Тэ да гудокыслён гор.

Юғыд кодзулыс зэв уна.
Корся ассыым,— вошті ун.
Гашкё, вöйтчис гожся лунас?
Эз-ö Эжва юас сун?

Гашкó, енэжас на сийö:
Шуда дзирдъяс ёктö сэн...
Медым ыпнитлыны биён,
Медым петкёдчывны мен...

□ □ □

И.А.КОЮШЕВ

Войналён гугыс дзебасын на

Армияö ме весъкалі 1939 воын. Муртса тыри 18 арёс, удиті помавны видз-му овмёс техникум Уллянаын. И сэки петіс СССР-са Верховной Сöвет Президиумлон Указ, код серти пондісны босытны шёр образованиеа зонъясоc армияö 18 арёсөн, а мукёдсö босытлісны 19 арёссянь. Татшом ногён, кыдзкё виччысътöг, ме весъкалі армияö.

Артмис сідз, мый ми колим эшелонсыыс да весъкалім Уфаö артиллерийской полкö. Миян шуд вылö, тыдалö. Нуисны машинаясон Визинсянь сёрён арнас Мурашö — юяс сэк вёліны ии улын нин, туй кынмышталома жö.

Мунім, дерт, восьса кузова машинаясон. Быд машина кузово пуксьёдісны морт кызь витён. И миян машинаным туй вылас жугалі, мукёдсыыс ми колим. Сулалім сутки джын кымын. Воим Мурашö, а эшелоныд мунома нин. Миянёс сэсся торйён мёдёдісны пассажирской вагонын, эз кукаңясоc новланын, кутшомъясын вёдитлісны сэк ставсö армияад. Воим Уфаö. А ми öд, колим мукёдсыыс да, некутшом бумагатомёс. Видзисны Уфаын вокзалас час кымын. Юасисны, уна-ö грамотаным. А ми ставным шёр образованиеаöс! Абу откодь арлыдаös сёмын. Ме чужлі 1921 воö, а вёліны и 1918, 1915 воясö чужломъяс, кодъясоc водзджыксö абу нуломайс армияö бронь вёсна. И миянёс ставнымёс босытісны артилеристъяслён полкёвой школаö. Велёдчим школаас вель дыр — 1940 вося августöдз.

Öти полкö сымда младшой командирыс эз ков, и миянёс разойдісны. Ме весъкалі Кировской областя Слободской карö. Некымынён весъкалім сэтчö, дасён кымын. Сэні котыртісны выль, корпусной артиллерийской полк. Сетісны 122 мм калибра, квайт метр кузыта ствола пушкаяс. Зэв вынаёс. Лайёны кызь километр сайдз. Сэн ми формируйтчим. Вайисны содтöд салдатъясоc, и ставныс, ме моз жö, 1921 воö чужомъяс.

1941 вося апрельын миянёс сөйтісны эшелонö, нүёны кытчö, а кытчö — оз висътавны. Москваö эз сувтöдлыны, сійёс бокиті кытшовтім. И воим Украинаса Белая Церковь карö, неылын Киевсиянь. Овмёдчим вёвлём пехотной училищелён казармаясö. И вот июнь дас сизимöд лунö воис приказ — сөйтчыны эшелонö, мед мунны пушкаяссысь лайсян политон вылö. Белая Церковь кар гёгорас артиллериалы некён вёлі лайсынысö.



Сержант И.Коюшев. 1940 во.

Висъталісны, мый воома приказ: ставыслы сетны медальонъяс. Мый сій ё сэтшомыс? Тупкыса дзоляник гильза пытшкө гижома тэнсыңд ов, ним, вич, адрес. И сійос коло новлыны съорсыңд, гач ичотик зептын, часі моз. Ми гёгёрвоим, мый татшомторсыңд ётө порок көрөн. Таодз ёд ми аддзылім нин, мый быд лун мунісны рыхтывывлань военной эшелонъяс. Конкө май төлөсь заводитчомсянь нин. Вот и миян кад воис.

Мунім надзёникён. Платформаяс вылo сөйтöма пушкаяс, С-60 тракторъяс, кодъясон кыскалісны пушкаяссö. Лун-мёд нуисны. Асьным ми кукаң новлан вагонъясын мунім, а пушкаяс — платформаяс вылын, на дорын вежласъёмён сулалісны часöвойяс. Оти асылo садьмим, видзёдам да, көрт туйвывса уджалысьяс ставныс котралоны противогазаёс. Кутшомкө велёдчом мунё али мый? А сэсся локтіс полкса командир да юортіс, мый пансъёма война... Тайё июнь 22 лунся асылo и лои. А ми эшелонынёсь на. Неуна нöшта нуыштісны, и приказ — ректысыны. Миян борся мёд эшелон локтіс, сійос немечьяс бомбитёмаёс нин. Миян полкным бомбитом улас эз веськав.

Ректысим. Мыйкө мында снаряд волi съорсы. Бöрас ми тёдмалім, мый веськалім Львов карсянь неуна лунвывлань. И сій луннас немечьяс сэті абу зырёдёмаёс. Но рытнас шыбитісны миян мышкө десант. И вот война пансян лун помланысы, июнь 22 лунся рытö, ми пырим медводдза косьё — десанткөд. Удайтчис бирёдны десантсо, некымын немеч весиг пленё веськалі. Татшом ногён, ми заводітім воюитны дзик первой лунсяныс. Автоматъяс миян, дерт, эз вёвны, кывлім сомын на йылысь, а быдёнлон волi винтовка. Татшомтор позьё нöшта казьтышты. Взводной командиръяс, лейтенантъяс ёшёдёмаёс сюръя вылo каска да лыйлөны сэтчо «ТГ» пистолетысь, воськов кызы-комын сайсянь. Пуляыс шыла моз розьёдё каскасö. Мыйысь нö видзас татшом каскаыс?

Аскинас юортісны, мый немеч пырёма Львов дорті. Ми сөйтчим, мый волi позяна, доддялім пушкаяс тракторъясо и петім походной маршён Львовлань. Немеч дорё мато матаистчим.

Мыила ми сэки тадзсо бöрынътчим? Сы вёсна, мый войскавыслы эз сетны приказ лöсъёдчыны тышқасыны немечьяскöд, сувтны налы паныд. Войскавысь, кодъяс дзик граница дорас сулаломаёс, висътасълісны: ми по палаткаясын олім, война пансян рытнас кино видзёдны нулісны. Некутшом приказ абу, медым дасытысьны дорийсыны, тышқасыны... Виччысътöг немеч пондома лыйлыны пушкаясь, бомбаяс шылавны. Паникаö усьёмаёс. Командование сетёма эсько сэсся приказ: «В ружье!», а патронъяс абуёс. Казармаясас эз позь видзны патронъяссö! Мирной кад — мирной кад и эм. Пока патронъяс ваясны, кольё час-мёд. Ковмома пышшомён бöрынътчыны патронъястом вин-товкаваисон. Оти кывийён, косьё пырёдчытöг.

Абу съокыд вежортны, кутшом серпас волi граница вылын июнь 22 лунё. Став армия миян пышшо лыйсытöг. Дерт, армия эм армия, дисциплинаö велёдома. Но коло ёд кодсянъкө кыв, тшёктöм. Бöрыннас, дерт, сэсся тышкасим, кыдзи слоймим. А кытён миян армия збыль сулаліс, немеч зырны эз вермы.

Сій ю кадас волi нöшта наркомат — Военно-Морской флотлон. Наркомвоенморыс — адмирал Кузнецов — аслас казьтылёмъясын гижё: локтёма сій генеральней штабо Жуков дорё да корё, мед сылы лэдзасны сетны став флотъаслы команда: «готовность номер

один». Жуков шуас, мый оз позь сетны татшом командасты, Сталинсянъ по индёдыс абу. Кузнецов: кевмысьёмён по кора. Жуков дыр мыстикодъ скёрмас да крапкас: ладнё, сет!

Адмирал Кузнецов водзё гижё: ме котёрён муні асланым наркомато да тшёкті восьса текстон ыстыны став флотъясю радиограмма: «готовность номер один». Куим кыв и эм. Сысысь отдор, дерт, быдлао ыстім по гуся пакет. Быдлаын од коло бумага. И вот наркомвоенмор Кузнецловон водзмостчомён миян флот эз веськав сэтшом съёкыд катастрофаю, мый вичмис став мукод войскаяслы. Став флотъясю — Чёрной мореын, Балтийскойын, Мурманскланын — уськодчас бомбитны немечьяслон авиаация, но оз вермывойтны ни ёти, весиг нейджеңд канонерской пыж. Со кызды паныдаломаюсь немечтю миян морякъяс. Буретш найё и уськодаломаюсь войналон дзик медводдза лунсяныс немечьяслы самолётъяс.

Волі кө Кузнецов сэтшом жо полысъён да вежортомён, кыдзи оборонаса нарком Тимошенко, мөд ногён менам кылой оз бергёдчы шунысю, то флотыс миян быри эсъко ёти лунён, кыдзи японечьяс бырёдісны США-лысъ флотсо Пирл-Харборын. Сэні японской лётчикъяс ёти лунён войтлісны сё нелямын американской корабль. Кузнецловон водзмостчомён миян Военно-Морской флот коли дзоньвидзайн да помёдз тышкасис фашистъясю.

Ме онодз эска, мый волі кө сетома приказ сутки джыниён, весиг некымын часён водзджык дастысыны тыш кежло, шуам коть, июнь 21 лунся рытё, то немечтю эз вермызырын. Сылы эз удайтчи эсъко пырны миян мүю ни первой, ни мөд, ни дасод луннас, ни во джын мысти. Дерт, көнъястико, уна танкъяс чукортомён да мый, гашко, и вермис мыйтако пырышты. Ме весиг көсъя төдчөдны тайо кывсю — пырышты, а эз пырны. Зэв нин пырисны верст ветымын-квайтимын, унапырысь сё верст, но эз унджаык. Миян од армияыс эз вёв муртса на босытём велодтём боецъясысь. Сулаліс кадрёвой армия, кодоц вель бура дасытома воюйтны врагкод, а не пышайны сысы...

Ми сэк эг тёдлой, вермим сомын кыдзко вежортышты ас кежысь (тёдмалома лои бёрын нин, война помасьом бёрас), мыйтаён веськаломаюсь пленё. Сэтшом шуштём серпас. Советской Армияыс шедлома немечьяслы пленё нёль да джын миллионись унджаык морт! Кык коймод юкёныс на лыдысъ шедлома пленё война пансъёмсянъ медводдза нёль толысъён. Куим миллионыс унджаык кадрёвой военней!

Ми, кодъяс веськалім немечкод тышо дзик медводдза лунсяныс, тёдам, көні збыль помкаыс Красной Армияюс немечон этадзи жугёдомыслон. Ыстысъёны сы выло, мый миян волі немеч серти омоль вооружение, мөдтор да коймодтор. Дерт, шуам, быд боецлон автомат сэк эз вёв, волі винтовка. Но артиллерияд волі немеч серти эз этшаджаык. Миян танкъяс эз вёвны лёкджаыкось немечьяслон танкъясысь. И тадзи позьо лыддьёдлыны да висставны водзё. Жугёдны кадрёвой армия, кор сийо дась водзасасыны, тышкасыны, сэтшом кокния он вермы. Ме воюйтлі Киев доръянин. Немеч од эз вермы босытны Киевтö другысъён, кокния. Толысъён-джыниён сулалім сэні. Сомын сэк, кор отарсянъ и мёдарсянъ, көні миян абу вермомаюсь водзасасыны, удайтчис сылы пырны пыдё водзё, лои и миянлы бёрынътчыны, эновтны карсю...

Бёрынътчомыд, дерту, эм бёрынътчом. Зэв шуштёмтор. Медся нин сы вёсна, мый зэв уна йоз, кодъяс полісны веськавны немеч

улö — советской актив, коммунистъяс, комсомолецъяс, да и мукöд йözис, колхозникъяс да код — ставыс öти туйöд, скötön и весь пышийöны. Немеч, изdevайтчигмоз, волö да бомбитö гёгöр, лыйlö пулемётъясысь. Шуштöм серпас тайö, сысысь лёкджыксö и висьставны он вермы. Ми öд мый — ми армия, войска, а мирной йözис... Веськыда син водзын сы мындаён найö пöгибайтисны.

Мый колö шуны? Ми асланым ёртъяскöд, кодъяскöд öтлаын тышкасим — салдатъяскöд, младшой командиръяскöд, уна сёрнитлïм быдтор йывсыыс, мый вöчсис гёгöрным. Шуасылïм весиг, вайö пö окопайтчам да кутам сулавны, водзасасыны медбрöтъя снарядöдз да патронöдз. А мöдъяс воча: ладнö, сïдзи вöчам, а коди кутас бöр босытны сïйös, мый эновтïм? Кодлыкö öд ковмас мездыны став муюссö, кытысь бöрынътчим, колим немеч улö. Сïдзкö, колö бöрынътчыны. Бöрынътчам кöть Уралöдз, а сэсся сувтöдам и бöр зырам немечöс. Тайö кадыс воас. Со кутшöм мёвпöн ми бöрынътчылïм. Армияад паникаö усъёмыц эз вöв.

Мый нöшта позьö шуны нелямын öтиöд во йывсыыс? Войналыс мëдвöдза восö ми помалïм Северной Донец ю дорын. Служитïм артиллерийской полкын, но ковмайлïс тышкасыны и пехота моз. Немеч сүöдас, талялас коклябортö, лоö весиг рукопашной косьб пыравны. Венлïм враглыс атакасö, но вель сьöкыд воштöмъясон. Миян полкön командаудытис полковник Авдеев, гражданской война вылын на белойяскöд воюйтлöма. А öти татшöм кось дырий уси. Батареяса командир ранитчис. Менам расчётысь, аскöднам öкмисон вöлïм, кыкён усины жö, Иван Углов да Алексей Шихалёв. Расчётыас дзик ставным ми тшötшъяясон вöлïм, 1921 восаяс. Зэв бура вöлï лöсиялам öта-мöдкöд, кöть эсъкö сёрни серти ставным торъявлïм: роч, украинеч, белорус, казах, узбек, башкир, коми...

Колö висьтышты, мый сэтшöм артполкыс? Сэтчö пырё куим дивизион. Быд дивизионын куим батарея, а сэні нин нёль пушкайöн, быд дорын öкмис морта расчёт. Пушкаясис гырысьөсь, кёкъямыс тонна сьöктäөсь. Снарядыс дас кёкъямыс килограмма. Пушкаяссö кыскалïм С-60 тракторъясон. Войнас бöрынътчам, асъя войнас сувтöдам пушкаяс, лöсёйдчам косьяс кежлö. Тышкасям лун кык, а сэсся бара колö бöрынътчыны. Ок и сьöкыд вöлï. Лун куимöдз синтö он куньлы, вежöрыд нин гудыртчö. Передöвойсянь ми асланым пушкаясан суалïм öти-kyk верстöн и пыдынджык.

Война пансъёмсянь кык вежон мысти кымын öти кось дырий ме ранитчи жö. Пельпом пыр мунис пуля. Ёртъяс отсалисны кörтавны дойсö, расчётöс эг и эновтлы. Сïдз и бурдïс. Томылдлон öдйö бурдöны дойясыц, бöрас, дерт, кутасны кывны-а. Украинаст бöрынътчигон кыкысь веськавлïм кытшö. Висьталi, мый петавлïм чорыд косьясон, плено на босытлïм немечтö и. Воюйтныд найö кужисны, но полысьөсь.

1942 вонас ми вель кузя воюйтïм Воронеж дорын. Некымыныс вуджлïс карыс киись киö. Снарядъяс миян эз кутны тырмыны. Зэв видзтöмён ковмайлïс лыйсыны. Пехоталы пондïм лёка отсасыны. Дай коньёр пехотатö миян ыджыц чина командающёйяс некор эз пыдди пуктывны, эз жалитлыны.

Воронеж дорын ме мёдись ранитчи. Юрё. Куйлï госпитальын тöлис кык. Веськалi сэсся запасной полкö. Унасянь кывлï, мый ранитчылöм да госпитальын куйлöм бöрын бöр веськавлö маёсъ асланыс частьö, водзаз ёртъяс дорас. Ог тöд, кыздзи да кодлон артмайлïс татшöмторыйис. Госпиталь бöрад тшöктоны ву-

нöдны воддза полктö. Кытчö индасны, сэнi и кутан воюйтны.

Бурдöм бöрын ме веськалi противотанкöвой артиллериyaö. Война вылö ветлöм войтыр тöдö, мый сiйö сэтшöмыс. 45-мм калибра ичöтик пушкаяс сулалöны пехотакöд öтлаын. Снарядъяс оз тырмыны. Лыйлыны тшöктоны сöмын танкъясö, пехоталы дзик нин нинöмён эг вермылöй отсышты. Мынiм сöмын сiйön, мый Воронеж дорын немечlöн эз уна вöв танкыс. Карсö бöр мездим да сулалiм сэн сэсся тöв шöрöдзыс, 1943 вöся январын нин водзö. Зэв паськыда вуджим фронтсö, буретш сэки и артмис Курскса мегырыд.

Миян боецъяс сэк тышкасисны кыпьид лолён нин — ог öд бöрынтьчöй, а водзö мунам! Лёк, мый шонтысыышты некён — ставсö гёгёр кисьтöма, сотöма. Апрельсянь июньöдз, нелямын коймöд вонас, сулалiм сэсся. Воисны выль пушкаяс — 76 мм калибра. А кыскавны найöс локтисны «студебеккер» машинаяс. Котыртчим выль бригадаö — куим артполк.

Июль витöд лунö немеч кутiс зырны миян вылö. Пансис медся ыджыд тышъясысь öти — Курск дорса мегырын. Сэки снарядъясыд миян тырмисны нин, видзтысыны эз ковмыв. Авиация асланым тьдовтчис, торъя нин ёна отсасисны Ил-2 штурмовикъяс. Найö веськыда öшалисны немеч весьтын — бомбитисны, пушкаяссысь лыйлисны. Уна выль танкъяс лоины миян. Курск дорса косьяс йылысь сьёкыд и висьтавны кывнад. Став мусыс йиркакылö, гёгёр тшын, сьёд вой быттьö, немтор оз тыдav. Витöд луннас немеч зырис миянöс верст дас. Батареяясь кык пушка жугалi. Сэсся, видзöдам да, немечlöн танк пырёма миян мышкö. Кутiм лыйлыны. Веськалiм танкас, öзтiм. Тайö танксö батареяса командиркöд ми стöча вермим пасийны асланым тшöt вылö... И менö бара ранитiс. Юрös кörталисны. Сэсся зэв крепыда унмовссыöма. Садьми да ог гёгёрво, köni ме. Шы ни тöв. Вöлёмкö, ёртъяс чайтöмайöс виöмён. А менам сэтшöма узьссыöма, мый дзик нинöм эг кывлы. Немечöс сувтöдим, но ме веськалi медсанбатö, вежон куим лои бурдöдчыны. Унаён ёртъяс пиыссы сэки усины, ранитчалисны, пушкаяс жугласисны... Курскса мегыр — миянлы вунöдтöмтор. Höшта и сы понда, мый 7-öд истребительнойö противотанкöвой бригада, кытчö пырлiс и миян полкным, лои гвардейскойöн. Тайö öд зэв вылö донъялom.

Войналöн историяясь тöдса, мый август витöд лунö ми вуджим наступлениеö. Днепр дорöдз воим ыджыд тышъястöг. Вежон сулалiм Киевсянь нейлын. Юыслöн мёдар берегыс сэн зэв круг да джуджыд. Вуджим Днепрсö, воштöмъястöг весиг. Кодайысим пушкаясён нöрыс вылас. Верст джын сайын немеч кодайыссыöма. Но бöр шыбитны миянöс юас эз вермыны. Мед öтпирöй унаöс эз ви, бидöнлöн миян торъя окоп. Ме гёгёр öтчыд уси некымын снаряд, а окопö эз веськав. Со кутшöм овлö судьбаыд.

Сэк зэв ёна лои майшасыны ва понда. Войт ва некысь оз сюр, кодайысь кöть мыйта. Кос сьёд му. Вала ковмылiс лэччывны юöдзыс. Ыстан салдатös и тöдан, мый смерть вылö мёдöдан. Аслыд öд, кыздзи командирлы, оз позь эновтны пушкатö да расчëттö. Менам расчëттысь öти салдат лэччылiс да бöрсö воис тыртöм термосён: кык пуля розьёдöма дозсö. Муртса оз бöрд. Ладно нин ванад, шуам, ловийон кöть бергöдчин. Вала лэччылысьяс висьтасылсны сэсся: ю пасыталаыс по кывтöны шойяс, и ставыс миян паськёма. Сымда жö кывтö по и кулём чери...

Вуджим наступлениеö. Вермим зырёдны немечöс верст куим

мында. И приказ — бёр эновтны Днепрлысъ веськыдладор берегсо да мёдартыс, асланымёт, мунны Киевсянъ войывланыджык. Воим сэтчо и аддзим, мый ю берегъасыс ётарас и мёдарац ляпкыдёсъ, вуджны да кутчысыны мёдарац вель кокни. А миянос нырисны Киевсянъ луныввланяс лыдтог-тшоттог. Со сэсся и донъяв, кыздзи гырысъ командованиеыд мёвпаліс да котыртліс тышъяст...

Днепр тышъясон вуджомысъ меным сетисны «За отвагу» медаль. Сыодз волі нин «За боевые заслуги» — Курск дорса мегырын косьясысь.

Көсъя пасыйны со мый. 1944 вося ноябрин менё корисны штабо, вөзйёны мунны велодчыны училище. А ме эг көсайы мунны ёргъяс дорысъ, некутшом училище оз ков. Медкомиссия вылын ме висътаси, мый лёка аддза. Со ёд кыздзи йойтавлан том вежёрнад! Менё бёр ләдзисны асланым батареяо — воюйт по либо водз... Дай таён эз на помась. Нелямын витёд вося январын бара ыстёны училище. А ме бара пыкся, норася, мый абу дzonъвидза, лёка аддза. И мёдись мыні училище мёдёдомысъ. Ог вермы висътавны, мыйла вёчи сідзсё. ёд мыні эсько водзё тышъясысь. ёд тыдаліс нин, мый война катовтчис помлань. Тэнё мездёны водзё воюйтомуясь, сетёны позянуун колыны ловийон. Но ме асныра, водзё көсъя косясыны...

И уна на ёд вичмис. Нелямын нёльёд вонас дыркодь суалім оборонын, а сэсся водзё мёдім наступайтны да зэв съёкыд косьясон босытім Львов. Полкным кутіс шусыны Львовскойён. И бара лои сувтны обороноа.

Выль наступление миян пансис нелямын витёд вося январын, и тёдса, мый Советской Армия волі сэтчо помёдз дасьтысътом на. Уинстон Черчилльён корём серти — немечьяс ёна пёвсалісны союзникъяслысъ войскасо да шыбитісны борзыв Ардены мылькъяс дорын. Со и ковмёма отсёг, мед Ардены дорысъ дивизияссю немечьяс вуджодасны миянлы паныд. Пасий нин, мый миян юралысъяс да ыдкыд чина командование некор эз артасълыны салдатъяслён олёмён. Миянос шыбитісны наступайтны весиг пехотатог. ёнодз шензя, кыздз сэк немеч уло эг веськалой став пушкаясон и весь. Веськыда кё шуны, лунывыв Польшаас немечьяс эз сэтшом чорыда водзасыны, а мыйён пырим Германияо, косясисны вывті отчаянноя. Силезияын тайо лои. Пырам чорыд тыш бёрын сиктö либо кар кодьё — ни ёти лов абу, ставыс пышёйомаось. Немечьяс полісны, мый ми водзёс кутам бергёдны.

Нелямын витёд вося апрельын миянос шыбитісны Берлинлань. Наступление вуджим апрель 16 лунё. Артдасьтысъомыс кыссис час кымын. Кутшомён сійо волі, позис вежортны пленё шедём немечьяс серти. Быттёй йоймёмаось. И сэсся ёна чорыд тышъястог воим Берлинодз. Но миянлы ковмис воюйтны эз сымда Берлинас, а мышланым веськалом квайтёд немецкой армиякёд.

Война миянлы Берлинын эз на помась. Ковмис мунны Прагалы отсёг выло. Май ёкмысёд лунё пырим Прагао, но сэн дыр эз видзны. Ковмис весавны Чехословакияс немечлон войска колясысь. Пленё босытім лыдтём сюрсёс. И чайтад, мый найос йёршийтісны лагерьяссо? Нином татшомыс эз вёв! Став пленной немечьяссю ләдзим гортаныс, некутшом конвойтог. Со кыздзи петкёдчис советской салдатъясыдлон да командиръясыдлон небыд лолыс, бур съёломуис... Берлин босытомуясь менё наградитісны Красной Звезды орденён.

Мый нёшта содтыны? Война чёжён ме сизимысъ ранитчылі,

нёльысысь со чорыда. Оңі, кымын ыдкыддыхык арлыдань восьлала, сымын ёндыхыка кылбыны сәкся дойясыс. Шуда, дерт, мый коли ловйён, көтт смертьыс война чөжыс ветліс дзик орччон. Но ме көдь шудаыс шоч.

Бёркыв пыдди:

Война эштөм бўрын салдатъяслы, сержантъяслы, офицеръяслы сетлесны кианыс вождъсянъ аттьёланань торъя листъяс либо неыдкыд книжка сямаёс. Изосим Александрович видзо жо гёрд коркаа книжкао пасиом благодарностьяс. Коркасö мичмодёма гвардиялён пасён. И юргижёд: «**Благодарности нашего вождя**». А мый пасъялёма пытшкёсса лист бокъясас, вайёдам кывыйсь кывий (рочон, вуджёттёг).

Участнику Великой Отечественной войны Советского Союза 1941—1945 гг. гвардии старшему сержанту Коюшеву Изосиму Александровичу объявлены благодарности:

1. За отличные боевые действия при ликвидации июльского немецкого наступления на Курской дуге 23 июля 1943 года.
2. За активное участие в боях при форсировании реки Днепр 17 ноября 1943 года.
3. За успешные боевые действия при освобождении города Шепетовка 11.02.44 года.
4. За отличные боевые действия при освобождении города Тернополь 15 апреля 1944 года.
5. За отличные боевые действия при овладении городом Львов 27 июля 1944 года.
6. За отличные боевые действия при прорыве обороны противника и переходе в наступление из района западнее Саномира (Польша) 13 ноября 1945 года. Приказ № 219.
7. За отличные боевые действия при овладении столицей Польши городом Krakow 19 января 1945 года. Приказ № 230.
8. За отличные боевые действия при полном очищении Домбровского угольного района (Силезия) 27 января 1945 года.
9. За отличные боевые действия при овладении городами Нейссе и Леобшютц (Германия) 24 марта 1945 года. Приказ № 307.
10. За отличные боевые действия при ликвидации группы немецких войск, окруженнной юго-восточнее Берлина 2 мая 1945 года. Приказ № 357.
11. За отличные боевые действия при освобождении столицы Чехо-Словакии города Прага 9 мая 1945 года. Приказ № 368.

Командир 320 гвардейского Истребительно-Противотанкового Артиллерийского Львовского орденов Суворова и Красной Звезды полка гвардии подполковник Аверкиев.

11 октября 1945 года.

Гижёдсö дасытис А.Петрунев.





О.М.РАЗМАНОВА

Радио — биа воясö

Тавося май 7 лунö тыри 155 во сэксянь, кор роч инженер, учёной А.С.Попов медвогдзысь петкёгліс, кыдзи уджалö проводтöм телеграф — радио. 1945 вося майын, кор помлань нин мунис Великой Отечественной войны да тыри ветымын во радио лöсъёбдöмсянь, А.С.Поповöс нимöдöм могысь Советской Правительство шуис вöчны май 7 лун радио празникöн.

Радиолысь тöдчанлунсö, торъя нин Ылжыг войны кадö, он вермы весиг донъявны. Эз öг прёста ветлы сёрни сы йылысь, мый Ставсоюзса радиолысь меднималана диктор Юрий Борисович Левитанöс Гитлер шуома аслас первой номера врагён.

Победа горöмö ассыныс пай пуктисны и найö, кодъяс война кадö дасьтылисны коми радиолысь передачаяс. Та йылысь и казьтылö Ольга Мисайлова Разманова, война кадö — радиожурналист, а 1952—1972 воясö республикаса телерадиокомитетён юралысь.

...1945 вося июнь 21 лун. Быдторыйн на аддзам мирной олёмлышь серпастъяс. Со и радио асъя передачаын висыталö Коми АССР-са СНК-лён постановление йылысь, кодöс сиёма... ёгтуруньяскöд тышлы. Муяс вылын туёны-быдмёны нянь, град выв пуктасъяс, а накöд тшётш и ёг туруньяс. Нюжмасьны муяс весалёмöн некызд оз позь,— тöдчёдöма правительстволён постановлениен.

Рытнас микрофон дорын сёрнитö просвещениеса народной комиссар А.И.Подорова. Сiйö кадас республикаын вöлïны на грамотатöм йöз. «Миян ставлён мог,— шуис нарком,— матыса кадö венны тайö мустём нелючкисö».

Сэсся диктор юörtö каръяс да сиктъяс олёмлышь выльторъяс, а рытпомас мунис музыка — Римской-Корсаковлён гижöдъяс.

Июнь 22 лунö, шойчан лунö радиосаяс, кыдзи и мукöд йöз, эз уджавны, вöлi шойчан лун. Сöмын корреспондентъяс Василий Кривошеин да Мария Амплеева вöлïны Сыктыв вожса Межадор сиктын: дасьтисны нюръяс косытöм йылысь передача. Радиостудияын дикторалис Х.А.Мальцева. Христина Александровна и ковмис висыставны ыдкыдсыс-ыдкыд неминучка — война пансьём, йылысь.

Нем виччысытёмён вölі миянлы тайё шогыс. Нюкыртчисны съёлёмъяс нывбабаяслён — мамъяслён и гöтыръяслён, чойяслён и невестаяслён. Тайёс позис аддзыны выльлунö и радиокомитетын.

Кыдзи овны да уджавны öні водзö?

Парторг К.А.Размыслова чукörtic коммунистъясоc, а накöд тшötш став уджалысъясоc. Сёрни мунис буретш сы йылысь, мый вöчны, мый колö война кадö быдёнсянь. А шуöмыс лои öти: уджавны вынъяс жалиттöг, кадён лыддысытöг, медым передачаяслён быд кыв ийджис кызвысьяс съёлёмöдз. Петкöдлыны Красной Армиялысь враглы паныц тышсо, народной овмёсён быд юкёнын сосьяс пуджёмён удж, сийёс, мый фронт да тыл — отлаинёс.

Кутисны мунаавны гымалысь-чардалысь рытывылö и радиокомитетса войтыр.

Кор война пансян мёд луннас, выльлунö, воис удж вылö «Бörя юёръясысь» редактор Н.И.Улитина, шемёсмис: пызан дорас суалыс чемодан, а пызан вылас — кабалатор: «Муна фронт вылö. Кора видзыштын чемоданоc ме вотöдз. Иван Бажуков».

Иван Иванович — война вылö медпервойон мунысь. Сы бёрся мёддичисны мукöдъяс. Июнь 25 лунö торйöдчоны удж кузя ёртъяскöд да гортсаяскöд шоферъяс И.П.Коданев да И.П.Сорвачев, неуна сёронджык инструктор В.П.Суворов, редакторъяс А.Н.Пешкин да В.В.Кривошеин. Ставыс мунис 18 морт.

Да и Комитетса унджык нывбабаяс колльöдисны фронт вылö ассыныс медматысаяссö: Н.И.Улитина — верöссö да писö, М.И.Кочева — верöссö да кык вокöс, В.И.Карманова — верöссö да писö жö. И эз сöмын найö колыны гортаныс кёзянъястöг да гырысь пиянтöг. Ки вылын посни челядьён да пöрысь мам-батьён колим ми ставён. Со сийё нывбабаясыс, кодъяс уджалисны республикаса Радиокомитетын: И.М.Михайлова, К.А.Размыслова, Н.И.Жданова, М.Е.Кондратьева, Е.М.Мишарина, К.С.Моисеева, М.И.Тимонина, Л.В.Оплеснина да мукöдъяс — журналистъяс, дикторъяс, техникъяс, машинистъяс, бухгалтеръяс...

Передачаяс дасытан удж эз оръявлы ни öти лун. Нывбабаяс петёны сиктъясоc, вöр делянкаяссо, заводъясса цехъясоc тöдмавны, кыдзи мунёны уджъяс война кадö. Передача бёрся передача чуксалёны: «Ставсö фронтлы, ставсö Победа шедöдöмлы!»

Война пансян луннас радио пыр медводдзыась лыддисны Советской информбюроны юörtöм. Сэксянь быд астья передачаяс заводитчылисны коми кыв вылын татшöм юörtöмсянь. Код тöдас кымыныс лыддис найёс микрофон дорын Кира Сергеевна Моисеева, коди война чöж вölі дикторён. Коми Левитанöн кутисны шуны мёд диктор Игорь Николаевич Сухановöс, кор воис сийё радиоö 1943 воын (первый кадас сийё — актёр — уджалис тшötш и театрын). Неуна сёронджык радио кызвысьяс тöдмасисны ещё öти дикторкöд — воис комитетö В.С.Попов — актёр жö, война вылын ранитчöм бöрын. Тайё куим дикторыс и уджалисны война воясö микрофон дорын.

Совинформбюроны юörtöмъясысь кындзи, фронтъяс вылын тыш-косьяс йылысь виссталисны уна мукöд передачаяс, кодъясоc ыстылис Ставсоюзса радиокомитет да вуджöдлïм коми кыв вылö. Татшöм передачаяс бöрас воавлисны враг дïнö лёглунöн тырём письмёяс. Да и позис öмёй чöв овны «Таня» нима висыт кывзöм бöрын, кодос лыддис К.С.Моисеева. Тайё висьтыс — Зоя Космодемьянская йылысь.

«Победа лоас миян сайын, чорыңдун, ётувъялун отсаласны пасъвартны вёрёгөс», «Коді веськёдлө фашистской Германияён» — со сэкся откымын передача нимъяс.

Роч вылысь коми кыв выл ѿуджёдысынас волі Людмила Васильевна Оплеснина. Уна во уджаліс сий радиоин, роч да коми кывъяс тёдіс бура. Куим челядьёс ковмис сылы быдтыны-велёдны ётнаслы — войнаобз на верёссö пуксьёдлісны да ГУЛАГыс бёрсö эз и волы...

Журналистъяс дасътоны республика олём йылысь передача бёрся передача. Шойнатыса «Остров» колхоз мунё корреспондент М.Е.Кондратьева. Сий вайёдё сиктса радиоузел колхозса юралысь Зезеговёс, бригадир Королёваös да звеньевой Зезеговаös. Передачыс сэтысянъ и муніс телефон пыр. Магнитофонъяс сэк эз на вёвны, и Комитет татшом ногён нүодавліс сізд шусяна ввестудийной передачаяс. «Остров» колхозсаяс висъталісны овмёслён вермёмъяс йылысь. Зіля уджаломаёс сиктса войтыр: нянь воёма 15—16 центнерён гектар вылысь, картупель — 180, капуста — 200 центнерён. «Аслам сиктсаяс нимсянъ шуа,— эскёдіс овмёсса юралысь,— удж оз лөнъ и водзö. Сийös веськёдома Победа шедёдом выл».

Война воясö ныvbабаяс быдлаын колисны медшör вынён. Сиктын эз тырмыны механизаторъяс. Мый вёчны? Визинса МТС-ыс трактористкаяс А.Семенчина, В.Сенькина, А.Седьюрова да А.Ульянова шыёдчисны вёвлом трактористкаяс дінö, мед бёр локтасны воддза удж выл. Корисны мукёд ныvbабаяссоs велёдчыны трактористкаяссо да тадзикон вежны фронт выл муном механизаторъяссоs. Мыйкó мында кад кольём мысти радио юörtö: война заводитчомсянъ во джынйён лоисны трактористкаяссоn, комбайнёркайссоn сизимсёйс унджык ныvbаба.

Республикаын радио котыртёмсянъ мунісны вёр лэдзём йылысь передачаяс. И война кадё дутгывтöг мунё радио пыр вёр лэдзысъяслён удж йылысь сёрни. И медсясö места вывсянъ жö. Визинса радиоузел воліs Сысольской леспромхоза директор А.А.Дядькин. Тайö леспромхозыс нималіс медбуръяс лыдын. Александр Александрович юörtгic, мый Стalingrad дорын Красной Армиялон ыджыд вермёллы воча коллектив кадысса водз тыртис тöllyssя план да тадзи жö личёдчывтöг уджалö водзö.

Локтёны микрофон дорö, карё могён воліgён, вёрпунктъясса юралысъяс Подоров — Шойнатысы, Шучалин — Читаевоись. Сёрнитö микрофон дорын ас йывсыс да ёртъясыслён удж йылысь пöрёдчысъяс Подорова (Гагшор).

Война воясö уджалісны вёрын сезонникъяссоn уна колхозник да служащой. Со и радиокорреспондент В.И.Кармановалы ковмис мунны Паль леспромхоз. Гортас колисны кык посни вок да пöрысса мам. Висис жö эськё Вера Ивановналон сьёлёмис. Но од оз ётнас майшась тадзсо.

Эжва вылын медся ыджыд запаньнас волі Трёхозёркаса. Локтісны татчö пуръясыны карса велёдчысъяс. На воём бёрын запань мёдіс уджавны весиг планъяс вевтыртёмён. Радио корё медся зільяссö да школаса директор Кожевинаös микрофон дорö. Том пуръясысъяс висътасисны асланыс удж йылысь да мый на дорö воліs весиг Сöветской Союзса Герой Василий Павлович Кисляков. Коло шуны, радио эз сувал бокын, кор волісны недыр кежлö гортаныс и мукёд геройяс, тёдмёдіс радио кызвысъяссо N.B.Оплеснилён пасиёдъяссо.

1943 воын поезд мунліс Москвасянь Воркутаöдз... сизим сутки. Радиолы колёны юёръяс сы йылысь, мый вölі талун, а то и тöрыт. Дерт, вежон чöж ветлём бöрын юöрыд оз нин ло талунъяён лиöö тöрытъяён. И сöмын 1943—44 воясö, радио босытчö лöсъöдны Полярной кытш сайын из шом перйöм йылысь да сэтчöс олысь-уджалысьяс йылысь передачаяс. Сэк кежлö Вöркутаса радиоузел лой нин связь киясын. Тайö вайис миянлы збыль радлун — сïдзкó, и тайö карас кутасны кывны сыктывкарса радиопередачаяс.

Сёрнитны кё сы йылысь, унаён-ö кызвісны радио, позьö вайöдны татшöм лыdpasъяс: 1940 воын республикаын вölі 33 радиоузел да 17 сюрс радиоточка. Радиоузельяслöн лыд да насянь мунысь радиолинияс содісны воясъ-во, весиг и война кадö — сэтшöм ыдкъид вölі радиолён тöдчанлуныс. 1944 воö республикаын уджаліс нин 60 радиоузел.

Но век жö Сыктывкарса РВ-41 радиостанция вölі ичöt вына, республикаса уна сиктын, ылджык посёлокъясын омöля кыліс радиоид. И война кадö кар помын лыбис выль радиостанциялён сё метр судта мачта. Тайö станцияыс воддза сертиыс лои дас пöв вынаджыкön.

Война дырий откымын районын газет эз петав. Лоёмторъяс йылысь юörtкысънас лои районъясса радио. Райцентръясын уджалісны радио редакцияс. Оні на да со кызд казтылö сэкся вояссö Е.Д.Леканова, коді сэки уджавліс радио редакторён Абъячойын: «Война дырийыд 80 прöчентыс ныvbabаяс да томиникъяс уджалісны. И меным окота вölі став сёблёмсянъ сёрнитны накöд, висъставны, мый вöчсö асланым районын, ышöдны зиль удж вылö. А мый вöчсис 1945 вося май 9 лунö! Быд асыв Сыктывкарса радио коми кыв вылын диктүйтліс миянлы ТАСС-лысь юörtöмъяс. И друг кыла: Победа! Тэрмасьöмён гижи тайö сэтшöм дона юörtöмсö и котöрён петi ывла вылö. Горза: «Победа! Победа!» А кадыс квайт час на эз вöв. Кылісны сиктсаяс менсъым горзöмöс, кутісны петавны ывла вылö. Мый пондіс вöчсъыны сэсся! Некор оз вун тайö асылыс да луныс.

Екатерина Дмитриевна казтылö и ассыыс отсасысьсö, коді вöчліс ставсö, медым радиотехника уджаліс кызд колö. А радиоузелса надсмотрщикнас фронт вылö нутöдзыс вöлöма Виктор Лобанов, коді лои сэсся Сöветской Союзса Геройён.

Колö казтывны нöшта öтитор. Война заводитчöм бöрын нин пырис радиокомитетö мужичöй.

— Ме поляк,— висътасис гöсть.— Тi тöданныыд, мыйта менам земляк олö-уджалö Комыын. Вöтліс миянöс асланым му вылысь война, талялöны Польшанымöс фашистъяс. Мед миянлы öтүвтчыны, колёны поляк кыв вылын радиопередачаяс.

И мыччис передачалысь гижöдъяс. Лыддöма нин найöс партия обкомса секретарь Волгин, коді вölöм тöдö польской кывсö. Сийö жö рытнас тайö передачаыс мунис. А ставсö лои нүöдöма квайт передача.

Пöшти война чöж комитетын юралысьснас вölіны ныvbabаяс жö — Л.М.Никитина, И.М.Михайлова, О.М.Разманова. Сöмын 1944 воын воис выль веськöдлысь — И.И.Пыстин, фронтовик, писатель. Илья Иванович уна вöчис передачаяс бурмöдöм могось. Сы дырий пондісны воавны магнитофонъяс. Медводдзыс вölі «МАГ-1», зэв на жебыд. А кор воисны «Днепр» магнитофонъяс, позис нин гижны сёрнитысъясöс радиостудияын, и ветлыны сиктъясö, каръясö. Магнитофонъясöн радейтіс вöдитчыны ачыс

Илья Иванович. А сэсся воис ремесленной училище помалём бўрын томиник нывка Антонина Шевелёва (ёні Хащинина). Сий и лои магнитофонной плёнка вылёт гижёдысьён. Уна во уджалигён Антонина Михайловна быдмис ыдъяд мастеродз.

Комитет воли ту керкаин. Ковмыліс аслыным тёждысыны и пеc понда. Вёлён, дадъясон — быд ногыс сюрлі кыскавны пессё сы мында пачад. И ешё ётитор усьё дум вылёт сэкся олём-выломысь. Комитетсаяс некор эз сувалны қар олёмысь бокын: вётлісны моль бўж, отсасисны пуктыны картупель, идравны сийос. Уна мукод удж вёчлісны!

И командировкаясö ветлём-мунём некыдзи он вунёд. Уна ковмыліс ветлыны подён. М.И.Кочева ётчыд подён ветліс гижёдла Пальёдз. Некод эз шулы, мый съёкыд ветлыны подён Выльгортё, затонса посёлок, а то и Зеленечё либо Йбёдз. Няргысьяс миян нывбабаяс пёвстын эз вёвны.

Война помлань кутісны воавны Комитетё и мужичёяс. Локтіс А.К.Югов, и бара пансисны война кадо тупкылём литературной, музыкальной передачаяс. Пырёны уджавны радиоö писательяс Ф.В.Щербаков, П.А.Шеболкин. Общественно-политической передачаяс нуёдысьён лои В.В.Кривошеин. Кёть и воис сийё война вылысь инвалидён, съёлёмсяяныс босътчис уджо.

Война воясö вынъяс жалиттёг жё уджалісны радиовещательной аппаратнойса техникъяс. Комитетса войтыркод ётвылысь тёждысисны, медым радиостудиясъ петём быд кыв воис кивзысьясадз. Гарышта ёткымынъяслысь овъяссö: В.К.Туркина, М.П.Антоновская, А.С.Егорова, В.Н.Каракчиева. 1944 воё РВА-са юралысьянас лои А.В.Попов (война вылын ранитчом). Сы дырий цехё воалис пыр выль аппаратура, и коллектив окотапырысь да кужёмён вёдитчис техниканас.

И кор 1945 воясö май 9 лунё радиоса уджалысьяс сёрнитчытёг водз асыв ставён чукортисны Советской уличавыса съёлёмъяслы сэтшом дона ту керкаё, съёкыд висъставны, кутшёма быдён радлісны, чоломалісны ёта-мёднысö ыдъяд праздникон. Од тайё Победаас эм пай и радиоын уджалысьяслён.

Эз ставён бергёдчыны война вылысь. Эз босът бёр Нина Ивановна Улитинаён пызан дорё кольём чемодансö редактор Иван Бажуков. Пуктісны юрнысö тыш мунанінъясын Фёдор Чирков, Владимир Никитин, Александр Белых. Некор оз вунёдны найос радиоса ёртъясыс.



Юлия ЮШКОВА

Олёмас донаыс

Вайё видзёдламой сы вылёр, мыйджык медся донъялёны олёмсыыс Коми республикаса олысьяс, мыйджык налы медся коланыс, кытчо кутчысыёнды, кутшом ценностьясо, шуны кё роч ногён. Татшом видзёдлөмис коло, мед эсько эз вёв откодялёма став йёзсо, отгудыртёма оланиногныссо.

Дерт, Коми республикаыд абу торъя ді, абу гёгорыс йоралому, кытчо туйыс мүкёдьыслы пёдса. Ми пырам Россияю, и сылон, Россиялын, унаполёслуныс инмө тшётш и миянлы, тёдчо республика пасьтала, торйон нин на пёвстын, кодъяс татчо локтисны эз нэмсө олём могысь. Но та йылыс бёрынджык.

Öni — кыв-мёд Россия йылыс. Зэв аслысполёс государство сийё, канму, кыздзи гижёны öni комиён. Аслас вевт уло Россия чукörtіс да пыртіс паськыдысы-паськыдінъяс, му шарыслыс тёдчымён юкон, кытён вежласъо географияыс и ывлана выв сынёдьыс, кытён уна сикас войтырыслон олёмис вужъясис да пуксис быдёнлён аслысногён, аслас оласног да культура серти, аслас эскём (религия) серти.

Но некыздзи оз лёсяв, шуны кё, мый быд войтыр ньоти вежсытёг, кутшом волі, сэтшомён и коли. Ми аддзам ог сёмын социальной да культурной сорласьом, а тшётш и профессиональной откодясьюм (удж серти кё) да гражданинён шусьом. Буретш да гражданинён лоёмыс и сетис сёлём да вын зильны быд мортлы кыпёдчыны олём содиёдьыс. Позьё зывёктыны да весиг урсавны неважён кадо на социализм сёвмёдёмсө, но социализмыс и ләптіс да югдёдіс гражданской ценностьяссө (коланасо да донассо), отутвіс ота-мёдсыныс ёна торъяланана культурыа войтыръяссө.

Советской Союзос кисьтом бёрын и йозыс быттьёкө сурса лытёмось лоисны, уисны мортсыыс-гражданинсыыс, лоисны көвтёмось. Кризис да кризис йылыс öni дугдывтёг дольёны, а кысъ нё босытан лёсялёмён олёмсө, кор кок ув мызд вошласъо.

Татшом киссёмыс-дзугсёмыс инмис и миян республикалары. Отарсяныс кё, ми пырам Российской Федерации, а мёдарсяныс кё, миян эм весиг асланым суверенитет. И артыштын кё да пыдди пуктыны тайёс (суверенитетсө), то коло чайтын, мый йозыс öти социальной котырён и лыддьёны асыныссо, Коми республикаса гражданао и пуксёны. Кыздзи и Россия пасьтала, тані олысъ йозыс мато абу откодьось, коты ёна нин сорласисны, но найёс сёмын ылосас и позьё шуны, (идентифицируйтны) войвысаясан. Та вёсна войтырыс оз лёсявны öтияс мёдъяс дінё.

Видзёдлыны кё бурджаика да мёвпыштлыны кё, мыйсяджык йоз олёны миян республикаын, то позьё казявны куим пёллөс котыр, кодъяслон олёмис аслыснога, дай олёмас коланыс-донаыс налы жо сёмын лёсяланана.

Медводдза котырыс — котырн ветлысъяс, кыздзи изъвасаяс шуёны. Асыныс найё оз сёмын чомыйн овны нэмсө, сиктъясысь петалёны тундраас, а ненецъяслон олёмис чомыйн на и мунё.

Абу эськő унаёнөсө кёр дорас ветлысысыс, но казявштöг найёс, ино пуктытöг, оз жо позь. Од кörтъясоc видзёмсыс республиканым эз на орöдчы дзиköдз. Тайё, öти-кё. А мёд-кё, кёр дорас ветлысысыс вирнас и ловнас йитчома нэмис кежлö мусыскöд да вör-ваыскöд, кытён олö, кытён йирсъöдö кörтъяссö. Сийё быттьö кызвысьö мусыслыс да вавыслыс, оз горшась, оз ов кватлав-курав кысмый шедö, босытö сы мында, мыйта сылы колö, мед эськö и локтан воас мусыс да вавыс бара сылы тырмымён сетисны. Сьöдöдз пöскöтинаас таллялöминад кörтъястö он йирöд, кутшöм тысыыд черитö он кый. Кёр дорад ветлысыыд ассысö на кылö и вежörtö вör-ваас олыссыён, вör-вассо видзыссыён да дöзьоритыссыён. Та вöсна и медся доанаыс да коланаыс сылы шежлавтöг да шышкавтöг олöм.

Ылі войвылад зэв на и сьöкыд олöм-вылöмыйд, торъя долыдлун уджыд оз и вай, а пöрö быттьö вöчны коланаö, мед он тшыгъяв, мед вöлі мый вомад сюйнитö. Сийён оз и вылö пуктыны уджнысö, да ловныслы коланаён. Ветлöмён олыссыыдлы донаджык быд лунъя олöмис, ывласö видзöдöмис да ки-коксö шойччöдöмис, сьöлöмсö гажöдöмис да пальöдöмис.

Бörъя могсö, сьöлöмсö мортыслыс пальöдöмсö, тырвыйö босытисны ас выланыс да уна нэмъяс чöжöн мoggöдисны шаманъяс. Найё быттьö суалисны ловъя йöзыс да кулöмаяс нин костаныс, сëрнитисны ортъясыскöд, эскöдисны ловъяяссö, мый кулöмыйд абу на эштöм, дзиköдз помассьöм, а мёд нога олöмö вуджöм. Мёдар югыдад олöмтö эськö и карса олыссыыд, коди Енмыдлы эскö, ино пуктöны, но шаманъясыд та туйöд эсканаджыкös, гашкö, сы вöсна мый ассыныс быттьö сэтчö, мёдар югыдас волöны.

Сöмын тай индустрIALIZацияд и ылі войвылöдз воис да зырис сэтöн олыссыяссö асланыс чужанинъяссыс, йöртöдис лëк-джыкинъяссö. Од налы колис вуж выйöныс вежны олannогнысö, овмöдчыны локтöм йöзыскöд отлаö, быдсяма посёлокас да вунöдны ассынысö, кöть найёс и эз кыскы сэтчöс уджыс ни олöмис. Тадзи татчöс войтыр пöвстессыс унаён пöрисны мигрантъяссö весиг асланыс му выланыс. И некодлы ёнасö оз и ковны, мед кытёнкö арталöм вöлі да тöдисны. Ётарсяныс кё, таыс налы и долыдыс на, а мёдарсяныс кё, аскиыс налён шогöдана.

Му пуксöмсяныс мортыд йитчылïс вör-ваыскöд, сыкод лöсялöмён да аслас шодйöн олис. Но онi этша нин и коли сэтшöм олыссыыс, и найё на вермасны бырны.

Мёд котырыс — видз-му уджалыссыяс. Россиялён войвылын сиктса олöмис, рочöс кöть комиöс босытны, эз вöв сöмын видз-му овмöс помыссы, тшöтш и вöралöм да вör лëдзöм помыссы, тöвся мукöд уджъяс помыссы вердчисны-олисны йöзыс, нажöвитчисны содтöд вылас.

Пармаö, сьöд вör шöрö овмöдчомыс комилён лои эз сы понда, мед мутор да видзтор лöссыдны, а медсясö вöралöм понда: дона кыйдöс куясыс уна сюрс во мунисны вежтас туйё, валюта пыдди, шуны кё онiя ногён. Дерт, и орöдчомыс видз-мусыс, дугдöмис гöра-кöдзассыс эз вöв. Коди кыздзи вермис да эштылïс каднас, сидзи и пасыкдchисны. Но ас няньнас восö весиг эз вуджлыны, ас няньныс кодлонкö тöв шöрнас и бырлïс, а кодлонкö и арнас на. Революциядз на арталöм серти кё, комиын ас няньсö чукöртлöмäöс сöмын коймöд юкёнсö, мыйта колö семьяыслы, и то бур воё.

Юридической мусыс лыддыссыылiс государстволён, но збыль вылас вöлі крестьянинлён киас. И сöмын колхозö мырдён

пиртөдігөн сійө воштіс мусо да видзсо. И лоис быттью крепостнойон. А водзсо комиыд эз төдлы крепостной право, да и коланлуныс та выло эз вёв: татчос мусыс удж водзоссо этшаник сетё.

Медся донао да коланао, синсо моз видзанаоид коми мортыд эз и пуктыв мутё да видзто, коть эсько и эз шыблась, эз эндёдлы веськодя лым улодз. Вылоджык сійө пуктіс ассыс чос туйсо, чери кыян виссо да вочасян сямлунсо. Кодко вурсис, кодко гындысис, кодко сов пуис, кодко пыж вочаліс, кодко няр песіс — став пойлос уджсо комиыдлыс он и вермы лыддьбодлыны. А кымынён заводо ветлісны, Москвао да Питеро мунлісны, сэтчос типографияясас уджавлісны. Коло ѡд волі оз сомын асыныссо, тшотш и гортсаясныссо вердны, вотто вештыны.

Кык нога олом олысъ волі коми крестьяниныд. Ётарсяныс кё, ачыс волі овмос кутысъ, весигтё медавлысъ на кодоско, дон выло уджёдлысъ, а мёдарсяныс кё, ачыс пёрліс мела уджалысъ, пёрбұчыліс тёвнас кодлык ли нажёткала мунліс кытчою.

Сямлунсо коми морт донъявліс ассыс бур нимсо моз жо, эз уськодлы юрсо ки йывсон уджнад. Медся ёна поліс сысысъ, мед эсько лёк сёрни сы борся эз вётлысъ. Коми майдъясын героясис оз сэтшома воюйтны, кутшома уджалоны, вочоны мыйко ѹозыслы бур выло.

Нёшта ётиор инмё войывса крестьянины, тшотш и комилы, лыбодо сійос. XVIII-од нэмын на көсілісны портны варъясо (рабъясо) войывса, но унаён сувтісны талы паныд, и государствоса чиновникъясоң дасытылём нин олан подувыс (Новое уложение) вынсьодтём и коли. Аспорлунсо, мездлунсо коми крестьяниныд эз на вошты, некод на сы выло эз горзы, эз сулав мышку саяс бедьён. И кутшома жугёдіс комито колхозо мырдён сюйомыс, Енмыс сомын и тёдо.

Ме сомын тода ёти мортос, весиг рёдружёс бать серти, коді сідзи абу и пырало ма колхозас да унасыс и пуксьодлёмайс сійос. Ме по Сталиныдлы эг медасылы казако, шулывломуа сійо.

Мый нёшта донаыс да коланаыс коми сиктад олысыыдлы? Шуам, вёр-ватогыд коми мортто он и вермы вежортны, син водзад сувтодны. Вёр-вайс сылы коркө мёд оланін волі. А оні сикт сайсыыд вортё жугёдёны, вотчыныто лои некытысъ, юясын чери быран выйын, коласыс и шедыштё. Он кё кыдзко бёр ловзьод вёрсо да васо, усьо комиыд комисыс.

Велодчыны зільомыс комиыдлон важысянъ волі да эз на и чин. Сомын тай воысъ-во оні съокыдджык лоё бать-мамъяслы велодны ныв-пиянсо, нинём доно сувтны кутіс уджныс да. Бара жо шог, кодасъ коло мынтодчыны.

Коли на комилён и кык Ен тёдомыс, сы вёсна мый быдлАО да быд пёрий Кристосыд эз на и лёсявлы, важ коми Енмыс на матынджык волі. И оні на шонтоны да югдодёны миянос Зарни Ань да Войполь.

Коло казытынны и сы йылысъ, мый коми морт эз сомын ас кежас, гусьон да вёйон овлы, ѹозё петавлытог. Мёдаро, оломыс велодіс сійос аслыс донсо тёдны и ѹозсо пыдди пуктыны, лёсявны ѹозыскод гортас и конко ылін.

Но и юрсо ләдзомён, Законысъ коломён и ковтог дугдывтог поломён комиас эз овлыны. Налы ѡд ковмыліс ылло водзё видзодны да эз и дзескодлыны да кокнёдлыны асыныссо уджён ни вочомён, майшасьомён ни мёвпаломён. Да и волосьтувса «обществоис»

вывсянь быд тшёктём эз на инё пуктыв, а сёмын бытьён вочанасö.

Зэв жё коланаён да донаён волі тайё коми крестьянинлы, кыдзи и аслас став эмбурыс. И колхозö сюйтöдз сийё лысътис на сувтлыны ас вёснаыс, дорыйны асьсо и овмёссö.

Но эз сёмын колективизация, тшётш и лагеризация пöдтис комиились ас нога олёмсö. Вонгтис нин эсько сийё, мый волі сылы донаыс олёмас, дай ачыс на аслыс эз ло дона. И 60—70-öд воясö сёмын бёр кутис бергöдчыны сиктса мортсö дорийомыс да лэптöмьес. И буретш да «дудан» кадыс и сетис коми сиктыслы лолыштны морös тырнас.

Коймёд котырыс, медся ыджыдыс миян республикаын,— каръясын да посёлокъясын олысъяс. Налён олёмыс, кызыныслон, йитчома промышленной уджкёд, а уналён и ИТК-яскёд. Найёсötитор шымыртö — асыныс найё либо ай-мамыс на коркё локтисны татчö, веськалисны ыстомён ли вайёдёмён.

Коди локтис татчö, а унджыкыс сэтшомыс, вörзисны гортсыныс ньёти эз рытъя ру понда ли пармалыс кёрсö исавны, и эз лывкъявны да шышкавны, а тёдёмён ыштисны сьокыд удж вылё, баракын олём вылё, медтыкё сёмын унджык и нажовитны кёнкё дорыс.

Дерт, и государствоислы колис öдйёджык овмёдны войывисö, босытны мупытшса озырлунъяссö, а öти сайын и ёнмёдны кузяла границасö, видзчысыны сэсянъ уськёдчомыс. Та вёсна и ышёдисны да ыззёдисны йёзсö сьомён, чуксалана гижёдъясон и сыланкывъясон.

Нималана российской философ Г.Гачев откодялò войывисöвмёдомсö миянлыс да Америкалыс, да ыджыд торъялёмъяс оз и аддзы. И сэнi, и танi йёзис уськёдчалисны войвылас мыйкё дыра кежлё, медтыкё чёжны унджык сьом да бергöдчыны гортаныс. Но кокни сьомыс и ылёдлис найёс да водзё на овны колбёдис войвылас, быдтысыны да сэтён и пöрыссыны, кёть эсько этишныс эз вежсы, «ноптьён» и колис: «волин и мунин».

Но и шудтöмъясон оз позь найёс щуны. Мед и сьокыд уджён да ыджыд сьомён, но зэв на и коланаён му вылас кылисны найё асынысö, да таись и локтис наалы долыдыс, усис морт олан шудыс.

Сьокыд уджыс да сысы бура мынтысъомыс тёдчытог эз овны си вылё, мед эсько тыр-бура овны, мед эсько унджык на босытны. И сийё жё Америкаас быдён медводз асьсо тёдис, ас пондаыс горшасис, то миян весиг горшасъомыс воли öтвывса, колективистской. Социализм морттö мортыдкёд оз на пурсьёд, кыскё на öтласа удж вылё. Тайин и воли бурыс, героизмыс. А тайё онi кутис бирны. Колис на эсько öтласа могыс да тёждыс, медся нин Россия вёсна дзонынас, но рытывывса горшасъомыс, быдёнлён асланыыс курыштöмьес кутис нин венны.

Коймёд котырыс тайё, коди кыпöдис войывиса индустряясö, лоис аслыспöлөс социализмён, сорасьтомён мукёд йёз чукорыскёд. Сийё сувтис олёмас зумыд кок йылё медводз аслас уджнаас да удждоннаас, велалис овны озырджыка да мичаджыка. И гаж бырёмыс сёмын наалён и колис коркёя чужанинъяссыс. Но локны бёр чужанинъяас, весигтö Россия шёрса каръясö войывисато оз ёна и ышёд. Выльлаас, кытчö найё вужёны овнысö, на вылё видзёдёны скорыс, весигтö лёгаломён, сы вёсна мый найё озырджыкёс, оз нин пуксыны коньорад. Найёс дöзмёдö нин улын тшупода да судзсытём олёмыс, и унаён бёр локталёны войывилё.

Дерт, позьё на унджык котыр вылё юклыны республикаын

ольсыяссö, но тайö куим котырыс медбура петкöдлöны, мый медся донаыс да коланыс татöн олыс йöзыслöн. И артавтöг тайöс, тöд вылö босыттöг некызд оз позь. И абу сы йылыс сёрниыс, мед öткодь позянног (условие) ставыслы лöсъёдны. Регыдён тайöс вöчны он вермы дай оз и ков. Мед быд котыр ас ногыс корсью да аддзö олёмсыыс донасö, тайöс и дорийö да сёвмёдö Республикааным. Та вылö надейтчö и авторыс.

ЫСТЫСЯНА ЛИТЕРАТУРА:

1. Крупник И.И. Арктическая этноэкология М., 1990; С. 186, 187.
2. Шаньгина В.В. Общинное землепользование в бывшей государственной деревне Коми края в пореформенные годы XIX века // Хозяйство северного крестьянства в XIX—начале XX вв. Межвузовский сборник научных трудов. Сыктывкар. 1987 — 122 с.; С. 31.
3. Камкин А.В. Общественная жизнь северной деревни XVIII века (пути и формы крестьянского общественного служения). Учебное пособие к спецкурсу. Вологда. 1990 — 96 с.; С. 86.
4. Камкин А.В. Общественная жизнь северной деревни XVIII века; С. 72.
5. Гачев Г.Д. Национальные образы мира. Америка в сравнении с Россией и Славянством.— М.: Раритет, 1997.— 680 с.; С. 456.

Татьяна КУЗНЕЦОВА

«Грездысь босътö олан вынсö...»

(А.Поповлён «Грезд» повесть йылысь пасйöдъяс)

Талунъя дзугсьюм олёмыс гудыртö сьёлёмтö, ловтö уськёдö. Быдёнлы кёсийссö, мед эськö кёть мыйкö бурöс да состомёс, ловтö кыпöданаоц олёмыс мыччис... А литературатö торъя нин кыскö шаньтö да авъято серпасавны. Со тай А.Попов выль повестяс («Грезд» повесть, йöзöдöма «Войыв кодзув» журналлон 2000 вося 1 да 2 номеръясын) петкёдлö, кыдзи сьод пармалын вошом, эновтöм ичötик грэздыс сетö мортлы помтöм эбös. Вёлёмкö, тайё «ош гуыс» (тадзи лёкпрысь нимтöны ичötик эндöм грэздсö) видзö на морт сьёлёмлы ёна колана шоныд русс; тани олёны лышкыд, авъя сьёлёма, шань йöз. «Танi йöзыс сэтшом аслыспöлöсöс... Челядь кодьöс. Тшыксытытомöс», — сёрнитöны повестьса геройяс Миш да Катя. Оз öд прёста автор некымынысь откодяв грэздсö вичкокöд. «Гашкö, грэздыс сетö та вылö мортыслы вын-эбöссö, оз лэдз чегнысö? Колёкё да...», — татшом мёвпö воис Миш.

Дзескыдïнысь пышёйм мортöс пöрысь йöз оз вётлыны — мёдарö, юкталёны-вердёны, шоныд вольпась сылы лöсъёдёны. «Пöч видзöдис сы вылö ставсö гёгёрвояссын. Видзöдласас эз вёв ни полём, ни зывётöм. Мёдарö на, мыйкö шоныдён да надея сетыссын вёліны синъясыс». А кор Миш тёдмалö, мый коркё Семё Марьялышь айсö пышъялышьас вёр керкаас вилёмаöс, сийö шемёсö усьё... «Мыйсама пöч сы водзын? Сылы со кутшом ыджыд лёктор коркё вёчлёмаöс сы кодь жö пукалышьас, а сийö онi со шышкös тшайён юктöдö, вердö и шонтöдö. Тайё Мишлы вёлi некыдз гёгёрвотöм. Висьталис кё кодкё, то эз эски. Сёрёмён лыддис. Мыйла сийö, пöчыс, онi тадзисö вёчö? Ас радиыс али, колёкё, збылышь сьёлёмыс мортыслён сэтшом. Оз öд, конкё, асьсö вылöджык наыс пуктöм вёсна тадзисö вёч? Мед кыдзкё личкыны Миш кодъяссö. Ti по со кутшом лёктор керинныд, а ме тайсис со кутшом бура примита. Ме по и мортыс, а тi — немортъясыс. Öдвакё тайё пемыд пельбессыс петавлытöм мортыс вермас тадзи вёчнысö». И автор, и герой (Миш) зильёны гёгёрвоны Семё Марьялышь психологиясö, олан сямсö. Збыль, сидзкё, эмёсси на миян костын сьёлёма йöзыс? И кор кылис сьёлёмнас Миш, гёгёрвоис, мый эмёсси на, быттью ачыс вочасён вежсыны кутис. «Тайё керкаас сийö, гашкё, первойсис на бёрья воясас гёгёрвоис, мый сийö морт жö. Туй выв морт. Быдён öд петёмаöс туяд. Олом туйё», — гижё автор. Гижёдлён мёдёд юкёнас Мишлён характерыс мёдар ног петкёдчö. Вёлёмкö, сийö яндысысь, шань, прамой морт. Киподтуя, кужыссы мужичой, мастер. Окотитö уджавны. Со тай азыма босътчис Устиньлыссы пес лэбувсö дzonьтавны. И бура öд вёчис уджсö. А Катя пырыссы-пыр и казялис, кутшомджык Мишлён збыль вылас обычайыс, сямис. Абу по сийö морт виыссы кодь, а коньёр кодь. И збыль öд, ас мортон лои ичöt грэздас; пöрыссысис и Мишсö, и Катяос быттью ас семьяю

босътісны. Кор салдатъяс локтісны, и Павел Вась гозъя, и Катя да Устинь зілисны кыдзкө да мыйкө отсавны Мишлы. Оломуыс тай сізд лоъсюдома, ковмис и Мишлы морттуйсö петкодлыны. Кöть и дзебасыс эновтöма лои, Катялы отсаліс, дорийс сiйöс салдатъассыс. Кужомён А.Попов бергöдома сюроъсыслыс визъсö: оломуыс öд морттö гуг и бап видлалö... Сетчас-ö? Кужас-ö видзны морт сямсö? Мишлён тай быттьö артмис морт ногён кутны асьсö-а... Со тай, нүодёны сiйöс салдатъяс, а сёлём вылас Мишлён кокни, весиг дольд. «Сiйö онi ниномысь нин оз пов», — гижö автор. «...сiйö улöдз копыртчылiс грэздлань, сэтчö колысь йозлань. Салдатъяс нином эз шуны. Кыдзкө шойювошомаёс жö мыйыськö». Весиг салдатъяс кылісны-гöгрвоисны, мый морттыслон ловпышса ыджыд вежсюмъяс мунёны... Артмис сізд, мый таладор югыдсö эновтны дась нин волi Миш («Петан туйсö сiйö кутiс аддзыны сомын оломуыс помаломысь. Мёд ордым сэсся эз мыччась», — гижö автор), да Шорийв грэзд сiйöс ловзьöдiс, олан вын сетiс. Тайö эндём грэздыс быттьö сёстом ёль. Кыдз ёль помся сетö сöдз, эзысь ва, ловъя ва, сізд и ичöt, бörын вошом грэзд сетö мортлы эбöс, ловпышса вын да олан гаж. Бёрзьöдлытом, мича бör-ва, сиктса йозлон оланног быттьö бурдöдёны мортлыс мудзём, висьсь ловсö, шойчёдёны сiйöс. Сиктын пуксюм нэмöвойся оласногыс, тыдалö, видзö и мортлыс пытшкёсса сёстомлунсö, сетö сылён ловлы ыджыд вын. А ичötик эновтöм грэздын олысь порысь йозыс видзёны нэмöвойся, векöвойя оланногсö. «Йозысь сiйö некор эз повлы», — гижö Семё Марья йылысь автор. «Мый сёлём тшöктылiс, пыр на сiйöс и вöчлывлi», — висьтасьö поч. Сёлём серти олёны ичöt грэздса олысьяс, сёлёмсянь шонтёны, бур кывийн паныдалёны быд локтысьös. «Миянлы весъкодь, кутшом мортöс оломуыс керкаöдз вайёдас. Бур али бара-й лёк сiйö — мыйён тёдан. Мунысь мортыд — мунысь морт и эм. Туйö петёма... Мунысь морттö миян первой вердёны да юкталёны, а сомын си бöрын видзöдлёны, кутшом сiйö», — нүодё сёрни Семё Марья.

Бёрзьöд сёлёмтö ичöt грэздсö ыдждöдлёмыс, сёлём выло воi и сiйö, мый талунъя гудыр, сёкыд кадö шаньсö да сёстомсö автор аддзö сиктись... Чужан мусыд на видзö ловтö став пежсъяс да ковтöмсыс. Но быттьö мырдён сорён жö, личкёмён тайö мёвпыш авторлён лои мыччёдома. Явö петкодлёма. Быттьö мед эськö лыддыссысь вильтi ёна юр вемсö эз жö зэлёт, юрсö эз жугёт. Со тай медводдза аддзысльомыс Павел Васькод, грэздса олыськод, Мишёс весъопортiс. Павел Вась «...мыйлакö нюомъялiс дзик челядьлён кодь шуда нюомён. Гашкё, абу тыр вежёра мортыс да? Зэрыс со киссюмён киссё, а сiйö вашъялö да мый вынсысь шлапкё-восьлалö водзö». Но эз сомын тайö Мишёс шензьöд. «Кор поль саймотчис, Мишлён мыйлакö важ лёк мёвпъясыс вушийисны юрсыс. Быттьö эз и вöвлыны. Тайö мортыс быттьö аскöдys нуис сильтис лёк кёсиймъяссö. Кыдзи тай висьсь кагалыс нёрпаломсö вермö чышкышты тёдьис поч, сідзжö и Мишлыс личкись мёвпъяссö аскöдys нуис вашъялыс польыс». Артмё сізд, быттьöкё Павел Вась кутшомкё тёдтöм, гёгрвотом морт. И нюомыс сильтон торъялана (абу татчöс, тыдалö), и видзöдлассыс мёрччана. Со тай, Мишлыс сёд кымёр кодь мёвпъяссö разёдiс, нүомён нуис польыс. Оти-кё, гижёдлён медводдза лист боксянъ лои торёбдома Павел Васьлыс образсö; мыйкё пас сяма си выло лои пуктöма. Мёд-кё, петкодлёма лои, мый кутшомкё (не морт нога) вын ас

пытшкас дзебё тайё мортыс. Кыдзко тай Мишлён мёвгъяс выло, вежёр выло воёма лои-а... А, гашкё, оз и ков уна гартины-гудравны аслыспёлос нюмъяс йылысь, кутшомкё не морт нога вын-эбёс йылысь? Лыддысысь тёдмалас водзо лыддигён, мый Павел Вась — прёстой коми мужик, чужёма да нэмсö кольёма-уджалёма ичётик, вёрын вошом грездын. Сьёлёма морт, велалёма олёмас ставсö лада да лючки вёчны, мед некодёс эз ло обидитома. Кыдзи сиктса коми мужикъяс, абу ёна варов, да ёдвакё слоймас кыдзко торъя чуймёдана нюмъявны. Павел Вась кодь мортыс, гашкё, кыскö ас динас веськыдлуннас (тайё, дерт, тыдовтчö синъяс сертиыс), сийён, мый зумыда сийё ас кок йылын суало да кылó ас пытшкысь торъя вын, сяммё сьёлёмсяяныс мукёдъяслы отсёг сетны. Татшом сикас йозыд тай кыдзко гёгёрвотётг ас динас сибёдёны. Тайёяс оз нин, майбыр, вузавны, сьёкыд кадё оз эновтны... Збыль олёмсыс, характерсыс авторлён быттьё кежём артмис.

Эськё и гёгёрвоана (колё-о сёрни нубодны нюмъяс да кутшомкё мистической вын йылысь?), мый Павел Вась кодь мортыд дорё кыскас нин вёрын шойтысь тшыг Мишёс. И стёча, лёсыда лои авторлён шуома: «И мёдёдчис буретш сылань, кытысянъ локтис пёльыс. Мыйла? Да код тёдас. Быттьё сыланьё вёйысисны ётырышъя и лолыс, и сьёлёммыс. Быттьё сэні сёмын и вёлі Мишлы лёсяланы местаыс».

Эндём грэздыс оз сёмын Мишлыс ловсö бурдёд, выль олём овны ышёд, но и ёна отсало Катялы. Парма шёрын вошом грэздыс быттьё весало нывкалысь ловсö, сетё сылы сёстомлун да эбёс. Но тайёс неуна личкёмён жё петкёдлёма лои, веськыдджыка. Кор на Катя Павел Васькёд туй кузя восылалис, сёмын на матыстчис Шорыйыв грэзд дорё, кутис ассысё выль ног кывны. «...вужжыс тасянь жё нюжёдчёма. И кёнкё пыдын пукало быд морт вежёрын да сьёлёммын. Сёмын кывны тайёс колё. А Катя збыльысь тайё оні кутис кывны. Кутшомкё аслыссикас кокныдлун первой ёзийштис, а сэсся вочасон би моз босытчис пестысыны сылон вежёрын да сьёлёммын. Мый тайё татшомыс? Оні сийё эз на гёгёрво. Но кокныдлунсо збыльысь кылис...» Быттьё вывтіась гижысь, личкёмён шую коланасо; веськыд индёдыд од серпаса гижёттö торкё, художествоа ладсö дзугё...

Но век жё, кёть шыбёллитö мукёддырий гижысьёс, А.Поповлён выль повестыс вёрзьёдö лыддысысысьлысь сьёлёмсö, шонтö сийёс шаньсö да авъясö петкёдлёмнас. Миян талунъя проза корсёй, тыдало, олёмыслысь вужжяссо, олёмыслысь зумыд нравственной подувсö. И бара жё бергёдчö сиктлань; грэздысь, парма шёрысъ босыт лов пытшкас сёстом эбёссо, олан вынсö...



*Журналын ѹзбөдтөм гижёттөс
редакция оз рецензируйт и авторыслы найёс оз мёддөд*

Техн. редактор **А. Одинцов.**

Корректор **Е. Панюкова.**

Адрес редакции: 167610, г. Сыктывкар, Дом печати, комн. 26
Телефоны редакции: 42-47-52 (главный редактор), 42-51-52 (отв. секретарь).

Подписано к печати 15.05.2000. Формат 70x108^{1/16}. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1399. Заказ № 4845. Регистр. № Ф0095.

ОАО «Коми республиканская типография», 167610, г. Сыктывкар, ул. Первомайская, 70.



Куслытём Би дорын.



Ылавлывса гаж.

Снимокъясыс В. Петровлён.

4-50

Индекс 73069

Доныс сёрнитчом серти.